

Madthe Diadzadkhanni Gamoe Nastshul.

Madthe speche skor.

Gome chostshogssi uskyongunni, i spechabo Tsoo Yeshui skutshabs rcugnyissi narne cig, madthe Griiste inkhanboe spaņpo tarņanog. Madtha thalnenkhanzhig inpin, Yeshui tusla kho Israelli narņa yodpin, kaboa Yeshui ņe gyabne đarņste ņe skutshabsgunni narņe cig gyur mols.

I specha Yeshu tarņste sontea zharņste stinņe lo 17 ni nyekhorla đia dzadte innog. I spechabo madthe khagcan coste marņchea Yahudapa, tene Yahudape chos sheskhanni Yahudapa mankhangunni phia đia dzadte inkhanbo salpo hagoanog.

Madthe dodpa ni, suņrabs snyinņe narņa Konchoggi Mashika, skyabgon tar gyalpo skyodcessi luņstan dzadkhanbo, Yeshu khonraņ inkhan silkhangunla hagocugces innog.

Madthe, Yeshui shikhangun sontea larņcugces, nadpagun phancugces, rdud zhugskhangun phiņces tar, luņtshub chadcugcessi chaglasgun dzadte Konchog tsogssi warņcha tar shed yodkhanbo ņadarņgunla stannanog. Innar khonņi chaglas tagshogpo migun sdigpe kane tharcugte gyalkhamszhig coa dzadcespo in, kagun Konchog nyampo namkhe narņa tusgyun dugin.

I stinjugpoeka Yeshui khonraņņi lobtugsgunla jigstenni khag tsharņma sorņe migunla Yeshuika tadpa coste khonņa đarņshesla chos shod zerte stinjuggi kabo sals..

Tsoo Yeshui phamespogun.

1:1 ne 17

- 1** ¹ Ibo ni Tsoo Yeshu mashike phamespogunni thoin, khon gyalpo Dabid tar Abrahammi purgyud innog.
² Abraham ni Isakgi aba inpin.
Isak ni Yakobbi aba inpin.
Yakob ni Yahuda tar khoe acono tsharņme aba inpin.
³ Yahuda ni Pheres tar Zerah gunni aba,
Yar khongunni ama ni Tamar inpin.
Pheres ni Hesronni aba inpin.
Hesron ni Rammi aba inpin.
⁴ Ram ni Amminadabbi aba inpin.
Amminadab ni Nahashonni aba inpin.
Nahashon ni Salmonni aba inpin.
⁵ Salmon ni Boazzi aba,
Yar khoe ama ni Rahab inpin.
Boaz ni Obeddi aba,

Yarj khoe ama ni ruth inpin.

Obed ni yeshee aba inpin.

⁶ Yeshe ni gyalpo Dabiddi aba inpin.

Dabid ni Solomonni aba,

Yarj khoe ama ni uriyi nama badshiba inpin.

⁷ Solomon ni Rehabboammi aba inpin.

Rehabboam ni abiye aba inpin.

Abiya ni ase aba inpin.

⁸ Asa ni Yehoshaphaddi aba inpin.

Yehoshaphad ni Yehorammi aba inpin.

Yehoram ni uzziyi aba inpin.

⁹ Uzziya ni Yothammi aba inpin.

Yotham ni Ahazii aba inpin.

Ahazi ni hizikiyi aba inpin.

¹⁰ Hizikiya ni Manashee aba inpin.

Manashe ni Amonni aba inpin.

Amon ni yoshiyi aba inpin.

¹¹ Yarj maggi stiņne Yahudapagun Babelonla khyerri tus Yoshiya ni Yekoniya tarj khoe aconogunni meme gyur.

¹² Babelonla khyerte stiņne

Yekoniya ni Shaaltiyelli aba inpin.

Shaaltiyel ni Zerupbelli meme inpin.

¹³ Zerupbabel ni Abihuddi aba inpin.

Abihud ni Eliyakimmi aba inpin.

Eliyakim ni Azorri aba inpin.

¹⁴ Azor ni Zadoggi aba inpin.

Zadog ni Akimmi aba inpin.

Akim ni Elihuddi aba inpin.

¹⁵ Elihud ni Eliazarri aba inpin.

Eliazar ni Madthanni aba inpin.

Madthan ni Yakobbi aba inpin.

¹⁶ Yakob ni Yosebba aba yarj Yosebba nama ni Miryam inpin, khoa Yeshe, Konchoggi Idamma dzadkhanni Mashika Itams.

¹⁷ Lduste zerna Abrahamne gyalpo Dabiddi parla Mirabs 14, yarj gyalpo Dabiddi tusne Yahudapagun Babelonni yulla khyerkhyer tshagpa Mirabs 14, yarj Yahudapagun Babelonla khyerkhanni tusne mashike tus tshagpa Mirabs 14 yodte innog.

Yeshe Mashika thunjtshul.

1:18 ne 25

¹⁸ Tsoo Yeshe, Konchoggi Idamma dzadkhanni mashike thunj tshul ni izuggi curjste inpin, khonji ama Miryammi Yoseb nyampo nama cocesla khachamste

inpin. Innarj khorngun dzomste nyampo duggi sarj sɲunla dampe thugnyiddi Miryam skyecemazhig gyurcugs. ¹⁹ Kho nama ɲikhan Yoseb, mi taɲpozhigh inpa, Miryamma migunni dunla thelba cha micug samste, khoranɲi sambe naɲɲa sarɲwe thogne Miryam nyampo nama mico samste thagcads.

²⁰ Tezug thagcadte stiɲne, Yosebbi nyilammi naɲɲa Konchoggi phonye izug molin jal, "Gyalpo Dabiddi purgyud Yoseb, Miryamma nama coste khyercesla jigs majigs, Miryammi naɲɲa chagskhanni ɲugubo dampe thugnyiddi zhaste in.

²¹ Miryamma butshazhigh skyein, yarj khyoranɲi khorɲi tshanla Yeshu^a taggos ciazerna khorɲi khoranɲi migun khorngunni sdigpe kane skyobba dzadin."

²² Luɲstonpa Yeshya gyudte Konchoggi molkhan tshanɲma ɲubcessi phia te tshanɲma cuɲste innog. Yeshaye Griiskhanbo ni,

²³ "Ltos nachuɲ, butsha nyampo ɲel machakhan zhiggi naɲɲa

ɲugu chagste butshazhigh jorin,

Yarj khorɲi tshanla Emmanuel zhuin^b,

Kaboe tontagpo ni "Konchog ɲadaɲ nyampo" innog.

²⁴ Yosebba nyidtsaddacig, Tsooe phonye molkhan naɲzhin Miryam nyampo nama coste khoranɲi khorɲa khyorɲs. ²⁵ Innarj ɲaspo jorjor tshogpa Yosebbi Miryam nyampo lusɲel mane mabors, yarj ɲaspoe tshanla Yosebbi Yeshu tagga dzads..

Shar chogsne skyodkhanni shesrabscangun.

2:1 ne 12

2 ¹ Herod gyalpo in zane, yahude yulli Bedlehemmi naɲɲa Yeshu sku Itams. Tetusla shar chogsne shesrabscan skarma silkhanni mi khacig Yerushalemmi gyalpa yonɲte ² ɲis, "Yahudape gyalpo Itamskhanbo kane dug? Dazhaa khorɲi skarma shar chogsla thonpa, khorj jalla yonɲpin."

³ Te sperabo tshorracig, gyalpo herod halaste jigs yarj Yerushalempa tshanɲarj.

⁴ Gyalpo heroddi lama uskyoɲ tarj chosthimsa khaspa tshanɲma bodte Konchoggi Idamma dzadkhanni Mashika karu ɲuɲsshes dug zerte ɲis.

⁵ Khorngunni lantaɲs, "Yahude ɲorjkyer Bedlehema: kazug luɲstonpa miki Konchoggi molla dzadkhanbo ɲia dzadte innog,

⁶ "Yahude ɲorjkyer Bedlehem,

"Yahudape yuljorɲssi naɲɲa khyozhe ɲorjkyer chuɲunboarj,

ɲorjkyer ma khagcanzhig gyurin,

Ciazerna khyozhe ɲone tezug waɲɲulpazhigh yonɲin,

Kaboe Israelpa ɲe migunla lugsdzi tshulla stastog coin^c."

⁷ Tene heroddi shar chogssi shesrabscangun suaɲ gyuscha macugga cigpo bodte skarma gomaraɲ thonkhanni tuspo gyuscos. ⁸ Khoe khorngun Bedlehema

^a1:21 Yeshui ton ni "Tsoo Konchoggi skyobba dzaddanog"

^b1:23 yeshaye speche 7:14

^c2:6 miki speche 5:2

lamcugste zers, "Soñ, zhibsal coste ðugubo tsol, yañ khoñ thobbacig logste yoñste ñaa shod, ciazerna ñaa khoñ jalla soñte khoñña colin."

⁹ Gyalpoe spera zerkhangun nyante stiñne, khonggun shar chogsla thoñkhanni skarme gyabne soñ, kabo ðugu yodse nasseka lebbacig, namkhe nañña ðul maðulla dugs. ¹⁰ Skarmabo ðul maðulla dugste thoññacig, khonggunni sems thadpoe gañs. ¹¹ Khañpe nañña chacig, khonggunni ðugu khoñraññi ama Miryam nyampo thoñ, yañ khonggunni pigdoñ tsugste chagphuls. Tene sterghamgun pheste ser, pharñkensens tañ mer zerkhanni ðizhimcanni spos tañ marri skyesgun khoñña phuls.

¹² Yañ nyilammi nañña Konchoggi khongunla gyalpo herod yodsa logste michacesla spañpudpa, lam sosozhigne rañyulla logste soñ.

Ijibbi yuljoñsla shorra dzads.

2:13 ne 18

¹³ Shesrabscangun logste chacig, Konchoggi phonyazhig Yosebbi nyilammi nañña molin jal, "Loñs, ðugu tañ khoññi amaa Ijibbi yuljoñsla ðidte shor. Yañ namtshogpa ñe mizer tetetshogpa teru dug, ciazerna gyalpo heroddi i ðugubo sadcesla tsalin."

¹⁴ Yoseb lañste ðugu tañ ðugui ama Miryam nyisko ðidte tenna tshanla Ijibbi yulla shorte soñ, ¹⁵ karu khonggun gyalpo herod shishi tshogpa zhugs. Kazuggi Konchoggi luñstonpa gyudte, "De Ijib yulne philogga ñaraññi butsha bodpin^d" molte yodkhanbo ðañða ðub.

¹⁶ Gyalpo heroddi shesrabscangunni gobskor tañkhanbo hagopa maşañte şo yoñs. Khoe Bedlehem tañ te nyekhorri yulli nañña yodkhanni butsha lo nyis yañ tesañ chuñña tshañma sod zerte ka tañs, kabo shesrabscangunni tañporañ skarmabo thoñ zerkhanni tus nañzhin inpin. ¹⁷ Tene luñstonpa Yeremya gyudte Konchoggi molkhangun ðub. Tebo ni,

¹⁸ "Rahe yulne skad tshorin,

Duin yañ rdugpo coin.

Rahelli purgyud raññi ðugugunni phia ñuin,

Innañ semsso migos,

Ciazerna ðugugun shite med^e.

Ijibne logte skyods.

2:19 ne 23

¹⁹ Gyalpo herod shite stiñne, Yoseb Ijibbi yulla yoddi tusla khoa nyilammi nañña Konchoggi phonyazhiggi mols, ²⁰ "Loñs, ðugu tañ khoññi ama ðidte Israelli yulla soñ ciazerna ðugu saddala tsalkhangun shite med."

²¹ Teboephia Yoseb lañste ðugu tañ ama ðidte Israelli yulla logste soñ. ²² Innañ Yosebba heroddi tshabsla khoe butsha arkhelis yahude gyalpo cokhanbo

^d2:15 Hoshayi speche 11:1

^e2:18 yeremyi speche 31:15

tshorracig, kho yahude yuljoŋsla logste chacesla jigs. Khoa nyilammi narŋa spaŋpudda dzad pasarŋ Galillii yuljoŋsla soŋ. ²³ Khoŋgun soŋte Natsared zerkhanni doŋkhyerri narŋa dugs. Tennaboephia sŋunme luŋstonpagunni khoŋŋi skorla "Khoŋŋa Natsaredpa zhuain" molkhanbo đanđa đub.

Yohan an thussalkhanni migun đaldig dzads.

3:1 ne 12

3 ¹ Lo maŋpoe stiŋne thussalkhan Yohananni chosshadces gozugs, khoŋŋi yahude ristorŋi narŋa migunla chosshadin ² mols, "Namkhe gyalšid nyemoa lebste innog, gyodpa coste Konchog chogsla sems gyurshig." ³ Luŋstonpa yeshaye thussalkhan Yohananni skorla moldug,

"Ristorŋi narŋa skad chenmozhiggi molin,

"Tsoo phebshesla đaldig cos,

Yaŋ khoŋŋi phebslambo taŋpo cos^f."

⁴ Yohananni rŋaborŋi Baalla thagskhanni Kos taŋ skedpa koe skyerags cinŋadpin. Khoŋŋi kharji ni parpartse taŋ ristorŋi raŋstsi inpin. ⁵ Tetus Yerushalem, Yahuda gaŋpo taŋ Yordan luŋpa gaŋpoe migun khoŋŋa ltaces taŋ nyannala soŋ. ⁶ Khoŋgunni raŋraŋŋi sdigpe lasgun migunni dunla shads pasarŋ Yohananni khoŋgunla Yordan ltsaŋspoe narŋa thussalla dzads.

⁷ Innarŋ pharushipa taŋ saddukipa maŋpozhiŋ thუსlenna yoŋin zigste Yohananni mols, "Khyozhaa tugrulli purgyudgun, yoŋcescanni Konchoggi chadpane shor zerte khyozhaa spaŋ sui phuds. ⁸ Sdigpa coces spaŋste Konchoggi lammika đulkhanni đasbu smincug. ⁹ Yaŋ khyozhe masamshig 'Dazhaa Abrahammi purgyud in pasarŋ tharin'. De khyozhagunla zerrad, Konchoggi i rdoagunni narŋe Abrahammi phia purgyud dzadnyanin. ¹⁰ Shaŋ coshig. Stari ni lcaŋmagunni stsika gyabchogchog dug, đasbu zaŋpo masminkhanni lcaŋma tshaŋma cadte mee narŋa phaŋin."

¹¹ "De khyozhaa gyodpa coste Konchoggi chogsla sems gyurcesla chuithus taŋŋad. Innarŋ ŋe stiŋne skyodcescan, khoŋ ŋe saŋ maŋŋa waŋcan, yaŋ ŋa ni zhabshi tsogsla khoŋŋi zhabpul khurcessi ospa med. Khoŋŋi dampe thugnyid taŋ mee thussalin. ¹² Zhiŋbadpe yulthagga zar nyampo, to taŋ phugma pheste to khoranŋi baŋŋe narŋa yaŋ phugma mee narŋa ŋagga tsogsla khoŋŋian khoŋraŋŋi migun taŋ mi ŋanpagun sosoa phea dzadin.

Yeshui thus lenna dzads.

3:13 ne 17

¹³ Tene Tsoo Yeshu Galillii yuljoŋsne Yordan ltsaŋspoa Yohananne thus lennala skyods. ¹⁴ Innarŋ Yohananni Yeshua thus lencesne ghagcessi stsonđus coin mols, "Đaa nyeraŋŋi thussal goshes innog. Tene nyeraŋ ŋeka thus lenna cia skyodte in?"

¹⁵ Yeshui Yohanarla mols, "Dagsa ŋa thუსlencug ciazerna izug cocespoe ŋadaŋŋi Konchoggi thuggoŋs đub cugganog." Tene Yohan an khoŋŋa thussalcesla thad.

^f3:3 yeshaye speche 40:3

¹⁶ Thus namste Yeshu chui naŋne biŋŋacig, namkhaa bete, phurgonzhiggi tshulla Konchoggi thugnyid babste khonŋjika zhugssa dzads. ¹⁷ Yaŋ namkhane suŋskadshiggi mols, "lbo ni ŋe cespe butsha in, khyoraŋ nyampo ŋaa maŋaŋte thadpo in."

Shetanni Yeshua tshodltas.

4:1 ne 11

4 ¹ Tene rdudgunni gobaa tshodlta cugcesla Konchoggi thugnyiddi Yeshu ristonŋi naŋŋa khyerra dzads. ² Tshannyin zhibcu dontaŋ madonna roza zhugspa Yeshu rimste yodpin.

³ Tshodldakhanni shetan khonŋi dunla yonŋste zers, "Kaltes nyeraŋ Konchoggi ŋas inna i rdoagun tagi gyurcesla ka sal?"

⁴ Tsoo Yeshui lansals, "Dampe suŋrabssi naŋŋa ŋiadzadte dug,
'Mi tagi cigpoe sonŋea milus

Innaŋ Konchoggi zhalne biŋŋa dzadkhanni

Zhalta reree khaa nyancesne sonŋea lusin⁹."

⁵ Tene khoe Yeshu dampe gyalsa Yerushalemma thidte khyers yaŋ chodkhaŋŋi goliŋŋa khyerte ⁶ khonŋa zers, "Kaltes nyeraŋ Konchoggi ŋas inna ikane thurla lcebbaŋ ciazerna suŋrabssi naŋŋa ŋiadzadte dug

'Khyoraŋ skyobcesla Konchoggi phonyagunla ka salin.

Khyoraŋŋi kaŋpaŋ rdoeka phog micugcessi phia,

Phonyagunni lagpa ŋkyaŋŋe khyoraŋ zumma dzadin^h."

⁷ Yeshui khoa lansals, "Dampe suŋrabssi naŋŋa iboaŋ moldug.

'Tsoo khyozharaŋŋi Konchogga tshod Maltaaⁱ."

⁸ Yaŋskyar rduddi gobe khonŋ ri thonpozhiŋŋika khyerte jigstenni gyalŋid tshaŋma taŋ tegunni spal stante, ⁹ zers, "Kaltes khyoraŋŋi ŋa chagphulte colna, ŋe khyoraŋŋa i tshaŋma taŋin."

¹⁰ Yeshui khoa mols, "Shetan khyoraŋ ikane sonŋ, ciazerna dampe suŋrabssi naŋŋa ŋiadzadte dug,

'Khyozhe, khyozharaŋŋi Tsoo Konchogga colgos.

Yaŋ khonŋ cigpoa zhabstog zhugosi.'

¹¹ Tene rdudgunni goba khonŋne bete sonŋ yaŋ Konchoggi phonyagun skyodte khonŋa zhabstog zhus.

Tsoo Yeshui Galillii naŋŋa zhabstog gozug dzads.

4:12 ne 17

¹² Yohanan zumste tsonkhaŋŋa kagskhanbo Tsoo Yeshui sannacig, khonŋ Galillii yulŋonŋsla logste skyodda dzads. ¹³ Natsareddi ŋonŋkhyerla mazhugssa, tshoe

⁹4:4 thimssi specha nyispe 8:3

^h4:6 sunŋurri speche 91:11,12

ⁱ4:7 thimssi specha nyispe 6:16

^j4:10 thimssi specha nyispe 6:13

dunla yodkhan Zebulon tar Nabthallii yuljoŋssi Kapharnahum ɔŋkhyerla skyodte zhugssa dzads. ¹⁴ Sŋunme luŋstonpa Yeshya gyudte Konchoggi molkhanbo ɔaŋɔa ɔubthubcessi phia Yeshui te tshaŋma coa dzads. Yeshaye ɔia dzadte dug,

¹⁵ "Zebulon tar naphthalli yulgun,

Tshoe lammika Yordan Itsaŋspoe pharka,

Galillii yuljoŋssi naŋŋa dugkhan Yahudapa mankhan,

¹⁶ Munpe naŋŋa dugkhangunla

Od Idaŋshanzhig thoŋin.

Shin yul munpe naŋŋa dugkhangunla

Nyima sharte od phogin^k.'

¹⁷ Tenna tusne pharla Yeshui chosshadces gozug dzads, "Namkhe gyałšid nyemo innog, gyodpa coste Konchog chogsla sems gyurshig."

Yeshui gome lobtuŋsgun Idamma dzads.

4:18 ne 22

¹⁸ Tsoo Yeshu Galillii tshoe thamane zhabɔul dzadin yodtus, khoŋŋi acono nyis, Shimon kaboa Pitarrarŋ zerrad yar khoe no enɔiu zigs. Khoŋgunni tshoe naŋŋa nyadol phaŋŋadpin ciazerna khoŋgun nya zumkhan inpin. ¹⁹ Yeshui khoŋgunla mols, "De gyabne yoŋste ŋe lobtuŋs gyur, tanepharla ŋe khyozhagunla nye tshabsla migun zumces labin." ²⁰ Tennamalla nyadol spaŋste khoŋgun Yeshui gyabne ɔaŋs.

²¹ Yeshu tekane skyod zane acono nyis, zebeddii butsha Yakob tar Yohanan zigs, khoŋgunni aba nyampo, ɕuziŋŋi naŋŋa khorarŋgunni nyadol ɔalɔig coadpin, Yeshui khoŋgunla bodda dzads. ²² Tennamalla Yakob tar Yohananni ɕuziŋ tar aba borte Tsoo Yeshui gyabne ɔaŋs.

Yeshui nadpagun phancugga dzads.

4:23 ne 25

²³ Tsoo Yeshu Galillii yuljoŋs gaŋpoe naŋŋa skyods, khoŋŋi dukhangunni naŋŋa labzha salin, namkhe gyałšiddi gamoe nastshulbo shadda dzads, yar zumo tar nad tshaŋmane migun phancugga dzads. ²⁴ Khoŋ miŋcanni nastshulbo thagriŋ Siriya yuljoŋs tshogpa khyebs pasarŋ migunni zumo minɔa minɔa yoŋskhanni nadpagun khyoŋs: sperna natsha maŋaŋte, rdud zhugskaŋ, mirgi yoŋkhan tar, zaphogkhan gun, te nadpa tshaŋma Tsoo Yeshui gyalcugga dzads. ²⁵ Galillii, gyałsa rcu zersa, Yerushalem, Yahuda tar Yordan Itsaŋspoe nyekhorne mi maŋpo Tsoo Yeshui stiŋraŋe yoŋs.

^k4:16 yeshaye speche 9:1,2

Tsoo Yeshui rika chos salla dzads.**5:1 ne 12**

5¹ mitshogs chenmo dzomin zigssacig, Tsoo Yeshu rika kenla skyodte zhugssa dzads. Tene khoṅṅji lobṅugsgun khoṅ yodsa yoṅs. ² Yeshui khoṅgunla labzha salces gozug dzadte mols,

³ Konchogne rogs tsalkhangun cinlabscan in,
Ciazerna khoṅgunla namkhe gyalṣid norskalla thobin.

⁴ Semssi naṅṅa rdugpo yodkhangun cinlabscan in
Ciazerna Konchoggi khoṅgunla semsso salla dzadin.

⁵ Pasma yodkhangun cinlabscan in
Ciazerna khoṅgunla jigsten gaṅpo norskalla thobin.

⁶ Faṅpo thea dzadcesla stogsin skomsin yodkhangun cinlabscan in
Ciazerna khoṅgun tshimshugga dzadin.

⁷ Zhanmaa snyiṅrje stankhangun cinlabscan in
Ciazerna khoṅgunla snyiṅrje stanna dzadin.

⁸ Sems lagmo yodkhangun cinlabscan in
Ciazerna khoṅgunni Konchog jalin.

⁹ Thunḍel khyoṅkhangun cinlabscan in
Ciazerna khoṅgunla Konchoggi ṭugu molin.

¹⁰ Lam taṅpoeka ḍulcespoe rdugṅal thoṅkhangun cinlabscan in
Ciazerna khoṅgunla namkhe gyalṣid norskalla thobin.

¹¹ Daa tadpa cocespoe, zhanmagunni thel cugste nagsbardo yaṅ zunni tamṅan snatsogs phogkhangun cinlabscan in. ¹² Gamo taṅ thadpo coshig, ciazerna namkhe naṅṅa khyozhaa solras taṅpo yod, khoṅgunni khyozhe saṅ sṅunla yoṅskhan Konchoggi luṅstonpagunlaṅ tenna tsogs nagsbardo stante inpin.

Tsha taṅ od.**5:13 ne 16**

¹³ Tsoo Yeshui mols, "Jigstenpagunni phia khyozhagun tsha in. Innaṅ kaltes tshe ḍodpo yolna tebo kazuggi logste khyoṅin? Tebo philogga phaṅste migunni kaṅpe yogga nances mane yaṅ caṅ phanthogs medkyag."

¹⁴ "Jigstenpagunni phia khyozhaa od innog, rika yodkhanni gyalsa kab minyances tsogs. ¹⁵ Migunni od tugste gormoe yogga maborra naṅṅa yodkhan tshaṅmaa thoṅcesla odstaggika borin. ¹⁶ Tenna tsogsla khyozhe las zaṅpogun thoṅte migunni khyozhe namkhaa zhugskhanni yab Konchogga stodpa phulcessi phia khyozhe oddi ldaṅspo khoṅgunnika phogcugshig."

Konchoggi kathimspo khagcan in.**5:17 ne 20**

¹⁷ Tsoo Yeshui mols, "Da Mozessi kathims ya luṅstonpagunni labzhagun medkhan coa yoṅte innog masam. Tegun medkhan macoa ḍub cuggala yoṅspin.

¹⁸ De denba zerrad namkhaa tañ sa nyisko storri sañ sñunla Konchoggi kathimssi ige ya tshigciggañ mastorra te tshañma ðanða ðubin. ¹⁹ Kaltes suzhiggi Konchoggi kagya tshañmesañ chuñunzhiggañ cagna yañ tenna tsogs zhanmagunla labbadna te miboa namkhe gyałšiddi nañña tshañmesañ rinmed stsiin. Innañ kaltes suzhiggi ka sññste zhanma tetsogs coces labbadna te miboa namkhe gyałšiddi nañña rincan stsiin.

²⁰ Ta ñe zerrad, kaltes chosthimsa khaspa tañ pharushipa gunni mitshe tañpozhiğ phudkhanboe sañ khyozhe mitshe phudkhanbo mañña tañpozhiğ medna namkhe gyałšiddi nañña khyozhagun mane zhugs minyan."

Şoe skorla Yeshui labzha sals.

5:21 ne 26

²¹ Tsoo Yeshui mols, "Konchoggi ñadaññi phamespogunla molkhanbo khyozhe tshorte innog. 'Mi masad, mi sadkhangunla ðimscad phogin.'²² Innañ ñe zerrad raññi spunla şo cokhanboañ ðimscad phogin. Yañ raññi spunla smadra tañkhanboañ ðimskhuñña khyoñin. Kaltes 'Khyoraññi spunzhigga bunbu sammed innog' zerna khyorañña nyalwe me chadpa phogcessi jigspa innog.

²³ Teboephia chodthika chodpa phulli tus, kaltes raññi spunzhiggi gyabgalla ñanpa coskhanbo khyorañña idtu yoñna, ²⁴ chodthii dunla chodpa borte goma raññi spun nyampo thundel cos, tene soñte chodpa phul.

²⁵ Khyorañña nyadkalte ðimskhuñña khyerkhanbo nyampo teru lebbi sañ sñunla lamma gyogspa nañđig cos. Te manna khoe khyorañ ðimspomla stadşidces innog, yañ ðimspomni ðimskhuññi magspomla stadte khyorañ tsonkhañña kagin. ²⁶ De khyozhaa denba zerrad, khyorañ tsonkhañne tetetshogpa miphud namtshogpa khyoraññi chadpe pene tshañma mishal.

Logyemmi skor.

5:27 ne 30

²⁷ Tsoo Yeshui mols, "Konchoggi molkhanbo khyozhe tshorte innog, 'Raññi zhidmad manpa zhanma nyampo lusđel maco'.^m ²⁸ Innañ ñe khyozhaa zerrad, bumoa lusđelli dodpa nyampo stakhanboe, khoraññi snyoññi nañña khoraññi zhidmad mankhanni te bumo nyampo lusđel coste innog. ²⁹ Kaltes khyoraññi mig yaspe khyorañña sdigpa cocuggadna, te migpo ðuste phañstor, lus gañpo nyalwe nañña phaññi sañ lussi khagcig medkhan chana gyal. ³⁰ Yañ kaltes khyoraññi lagpa yaspe khyorañña sdigpa cocuggadna, te lagpa cadte phañstor, lus gañpo nyalwe nañña phaññi sañ lussi khagcig medkhan chana gyal.

^l5:21 biñte chakhanni speche 20:13

^m5:27 biñte chakhanni speche 20:14

Zhidmad cadcessi skor.**5:31 ne 32**

³¹ Tsoo Yeshui mols, "Khyozhe ibo tshorte innog, 'Nama cadkhanni butshe khoranji nama cadkhanboa cadkhanni lagkhyer tanjos.' ³² Innan nje khyozhagunla zerrad, ranji zhidmad mankhan nyampo lusdel cocessi naslug mastogs, suzhiggi khoranji nama cadna, khoe te bumoboa logyem cocugste innog. Yan te bumo nyampo nama cokhanboerj logyem coste innog.

Naa skyalcessi skor.**5:33 ne 37**

³³ Tsoo Yeshui mols, "Dadanji phamespogunla i zerkhanboerj khyozhagunni tshorte innog. Naa khurkhanbo macag, innan khyozhe Tsoo nyampo naa khurkhanbo ducug. ³⁴ Innan nje khyozhaa zerrad, naa mane makhurshig, namkhe naa makhur ciazerna namkhaa ni Konchoggi zhugsthis in, ³⁵ ya jigstenni naa makhur ciazerna jigstennika Konchoggi zhabs borra dzaddanog, ya Yerushalemmi naa makhur ciazerna Yerushalem ni tagpo gyalpoe gyalisa in. ³⁶ Ranji goi naa makhur ciazerna khyozhaa khyozhe sa ciggarj karmo ya nagpo conyanna manog. ³⁷ Khyozhe lanbo inna in ya manna man zer ciazerna igunni sarj thalte cizhig zernan shetan ranpane curjanog."

Danpe lanla ranpa.**5:38 ne 42**

³⁸ Tsoo Yeshui mols, "Khyozhe iboerj tshorte innog, chadpa skyonbonerj zobgos, 'Miggi lanla mig, soi lanla so', ³⁹ innan nje khyozhaa zerrad, khyozhaa ranpa cokhanboa tenna tsogs lan matanshig. Kaltes suzhiggi dampa yaspaa damlcags tanja, dampa yomanj damlcags lennala ston. ⁴⁰ Kaltes suzhiggi khyoranja skyon kalte thimskhurja khyerte chadpe tshulla khyoranji tilenbo ton zerna ranji Kospoerj tanston. ⁴¹ Kaltes suzhiggi khyozhaa kilomitar cig war tanste dulcugna, kho nyampo kilomitar nyis dulton. ⁴² Ton zerkhanboa tanston, khyozheka skyia yonkhanboa lagstonja lammacug."

Daosa camspa cos.**5:43 ne 48**

⁴³ Tsoo Yeshui mols, "Khyozhagunni ibo tshorte innog, 'Khyimtshespa camspa yan daogunla naphrad cos'. ⁴⁴ Innan nje khyozhaa zerrad, daogunla camspa cos yan khyozhaa nagsbardo stankhangunni phia moslam tob, ⁴⁵ tezug cona khyozhaa, namkhaa zhugskhanni yabbi lammika dullanog. Nyime od tan charpa gun Konchoggi zanjan maphea mitshanmala sallanog. ⁴⁶ Kaltes khyozhaa camspa cokhangunla khyozhe camspa cona, khyozhaa solras cia thobin? Gobskor tankhanni thalnenkhangunnian tezug coanog. ⁴⁷ Kaltes khyozhe spunla cigpoa lon sulna, zhanmagunni sarj khyozhe manjazhig ci coste in? Zhan

chosluggi migunnian tezug coa manogga? ⁴⁸ Teboephia khyozhe namkhe yab, phunsumtshogspa zhugsokhan tsogsla khyozhan phunsumtshogspa yongos."

Cinba tañces.

6:1 ne 4

6 ¹ Tsoo Yeshui mols, "Migunla stancesi phia las zañpo maco. Tezug cona namkhe nañña zhugsokhan khyozhe yabne solras cañ mithob. ² Ghosdom yodkhangunla cinba tañ zane dukhan tañ lam gunla tuñ maphushig, kazug migunni stodpa thobcesla khachospagunni coad. ðe denba zerrad, khangunla solras ganpo thobte in. ³ Innañ cinba tañ zane rañji laga yomaa laga yaspe ci coad gyus cha macugshig. ⁴ Cinba sañste tañña, tene khyozhe namkhe yabbi sañwe nañña khyozhe las cokhanbo zigste solras salin."

Moslammi skor.

6:5 ne 15

⁵ Tsoo Yeshui mols, "Moslam zhu zane, khachospagun tsogs yon magos ciazerna khangun dukhan tañ sañji tuika lañste mia thoncugste moslam tabbala thaddanog. ðe khyozhaa denba zerrad te khachospagunla solras ganpo thobte in.

⁶ Moslam tab zane, rañji nañña soñte gho cugste sañwe thogne rañji namkhe yabba moslam zhushig. Tene khyozhe sañwe nañña cokhanni lasgun zigste khyozhe namkhe yabbi khyozhaa solras salin."

⁷ "Khyozhe moslam zhu zane, tonmeddi tshigsgun zerin zhan chosluggi migun tsogs maco, ciazerna khangunni sammanog moslam riñmo zhucespoe Konchoggi khangunni moslambo sanin. ⁸ Khangun tsogs maco, ciazerna zhui sañ sñunla khyozhe ghosdomgun namkhe yabbi khyenna dzaddanog. ⁹ Khyozhe moslam itsogsla zhus,

'Namkhaa zhugsokhanni ñazhe yab,

Nyerañña mi thamscadne stsiwa thobshig.

¹⁰ Nyerañji gyañsid gyogspa lebshig.

Nyerañji thuggoñs namkhe nañña ðubba tsogsla,

I jigstennikan ðubshig.

¹¹ Dirin ñazhaa ghosdommi kharji salla dzad.

¹² Dazhe sdigpa cokhangunla shagspa salla dzad,

Kazuggi ñazhe gyabgalla sdigpa cokhangunla

Dazheañ shagspa tañspin.

¹³ Tshodite tusla sdigpa cocesne ñazhaa skyobbadzad,

Yañ ñanpa shetanne ñazhaa thar cugga dzadⁿ."

¹⁴ Yeshui mols, "Kaltse khyozhe gyabgalla sdigpa cokhangunla shagspa tañña, khyozhagunni namkhe yabbi khyozhagunla shagspa salla dzadin. ¹⁵ Innañ

¹⁶6:13 sñunme lokhyel medkhanni specha khaciggi nañña "Ciazhuna gyañsid tañ wañ tañ zirrijid ni tusgyun nyerañji in, amen" poañ Griiste dug.

kaltēs khyozhe gyabgalla sdigpa cokhangunla shagspa mataṅṅa, khyozhagunni namkhe yabbi khyozhe sdigpagunla shagspa salla midzad."

Roza dugscessi skor.

6:16 ne 18

¹⁶"Khyozhagun nyenasla dug zane, rdugpo maco, kazug khachospagunni khoranṅunni ldoṅbo sdigpazhig coste nyenasla dugkhanbo migunla sṅon cugganog. De khyozhagunla denba zerrad, te khachospagunla solras gaṅpo thobtsharte in. ¹⁷Innaṅ khyozhagun nyenasla dug zane ṣa mar skuste ldoṅ thuste dugshig. ¹⁸Khyozhaa nyenasla dugkhanbo suiṅ majalkhanni khyozhe yab mastogs yaṅsuzhiggaṅ misheshesla te tsogs coshig. Yab Konchoggi khyozhe saṅwe naṅṅa cokhanbo zigste solras salla dzadin."

Namkhe naṅṅa nor.

6:19 ne 21

¹⁹"Khyozharaṅṅi phia jigstennika norgun masagshig. Tegun mugpe zaces taṅ yaa yoṅces matshad ṣkunma yoṅste ṣkuin. ²⁰Innaṅ khyozharaṅṅi phia namkhe naṅṅa nor sogshig, teru mugpe mizaa yaṅ yaa miyoṅ matshad ṣkunmian miṣku. ²¹Khyozhe nor yodsa khyozhe snyiṅṅaṅ chagsin."

Zugssi od.

6:22 ne 23

²²"Mig ni zugssi odpo in. Migpo khamzaṅ yodna khyozhe lus gaṅpo oddi gaṅin. ²³Innaṅ kaltes migpo khamzaṅ medna, khyozhe lus gaṅpo mundṅigi gaṅin. Kaltes khyozhe khyozharaṅṅi semssi naṅṅa Konchoggi od yod samkhanbo ṅospoa mundṅig inna tene te mundṅigpo tsamshig jigsnanṅan miyoṅ.

Konchog taṅ gyunor.

6:24

²⁴"Suzhiggaṅ sponbo nyissi zhabstog zhu minyan, cigpoa naphrad yaṅ cigpoa cespā coanog, ya cigpoa snyiṅne zhabstog zhuin yaṅ cigpoa mathadda zhabstog zhuanoṅ. Tenna tsogsia Konchog taṅ nor nyiskoa zhabstog zhu minyan."

Tsher matsheṅ.

6:25 ne 34

²⁵"Teboephia ṅe khyozhaa zerrad, ci zen, ci thuṅin ya zugsla ci gonin samste raṅṅi mitshee phia tsher matsheṅ. Zanni saṅ ṣogpo yaṅ Kossi saṅ luspo khagchea manogga? ²⁶Nammi cagunla ltossaṅ, tegunni zhiṅ tabba ya zhiṅ ṅaa ya baṅṅe naṅṅa to sagga midug, innaṅ khyozhe namkhe yabbi tegunla zan salla dzaddug. Tegunni saṅ khyozhaa maṅṅa rin michea? ²⁷Khyozhaa suzhiggi tsherkha coste khyozhe mitshe naṅṅa chutshod cig skyed thubinna?"

²⁸"Koslaggi phia cia tsherrad? Sparñtharñi mentoggun kazuggi Idandug Itosshig, tegunni las coa ya Baal khalte Kos thagga midug. ²⁹Innar ñe khyozhaa zerrad, gyalpo Solomon, khorarñi spalli narña matagpo Koslag gonnar te mentoggun tsogs Idemo tar dzespo thorña medpin. ³⁰Kaltes Konchoggi dirij yodkhan thore mea şagga phañcescanni sparñtharñi mentoggunla tetsogssi Koslag skon thubbadna, tadchurcangun Konchoggi khyozhagunla tegunni sar Koslag tagpo skonna midzadda?"

³¹"Teboephia 'Dadar ci zen ya ñadar ci thurñin ya ñadar ci gonin' zerte tsherkha maco. ³²Zhan chosluggi migun te tsharñme sturñarñe banñarñanog, yar khyozhe namkhe yabbi khyozhe tetsogs ghosdomgun khyenna dzaddanog. ³³Innar goma khyozhagun Konchoggi gyalşid tar mitshe tarpo phudcessi sturñarñe banñorñshig, tene khorñi teka nante khyozhe zhan ghosdomgunnar salla dzadin."

³⁴Thore phia dirij tsherkha macoshig ciazerna thore curcessi tsherkhagunni skorla samba thore tarñyannanog. Dirijñi tsherkha dirijñi phia tsam thathadinnog.

Zhanmaa skyonrjod micoces.

7:1 ne 5

7¹Tsoo Yeshui mols, "Khyozhe zhanmaa skyonrjod maco tene khyozhar skyonrjod midzad. ²Kazug tshulla khyozhe zhanma skyonrjod cos tenna tshulla khyozhar skyonrjod dzadin, khyozhe kolkhanni tabzabo khyozhagunni phiar kolla dzadin."

³"Khyozhe rarñi miggi narña yodkhanni rduñmaboa narñstag coa medna tene spunni miggi narña yodkhanni şinşelboa cia stad? ⁴Khyorarñi spunla, ñe khyorarñi miggi narñe şinşelbo phinñin zercessi hampa kazuggi coad, nam khyorarñi miggi narña rduñmabo yod. ⁵Khyozhaa khachospagun, şunla rarñi miggi rduñmabo phir, tene spunni miggi narñe şinşelbo phinñala khyozhaa salpo coste thorñ thubin."

Dampe ka narñmed cokhan.

7:6

⁶"Dampa inkhanbo khyigunla matar kaltes tarña tegun khyozha chogsla gyurte şarñe thamsin. Mutig rincan phaggunni dunla maphar kaltes pharña phaggunni tebo karpe yogga nante şulin.

Zhuces, tsalces tar gho rduñces.

7:7 ne 12

⁷Tsoo Yeshui mols, "Zhuin dug khyozhaa salla dzadin, tsalin dug khyozhaa thobcugga dzadin, gho rduñin dug phea dzadin. ⁸Zhukhan tşarñmala salla dzadin, tsalkhan tşarñmala thobin, yar gho rduñkhan tşarñmala phea dzadin. ⁹Khyozhaa suzhiggi, rarñi butshe tagi tar zerna rdoa tarinna? ¹⁰Ya şugui nya tar zerna, rul tarinna? ¹¹Khyozhagun sdigcan innar rarñi şugua phanthogscan tarñespo

shesna tene khyozhe namkhaa zhugskhanni yabbi khonja zhuwa zhukhangunla manja misalla?

¹²Citshanme nanja kazug zhanme khyozhaa cogos samkhan tsogs khyozhagunnianj zhanmagunla cos, tennaboe kathims tan lunstonpagunni Griiskhangun dubte innog."

Gyasgho nyis.

7:13 ne 14

¹³"Gyasgho tamone zhugsshig ciazerna nyalwe chogsla chakhanni gyasgho zhanjan tan lam ni dulcesla lamo yodte innog yan tenanja mi manpo zhugste chanog. ¹⁴Innanj thamedpe mitshee chogsla thidkhanni gyasgho tamo yan lam ni kagspo yodte innog, tsalkhanni mi nyunzhangga mane te lambo mithob."

Lcanjma tan teboe dasbu.

7:15 ne 20

¹⁵"Lunstonpa zummagunni kane shanj coshig, nodpa miskyalkhanni lugua zuste khongun khyozhe toa yonin, innanj semssi nanja khongun nodskyal jigsnanjanni shanju tsogs yodte innog. ¹⁶Khongunni dasbu gyudte khyozhe khongun shesin. Khyozhagunni ci sammarag, khyozhe tshermanji kane runni khazas ya ljanjserri kane phiggi khazas tunyaninna? ¹⁷Tenna tsogsla lcanjma zanjpozhangga dasbu zanjpo chagssanog yan lcanjma njanpazhangga dasbu njanpa. ¹⁸Lcanjma zanjpoa dasbu njanpa michags yan lcanjma njanpaa dasbu zanjpo michags. ¹⁹Dasbu zanjpo masminkhanni lcanjma, cadte mea tabba dzadin. ²⁰Khongunni dasbu gyudte khyozhe khongun shesin."

Denbe lobtugsgun.

7:21 ne 23

²¹" 'Daa, Tsoole, Tsoole,' zerkhangunni nanje tshanjma namkhe gyalshiddi nanja cha minyan, namkhaa zhugskhanni ne yabbi thuggons dubcugkhangun cigpo chayanin. ²²Konchoggi thimscaddi zhagga mi manpoe nja zerin, 'Tsoole, Tsoole, naze nyeranji tshanni nanja lunstan shadpin, migunni nanje rdudgun phinjsin, yan halasshessi dzadpa manpo stanpin.' ²³Tene ne khongunla zerin, 'De khyozhaa shessamed, las njanpa cokhangun ne kane thagrinja sonj'."

Stigspon nyis.

7:24 ne 29

²⁴"De speragun nyante teka laglen cokhan tshanjma, khoranji khanja daggika stsigkhanni stigspon khaspa tsogs in. ²⁵Charpa babste, chulog tan lunspo shedcan yonje khanjaa phognan, tebo rdib mi rdib ciazerna tebo daggika stsigste innog. ²⁶De zerkhangun tshorte laglen macokhan tshanjma, khoranji khanja pemeka stsigkhan ldadpa medkhan mi tsogs in. ²⁷Charpa babste chulog tan lunspo shedcan yonje khanja phogna tebo rdibste pad medkhan chen."

²⁸ Yeshui te tshaŋma mol tsharracig, mimanŋsgun khoŋji labzhagunnika halas, ²⁹ ciazerna khoŋji labzhagun chosthimsla khaspagun tsogs medpa, waŋcha nyampo salladpin.

Dzenad yodkhanzhig phancugga dzads.

8:1 ne 4

8 ¹ Tsoo Yeshu rine yogga babste skyod zane, mitshogs chenmozhig khoŋji stinraŋne yoŋs. ² Dzenadcanni mizhig Tsooe dunla yoŋs yaŋ pigdoŋ tsugste zers, "Tsoole, nyeraŋ thugsthadna ŋa gyalcugste stsaŋma dzad nyannanog."

³ Yeshui chag ŋkyarŋste khoa thugcugga dzadte mols, "Da khyoraŋ gyal cugte stsaŋma coa thaddarag.", tennamalla dzenadpo medkhan soŋ. ⁴ Tene Yeshui te miboa mols, "Suaŋ mashad, innar soŋte raŋji zugspo lama ston yaŋ luŋstonpa Mozessi ka salkhan nanzhin Konchogga chodpa phul, tebo migunla khyoraŋ stsaŋma chakhanni spaŋpo in."

Magmigye sponboe tadpa.

8:5 ne 13

⁵ Tsoo Yeshu Kapharnahummi doŋkhyerri naŋŋa cab lebbacig, Rommi magmigye sponbozhig khoŋji dunla yoŋste rogs dzadcesla zhus, ⁶ "Tsoole, ŋe yogpoa zaphogte khaŋpaa zumo ŋante yoŋin yod."

⁷ Yeshui mols, "Da yoŋste kho phancugin."

⁸ Magmigye sponboe zers, "Tsoole, nyeraŋ ŋe khaŋpa skyodcessi ospa ŋaa man. Innar nyeraŋji ka salna ŋe yogpo phaniin. ⁹ Waŋche yogga ŋaŋ duggad yaŋ ŋe waŋche yogga magmigun yod. De cigga soŋ zerna chanog yaŋ cigga yoŋ zerna yoŋŋanog, yaŋ ŋe yogpoa i laspo cos zerna coanog."

¹⁰ Yeshui tebo sannacig halaste khoŋŋa danste yoŋkhanni migunla mols, "De khyozhaa denbaa zerrad, Israelli naŋŋa ŋa itsogssi tadpacanzhig mane mathob.

¹¹ De khyozhaa zerrad, Yahudapa mankhan maŋpo shar taŋ nubne yoŋste, namkhe gyałšiddi naŋŋa dontaŋji phia ŋadaŋji phamespo Abraham, Isak taŋ, Yakob nyampo raŋji nasseka dugin. ¹² Innar Israelpa kagunni phia namkhe gyałšidpo dałdig coa dzadte inpin khoŋgun philogga mundiggi naŋŋa phaŋŋa dzadin, teru nags ŋante zhaste ŋuces taŋ so ŋigces yoŋin."

¹³ Tene Yeshui magmigye sponboa molla dzads, "Soŋ, khyoraŋji tadpa cokhan nanzhin khyoraŋji yogpo gyalin." Yeshui molkhanni tenna tustshodpoeka yogpo zumo gyals.

Yeshui mi maŋpo phancugga dzads.

8:14 ne 17

¹⁴ Tsoo Yeshu Pitari khaŋpa skyoddacig, khoŋji Pitari name ama tshad yoŋste maltse naŋŋa dugste zigs. ¹⁵ Yeshui khoe lagpaa chagthugga dzad pasar tshadpo medkhan soŋ, kho laŋste khoŋŋa zhabstog zhus.

¹⁶ Tenna phitog migunni rdud zhugskhan manpo khonj yodsa thidte khyonj, khonji "Binj" molte ka sal pasan rdudgun binj yan zumo yodkhan tshanjma phancugga dzads. ¹⁷ Mashike skorla lunstonpa yeshaye dia dzadkhanbo danda dubcesla Yeshui tegun dzads. Yeshaye dia dzadkhanbo ni,

"Khonji nadan nadne skyobba dzads,
Yan zumone phancugga dzads."^o

Yeshui gyabne danshes lamo man.

8:18 ne 22

¹⁸ Tsoo Yeshui, khonja skorkhanni mitshogspo zigssacig, khonranji lobtugsgunla tshoe pharka chacesla ka salla dzads. ¹⁹ Chosthimsia khaspazhig yonste zers, "Lobbonle, nyeran karu skyodnan ja nyeranja danste yonjin."

²⁰ Yeshui lansals, "Watsei watshanj tan, namkhe ca catshanj yodte innog, innan ja mirigssibua go borte naltshocessi nassan med."

²¹ Zhan lobtugszhiggi zers, "Tsoole, snunla ja khanpa sonje naranji aba shite subcessi phia daldig cocesla gonspa sal."

²² Yeshui mols, "De stinranje donj, yan semsnyiddi thogne shikhangunla khorangunni shikhangun subcug."

Yeshui lunrag medkhan dzads.

8:23 ne 27

²³ Tene Tsoo Yeshu tuzinji nanja zhonna dzads yan lobtugsgun khon nyampo sonj. ²⁴ Hunmedla namtshubste tshoe nanja lunrag tagpo yoncespoe chulbag tuzinji nanja lebnan, Yeshu nalzimste yodpin. ²⁵ Lobtugsgun sonje Yeshua nyidshadda dzadte zers, "Tsoole, Tsoole, nzhagun chui nanja nubte shices dug. Skyobba dzaddan."

²⁶ Yeshui lansals, "Tadpa chununcan, cia jigssad?" Khonj zhanste, lunrag tan chulbag gunla khaskyea dzadpa tennamalla tegun medkhan sonje tshoe nanja pad zhide curj.

²⁷ Khongun halaste zers, "Khonj kazug mizhig inhe? Lunspo tan chulbag gunnian khonji khaa nyandug."

Rdud zhugskhanni mi nyis phancugga dzads.

8:28 ne 34

²⁸ Tsoo Yeshu tan khonji lobtugsgun tshoe pharka, Gadare yuljonsla lebbacig, Romkhanji nassane binste yonjin yodkhan rdud zhugskhan nyis Yeshua thug. Khongun ma nodskyal jigsnanjan yodcespoe suzhiggan te lamne chathubba medpin.

²⁹ Khongunni kuco sanje tanjin zers, "Konchoggi sas nyeran nzhazhe lassu nanja cia dssad? Konchoggi ldamma dzadkhanni thimscaddi tuspoe san snunla nzhazhaa nags stannala skyodpinna?"

^o8:17 yeshaye speche 53:4

³⁰ Khongun yodse sarj tsapig thagrinjra phaggi khyu chenmozhiq stsa zen yodpin. ³¹ Rdudgunni Yeshua juju zhuin zers, "Kaltse nyerañji ñazhaa khongunni narjñe phirjña, ñazhaa a phaggunni narjña chacugga dzad."

³² Yeshui khongunla "Soñshig" molpa, tegun biñte phaggunni narjña zhugssacig, phaggi khyu garjpo rine thurla tshoe chogsla gyugspa chui narjña nubte shi.

³³ Phagtsokhangun ñoñkhyerla banñante soñ, yarj rdud zhugskhanni migunla curjñkhan tshanjma shads. ³⁴ Tene ñoñkhyerpa tshanjma Yeshu jalla yoñs, yarj Yeshu jallacig, khongun şante jigs pasarj khonjña, khongunni yulne biñte skyod juju zers.

Zaphogkhanzhig phancugga dzads.

9:1 ne 8

9 ¹ Tsoo Yeshu țuzirjña zhonte tshoe pharka khonñarjñi ñoñkhyerla skyodda dzads. ² Teru mi khaciggi zaphogkhanzhig maltseka khurte Yeshu yodsa khyoñs. Khongunni mibo gyalcugcessi tadpa cokhanbo Yeshui zigste khonjñi zaphogkhanboa mols, "Butsha semsde cos, ñe khyorañji sdigpagunla shagspa tarjñad."

³ Tebo tshorracig chosthimsia khaspa khaciggi semssi narjña sams, "I miboe dadlog cos."

⁴ Khongunni samkhanbo Yeshui khyente mols, "Khyozhe khyozharañji semssi narjña semsñan cia sammad. ⁵ Ci sammarag, 'Khyorañji sdigpaa shagspa tarjñte in' zerespo lamo innogga ya 'Larjñte ñul' zerespo? ⁶ Innarj mirigssibua jigstennika sdigpaa shagspa tarjñcessi warjñchaa yodkhanbo khyozhaa stanin" tene Yeshui zaphogkhanboa mols, "Loñs, rarjñi maltsa khurte kharjpa soñ."

⁷ Kho larjñ yarj kharjñpaa soñ. ⁸ Mitshogssi tebo thonñacig, stsiwa tarj jigssi narjña, mia itsogssi warjñchaa salla dzadcesla Konchogga stodpa phuls.

Madthaa bodda dzads.

9:9 ne 13

⁹ Tsoo Yeshu tekane skyodin yod zane, Madtha țhalnense nasseka dugste yodda zigs yarj khonjñi khoa mols, "Ñe stinñarjñe ñoñs." Kho larjñte Yeshui stinñarjñe ñarjñs.

¹⁰ Stinñe Yeshu madthe kharjñpa goñzan donnala skyodte yodtus, țhallenkhan tarj zhan sdigcan mi marjpoarj Yeshu tarj lobțugsgun nyampo kharjzi zala yoñste yodpin. ¹¹ Pharushipagunni tebo thonñacig, khongunni Yeshui lobțugsgunla țis, "Khyozhe lobbon, țhallenkhan tarj sdigcan migun nyampo cia dontarj donnanog?"

¹² Yeshui tebo sannacig, khonjñi mols, "Zumo yoñkhanzhigga mane khamzarj mizhigga amchi gossa manog. ¹³ Soñ yarj Konchoggi, 'Chodpa phulces manpa, cig tarj cigga snyinñe stancespo ñe dodpa in' molkhanni tonbo ci in hagogcessi stsonñus cos. Khyozha țarjñpo in samkhangunla manpa, sdigcangunla bodda ñaa yoñspin."

Snyinpa lugşolgun Yeshui soma labzhagun nyampo maşe.

9:14 ne 17

¹⁴Tene Yohananni lobtugsgun Tsoo Yeshu yodsa yonste khonja űis, "Dazhaa taű pharushipagun nyenasla lan maűpo duggad, innarű nyeraűűi lobtugsgun cia nyenasla dugga manog?"

¹⁵Yeshui lansals, "Bagstonni naűűa magpa nyampo yod zane khoe đonpogunni rdugpo coinna? Mico. Tuspo lebin nam magpa đonpogunne pheste khyerin, tene khongunni rdugpo coste nyenasla dugin."

¹⁶"Suzhiggiaű Koslag snyinpaűzhigga lanba soma tabba manog, kaltes tabna Kos thuacig lanba somabo khonste Kos chadkhanbo maűűa thua coanog."

¹⁷"Tenna tsogsla chaű soma pagspe skyapa snyinpe naűűa milug. Kaltes lugna chaűboa skyur laűste pagspe skyapa boste chadin, chaű bote skyapaű dodmed chen. Innarű chaű soma pagspe skyapa some naűűa lugna chaű taű pagspa nyisko skyobin.

Zumo yodkhanni bumo taű bumo chuűun shikhan.

9:18 ne 26

¹⁸Tsoo yeshi tegun molin yodtus, Yahudape dukhaűűi uskyonzhig yonste pigđon tsugste khonja zers, "Đe bumo dagsaraű shi, innarű nyeraű skyodte nyeraűűi chag khoeka borra dzadna, kho sonin."

¹⁹Yeshu taű khonji lobtugsgun zhaűste uskyon nyampo skyodda dzads.

²⁰Tenna tusla budkhanni lo rcugnyisne pharla tusgyun zugspo zhighcessi zumo yodkhanni bumozhig Yeshui gyabne yonste khonji namze űuzhigga lagpa tugs.

²¹Khoe khoranji semssi naűűa sam, "Kaltes khonji namzaa lagpa thugna űe zumo gyallanog."

²²Yeshui gyablogga zigste bumoa mols, "Bumo, semste cos. Khyoranji tadpe khyoraű phancugste in", tennamalla khoe zumo gyal.

²³Yeshu uskyonji khaűpe naűűa skyoddacig liűbu phukhangunni nyaűanni nyags phuin yaű migun kuco taűin űuin zigs. ²⁴Yeshui khongunla mols, "Biűte soű, bumobo mashia nyidlogste in", innarű khongunni thelgod taűs. ²⁵Khongun philogga phiűste stiűne Yeshu bumo yodse naűűa skyodte, khoe lagpaa thamssacig, bumoa űog logste thob yaű koag laűs. ²⁶Yaű te nastshulbo yul gaűpoe naűűa phel.

Zhara taű hanđarű gun phancugga dzad.

9:27 ne 34

²⁷Bumoe khaűpane Tsoo Yeshu biűte skyod zane, zhara nyis khonji stiűraűne yonste kuco taűin zers, "Gyalpo Dabiddi purgyud^đ űazheka snyinrje dzad."

^đ9:27 Yahudapagunni "Gyalpo Dabiddi purgyud" zerracig "Konchoggi zhalchad dzadkhanni skyabgon" zerte inkhanbo hagoanog.

²⁸ Yeshu khanpe nanja skyoddacig, zhara nyisko khonj yodsa yonj. Khonji mols, "De khyozhaa phancug nyanin samte idshes coadda?" Khonj nyiskoe zers, "Dazhe idshes coad."

²⁹ Tene Yeshui khongunni miggika chag stsea dzadte mols, "Khyozhaa idshes yodkhan nanzhin dūbshig." ³⁰ Khongunni mig gyalte thonjthub yanj Yeshui khongunla, "Iboe skorla suarj mashad" molte sparj pudda dzads. ³¹ Innarj khongun philogga sonje yuljonj ganpoe nanja Yeshui khongunla dzadkhanni nastshulbo phelcugs.

³² Khonj nyisko chaa tsharracig, rdud zhugskhan handanzhig Yeshu yodsa khyonj, ³³ yanj rdudpo phirjracig, handanboe spera tanj. Mitshogs halaste zers, "Israelli nanja itsogshig mane mathonj."

³⁴ Innarj pharushipagunni zers, "Rdudgunni gobe khoa rdudgun phirjcessi khyud tanste innog."

Lasmii ghosdom.

9:35 ne 38

³⁵ Tsoo Yeshu donkhyer tanj gamyul tshanmala skyodte, dukhangunni nanja labzha salin namkhe gyalšiddi gamoe nastshulbo shadda dzads, yanj zumo tanj nad tshanma phancugga dzads. ³⁶ Khonji mitshogspo zigssacig, khongunnika snyirje skyes ciazerna khongun nags thonkhan yanj rogs mathobkhan, lugsdzi medkhanni lug tsogs yodpin. ³⁷ Tene Yeshui lobtugsgunla mols, "Stonthog manpozhi rja chogchog dug, innarj stonthog rjakhanni lasmi ma nyurjunzhig mane midug. ³⁸ Teboephia stonthoggi dagpo Konchogga stonthog rjakhanni lasmi manja kalla dzadcesla zhuwa phul."

Yeshui skutshabs rcugnyis skoa dzads.

10:1 ne 4

10 ¹ Tsoo Yeshui lobtugs rcugnyispa bodda dzadte, khongunla rdud zhugskhangunni nanje rdud phirjces tanj nad tanj zumoe rigs tshanma gyalcugcessi wanja salla dzads. ² Skutshabs rcugnyissi mingun, tanpo Shimon (Kaboa Pitarran zerrad). Yanj khoe no enjiu, zebeddii butsha Yakob tanj khoe no Yohanan, ³ Philib, Bartholma, Thomas, thallenkhan Madtha, Alphaiussi butsha Yakob, Thaddaus, ⁴ Shimon (Yuldadcan) tanj Yuda karyodpa, khoe Yeshua stinje njolog cos.

Yeshui skutshabs rcugnyispa lamcugga dzads.

10:5 ne 15

⁵ Tsoo Yeshui skutshabs rcugnyispa i labzhagun salla dzadte lamcugga dzads, "Yahudapa mankhangunni toa machaa ya samariye donkhyergunni nanja mazhugs, ⁶ Konchoggi storkhanni lug, Israelpagunnika sonj. ⁷ Khyozha chaa zane 'Namkhe gyalšid nyemoa dug' zerin lon zanpobo shod. ⁸ Yanj nadpagun gyalcug, shikhangun soncug, dzenad yonkhangun gyalcugste stsanma cos, rdud

zhugskhangunni narne rdudgun phiŋ. Te waŋcha khyozhagunla chonla thobste in pasar lasgun chonla cos. ⁹Besla cha zane khomagssi narŋa ser ya mul ya raganni pene, ¹⁰ya jola ya Koslag theba ya pabu ya dulcessi phia berka makhur ciazerna las cokhangunla ghosdomgun thobces ospa innog."

¹¹"Doŋkhyer taŋ gamyul karu lebnaŋ, thadpo nyampo gasus zhukhanzhig tsalte te doŋkhyerne chacha tshagpa khoe khaŋpe narŋa dug. ¹²Te khaŋpe narŋa zhugs zane Konchogga khaŋgunla zhide cinlabs salcesla zhus. ¹³Kaltes khaŋgun teboe ospa yodna Konchoggi zhide salla dzadin, innar ospa medna te zhidebo khyozhaa logste lebin. ¹⁴Kaltes khaŋpa ya doŋkhyerzhiggi narŋa suzhiggiar khyozhaa gasus macona ya khyozhe zerkhanboa manyanna, te doŋkhyer ya khaŋpane biŋ zane raŋŋi pabui thalba ŋug. ¹⁵De khyozhaa denba zerrad Konchoggi thimscaddi zhagga, Sodom taŋ Gamora doŋkhyerri miŋanpagunni saŋ te doŋkhyerri migunla chadpa maŋŋa ŋaŋte phogin."

Yeshui lobtugsunla rdugŋal thoŋces.

10:16 ne 25

¹⁶Tsoo Yeshui mols, "De khyozhaa shaŋkui ŋoa lug tsogsla lamcuggad. Teboephia rul tsogs khaspa taŋ nodpa matarŋkhan phurgon tsogs gyur. ¹⁷Migunni kane shaŋ coste dug, ciazerna khyozhaa tenna yulli waŋsulpagunni lagga stadte dukhangunni narŋa khyozhaa stallcag gyabcugin. ¹⁸Deka tadpa yodcespoe thimscaddala kalon taŋ gyalpo gunnika khyozhaa khyerin. Tetus khyozhaa ŋaa su inkhanboe spaŋpo waŋsulpa taŋ tadpa medkhan gunla taŋcessi skabs thobin. ¹⁹Khaŋgunni khyozha waŋsulpe lagga staddacig, ci zerin ya kazuggi zerin samte tsher matsher, ciazerna tenna tusla khyozhaa rerea zercessi tshigsgun salla dzadin. ²⁰Tetus spera zerkhanbo khyozhaa manpa khyozhe narŋa yodkhanni yab Konchoggi thugnyiddi khyozhaa gyudte mollanog."

²¹"Acogunni nogunla yaŋ abe butshaa yaŋ ŋugui phamagunla ŋolog coste sadcugin. ²²Khyozhaa ŋeka tadpa yodcespoe mitshaŋme khyozhagunla naphrad coanog. Innar thama tshogpa tadpe narŋa stanpo luskhangunla Konchoggi thamedpe mitshe salin. ²³Yulzhiggi narŋa khyozhaa nagsbardo stanna yaŋ yulzhigga shorte soŋ. De khyozhaa denba zerrad, Israelli doŋkhyer tshaŋme narŋa khyozhaa las cotsharri saŋ sŋunla mirigssibu logste yoŋin."

²⁴Yeshui mols, "Lobtugs lobbonni saŋ chea, yaŋ yogpo sponboe saŋ chea manog. ²⁵Innar lobtugs lobbon tsogs yaŋ yogpo sponbo tsogs gyurnyannanog. Kaltes ŋaa sponbo in innar ŋaa Belzebul yaŋna rduddi goba zerradna, tene khyozhaa ŋe lobtugs incespoe maŋŋa ŋanpa mizerra?"

Migunla manpa Konchogga jig.

10:26 ne 33

²⁶"Khyozhaa jigsnaŋ stankhangunla majigs, ciazerna tuspo lebin nam Konchoggi kabste borkhan tshaŋma phiŋŋa dzadin ya vaste borkhan tshaŋma migunla sŋon cugga dzadin. ²⁷De khyozhagunla mundiggi narŋa shadkhangun nyime

oddi narŋa shod, khyozhe namcoggi narŋa shubste ɲe shadkhangun khanŋe khethogne kuco taŋste shod."

²⁸"Semsnyid manpa lus cigpo sad nyankhangunla majigs, innarŋ nyalwe narŋa pharŋste lus tarŋ semsnyid nyisko medkhan dzadnyankhanni Konchogga jigs.

²⁹Cipa nyis penchuŋ cigga tsoŋŋa midugga? Innarŋ namtshogpa namkhe yabbi goŋspa misal cipa ciggar seka mibud. ³⁰Khyozhe goeka yodkhanni ŋe tarŋskarŋ khonŋi khyenna dzaddanog. ³¹Tennaboephia jigs majigs, Konchoggi skundunla cipa marŋpoe sarŋ khyozhaa cig marŋa rinchea innog."

³²"Migunni dunla, Yeshu ɲe Tsoo in zerkhan tshaŋmaa ɲearŋ ɲe yab namkhe narŋa zhugskhanni skundunla khonŋun ɲe denbe lobtuŋs in zerin. ³³Innarŋ migunni dunla ɲaa misheszun tarŋkhan tshaŋmaa ɲearŋ ɲe yab namkhe narŋa zhugskhanni skundunla khonŋun mishes zerin."

Zhide manpa nolces.

10:34 ne 39

³⁴"Khyozhe ɲa jigstennika zhide khyonŋa yonste innog masam. Da zhide manpa nolcuggala yonste in. ³⁵Ciazerna, ɲaa tadpa cocespoe

'Butshe rarŋi abaa ɲolog coin,

Yarŋ bumoe rarŋi amaa ɲolog coin,

Yarŋ butshe name rarŋi magpe amaa ɲolog coin,

³⁶Mizhiggi dao, khorarŋi narŋmigun gyurin.^r ³⁷Rarŋi aba ya amaa ɲe sarŋ marŋa yasha cokhanbo ɲe lobtuŋs gyurcessi ospa man, yarŋ rarŋi butsha ya bumoa ɲe sarŋ marŋa yasha cokhanbo ɲe lobtuŋs gyurcessi ospa man. ³⁸Rarŋi rdugŋalli ŋkyarŋshirŋ khurte ɲe stiŋne maɖarŋskhanbo ɲe lobtuŋs gyurcessi ospa man.

³⁹Rarŋsoŋ thamste dugkhangunni denbe mitshe skyalin, innarŋ ɲe phia khorarŋi soŋ skyalkhangunla denbe mitshebo thobin."

Solras.

10:40 ne 42

⁴⁰"Khyozhaa gasus cokhangunni ɲaa gasus coste innog, yarŋ ɲaa gasus cokhangunni, ɲa kalla dzadkhanboa gasus zhuste innog. ⁴¹Konchoggi ka shadkhan incespoe luŋstonpa gasus zhukhangunla luŋstonpa thobkhan tsogs solras thobin. Yarŋ tarŋpo incespoe mizhigga gasus zhukhangunla mi tarŋpozhiŋga thobkhan tsogs solras thobin. ⁴²De khyozhaa denba zerrad ɲe lobtuŋs nyamshuŋzhigga chu ɖarŋmo kore garŋ tarŋkhangunla tantanla solras salla dzadin."

Yeshu tarŋ thussalkhan Yohanen.

11:1 ne 19

11 ¹Tsoo Yeshui lobtuŋs rcugnyisla labzha sal tsharte stiŋne, khonŋ tekane labzha salces tarŋ chosshadcesla Galillii yuljoŋssi ɖonkhyergunla skyods.

^r10:36 miki speche 7:6

²Yohananni tsonkhanji nanja, mashike halasshessi dzadpa dzadkhangun tshorracig, khonranji lobtugsgun Yeshu yodsa, i tiwabo tiala lamcugs,
³"Lunstonpagunni skyodin molkhan Mashika nyerañ zhugste inna ya njazhaa yanzhigga şun?"

⁴Yeshui lansals, "Logste soñ yan khyozhe tshorkhan tañ thonkhangun Yohanana shod. ⁵Zharagunla thon, zhaogun duls, dzenadcangun gyalte stsanma soñ, matshorkhangunni tshor, shikhangun sontea lanş, yan nyalbacangunla gamoe nastshul shads. ⁶Khoa shod, ñe cokhangunni zhaste ñaa maphanckhangunla cinlabs salla dzadin."

⁷Yohananni lobtugsgun logste chacig, Yeshui mitshogsla Yohananni skorla molces gozug, "Khyozhaa ristonji nanja kazug mizhigga stala soñpin? Chui thame Idambu lunşpoe skulla tsogsla, labzhe nanja tusgyun gyurja khyonkhan zhigga? ⁸Kaltes manna khyozhagun ci stala soñpin? Mi Koslag jampo tañ rincan gonkhanzhig khyozhagunni thonja? Mathon. Kos rincan gonkhangun gyalpoe kharla dugganog. ⁹Khyozhaa lunstonpazhigga stala soñpinna? Ona, kho lunstonpa sañ taggazhig in. ¹⁰Dampe sunrabssi nanja khoe skorla Konchoggi molla dzadte dug,

'Ltos, khyoranji sañ şjunla ñe ñaranji lonkhyerkhanbo kalin.

Khoe khyoranji phia lam daldig coin.^s

¹¹"De khyozhaa denba zerrad, dagsa tshogpa skyeskhan migunni nanje Yohanani thussalkhanni sañ taggazhig suañ medpa innog, innañ namkhe gyalşiddi nanja chunşhogo Yohananni sañ tagga in. ¹²Thussalkhan Yohananni chosshadces gozugspane dagsa tshogpa Konchoggi wañ nyampo khonranji gyalşidpo gyasshugga dzadin innog, innañ nodskyal mi ñanpagunni teboe gyabgalla nolin innog. ¹³Yohanani yonji sañ şjunla namkhe gyalşiddi skorla kathimssi specha tañ lunstonpa tshanje lunstan shadda dzads. ¹⁴Kaltes ñe zercespoa idshes coa thadna, Yohanani ni Eliya in kabo lunstonpagunni yonji molte inpin. ¹⁵Namcog yodkhangunni ñe zerkhanla nyonshig."

¹⁶"De i Mirabspo su nyampo lduř? Fhomssi nanja dugkhanni tşugugun tsogs kagunni dzaogunla bodin zerdug,

¹⁷Dazhe liñbu phustear khyozhaa mastses.

Dazhe shadpa tañ zane khyozhe nyanjan macos.

¹⁸Tenna tsogsla Yohanani yonste zan mazos ya chan mathunşpa migunni khoe nanja rdud zhugste innog zers. ¹⁹Mirigssibu yonste zan zoste chan thunşpa, khyozhe kho mugzhugs tañ raroste dugkhan yan thallenkhan tañ sdigcan gunni dzao innog zers. Innañ njazhaa Konchoggi shesrabssi lammika dulkhanbo ñazhe lassi đasbugunni stanin^t.

^s11:10 malaki speche 3:1

^t11:19 rissi skaddi nanja "Innan shesrabs denba inkhanbo teboe đasbui stanin" zerte Griiste dug.

Tadpa medkhangunla thimscadda dzadin.**11:20 ne 24**

²⁰Tene Tsoo Yeshui khonji halasshessi dzadpa manpo stanna dzadkhanni gyalsagunni gyabgalla mols, ciazerna tenanja yodkhangunni sdigpa spanste gyodpa macos. ²¹Korazinpa tarj bedsidapa gun khyozhagunla tsamshiggi jigsnar manog. Kaltes khyozhe nanja stankhanni dzadpagun, tayir tarj Sidon donkhyer nanpagunni nanja stanpinna, khongunni sdigpa spanste gyodpa coste phatsaa gonte, kogthal yogin rdugpo coste yoddo. ²²Innarj ne khyozhagunla zerrad Konchoggi thimscaddi zhagga, tayir tarj Sidonpa donkhyerri migunni sarj khyozhaa chadpa manja santhe phogin."

²³"Wa Kapharnahumpagun ci khyozhaa stsiwa tarjste namkhaa khyerra dzadin samma ragga? Mane mithen. Khyozhagun nyalwe nanja phanja dzadin. Kaltes khyozhagunla stanna dzadkhanni dzadpagun Sodomp minjangunla stanpinna gyodpa coste khongun dagsa tshogpa i jigstennika luste yoddo. ²⁴Innarj ne khyozhagunla zerrad, Konchoggi thimscaddi zhagga, Sodom donkhyerri migunni sarj khyozhaa chadpa manja santhe phogin.

Dalkhangunla naltsho salin.**11:25 ne 30**

²⁵Tenna tusla Tsoo Yeshui moslam zhuin mols, "De yab namkhaa tarj jigstenni Tsoole, ne nyeranja stodpa phullad ciazerna nyeranji tanpo lambo khaspa tarj yontancangunne vaste, tugu tsogs yodkhangunla sjon cugga dzads. ²⁶Ona yable tezug dzadcespoa nyerarj thugsthad."

²⁷"De yab Konchoggi wanja tshanma nja stadda dzadte in. Yabbi mane zhansuij butsha no mishes, yarj butshe mane zhansuarj yab no mishes, innarj ne ldamkhangunla yab sjoncugin."

²⁸"Semssi nanja nalkhan tarj khurru lcinthe khurkhan tshanma nja yodsa yon, yarj ne khyozhaa naltsho tarjin. ²⁹De nyashinbo khur yarj ne kane lob ciazerna nja ni semssi nanja bolmo tarj nyamshur in, yarj khyozhagunni semsla naltsho thobin.

³⁰De nyashinbo khurralla lamo yarj ne khurubo yarjmo yod.

Yeshu ni shabbaddi zhaggi Tsoo in.**12:1 ne 8**

12¹Tenna tusshigga Tsoo Yeshu shabbaddi naltshoe zhagga zhirj gyudte skyodin yod zane, khonji lobtugsgun stogste yodpa zhinji snyema cadte zaces gozug. ²Tebo thonje pharushipa khaciggi Yeshua zers, "Khyoranji lobtugsgunni shabbaddi naltshoe zhagga las coste chosthims cagste innog."

³Yeshui lansals, "Dabid tarj khoe topagun stogste yod zane ci cos dampe surrabssi nanje khyozhe masilpinna? ⁴Dabid Konchoggi kurri nanja chodpa phulseka son, yarj kho tarj khoe topagunni dampe tagi zoste chosthims cags, tebo Yahudape lamaa mane zachogga medpin. ⁵Ya chosthimssi nanja masilpinna,

chodkhanji nanja lame chodpa phulcessi las coste shabbaddi zhaggi thims cagnar Konchoggi dunla khongun nojmed innog. ⁶De khyozhaa zerrad, chodkhanji sar taggazhig ika yod. ⁷Dampe sunrabssi nanja Konchoggi mols, 'De dodpa ni naa chodpa phulces manpa zhanma snyinjre stancespo in.'^u Kaltes tebo khyozhagunla hagote inpinna tene khyozhe nojmedgunla skyon kalte meddo. ⁸Ciazerna mirigssibua shabbaddi naltshoe zhagga ci co chogs ya michogs zercessi wanja yod."

Shabbaddi zhagga nadpa gyalcugga dzads.

12:9 ne 14

⁹Tsoo Yeshu tekane dukhanja skyods, ¹⁰teru lagpa khonste kol manyankhanni mizhig yodpin. Pharushipagunni Yeshua skyon kalcesla khongunni i tiwabo tis, "Chosthims nanzhin shabbaddi naltshoe zhagga mizhig gyalcugna digte innogga?"

¹¹Yeshui khongunla mols, "Kaltes khyozhaa ciggi lugzhig shabbaddi zhagga sadonji nanja budna, khyozhe lugpo zumste phiñ mi phiñja? ¹²Luggi sar mi manstear rinchea manogga. Teboephia chosthims nanzhin shabbaddi zhagga las zarpo co chogganog."

¹³Tene Yeshui lagpa khonjshkanboa mols, "Lagpa skyon" yar khoe lagpa skyanjsa tebo sin gyalte zhan lagpabo tsogs shedcan gyur. ¹⁴Innar pharushipagun philogga sorje, Yeshu sadcessi thabs nanpa Idinj.

Konchoggi Idamma dzadkhanni zhabstogpa.

12:15 ne 21

¹⁵Tsoo Yeshui khongunni thabsldinjkanbo khyen pasar, tekane skyods. Mitshogs chenmozhig khonja danste yonj, yar te toa yodkhanni nadpa tshanma khonji gyalcugga dzads. ¹⁶Khonji gyalcugkhangunla khonji dzadkhanbo suar mashad molte ka sals. ¹⁷Lunstonpa Yeshya gyudte molkhan tshanma dub cugga dzadcesla khonji tezug coa dzads. ¹⁸Konchoggi mols,

"De Idamskhanni zhabstogpa Itos,
Tshanmesar manja khoa ñe cessa coad,
Yar khoe ña thadpo chacugdug.
Khoa ñe naranji thugnyid tanjin.
Sdigcangunla chadpa yar tanpogunla
Solras thobces, khoe gyalkhamsgunla shadda dzadin.

¹⁹Khoe dzinjmo ya kuco mitar,
Thomssi nanja suzhiggian khoe kucoe skad mitshor.

²⁰Khoe nakhanni Idambu micag ya shikiy yodkhanni od misad
Tenna tsogsia khoe tadpe nanja nyamshungunla
Tanpo thimscaddi gyalkhaa khyonkhyontshogpa skyobte borra dzadin.

²¹Gyalkhamsgunni khoea idshes coste

^u12:7 Hoshayi speche 6:6

Khongun skyobcessi rewa borin.v"

Yeshui gyabgalla spera njanpa zerkhan.

12:22 ne 37

²² Tene mi khaciggi rdud zhugskhan, hanđan tan zhara yodkhanni mizhig Tsoo Yeshu yodsa khyonj. Khoa spera tanjugces tan thonjugcessi thugsdod Yeshua yod pasan khonji kho phancugga dzads. ²³ Mitshanma halaste zers, "I mibo gyalpo Dabiddi purgyud mannahe kaboa nđanđun sunste yod?"

²⁴ Innađ pharushipagunni tebo tshorracig zers, "Belzebul rdudgunni gobe khoa rdudgun phinçessi khyud tanste innog."

²⁵ Khongunni samba njanpabo Yeshui khyente mols, "Gyalşiddi nanđa yodkhangun thunte madugna tebo medkhan chen, yan gyalsa ya nanđshanszhiggi migun nolin dugna tegun medkhan chen. ²⁶ Kaltes shetanni shetan phinđa, khoe khoranđi gyabgalla nolte innog, tene khoe gyalşidpo kazuggi lusin? ²⁷ Yan kaltes ñe rdudi goba Belzebul gyudte rdudgun phinđadna tene khyozhe lobtugsgunni su gyudte rdudgun phinđanog? Teboephia khongunni khyozhe zerkhanbo skyonrojod coin. ²⁸ Innađ kaltes ñe Konchoggi thugnyid gyudte rdudgun phinđadna tene khyozheka namkhe gyalşid leb tsharte in. ²⁹ Suan mi shedcanzhiggi khanpe nanđa zhugste khoe nor şku minyan namtshogpa khoe snunla mi shedcanbo Idam mildam, tene khoe khanpe nanđa yodkhanni norgun şkunyanin."

³⁰ "De chogsla mankhangunni ñaa gyabgalla coanog, yan ña nyampo las coste đasbu maldumkhangunni, ñe lassi đasbu yancugganog. ³¹ Teboephia ñe khyozhaa zerrad, migunni sdigpa cokhan tan Konchogga dadlog zhukhan tshanđma shagspa salla dzadin, innađ dampe thugnyidla dadlog zhukhangunla shagspa mane salla midzad ³² yan mirigssibui gyabgalla zerkhangunla shagspa salla dzadin, innađ dampe thugnyiddi gyabgalla zerkhangunla i mitshee matshad yonçescanni mitshee nanđan shagspa mane misal."

³³ "Lcanđma zanpo inna teboa khazas zanpo chagsin, ya lcanđma njanpa inna teboa khazas njanpa chagsin. Lcanđma teboe đasbui kane shessanog. ³⁴ Khyoran pharushipa, tigrulli tğugun, khyozha njanpa ininzhig kazuggi spera zanpo tanin? Snyin ganste ludkhanbo khane binđanog. ³⁵ Mi zanpoe sems zanpoe banđzodne đasbu zanpo sminnanog, yan mi njanpe sems njanpe banđzodne đasbu njanpa sminnanog. ³⁶ Innađ ñe khyozhagunla zerrad, Konchoggi thimscaddi zhagga khyozhe nanđmed coste spera zerkhan rere ton Konchoggi skundunla shadgosin. ³⁷ Ciazerna khyozhe spera zerkhangunni khyozhaa nonşmed ya nonşcan yodkhanbo stanin."

Lujstonpa yone stags.**12:38 ne 45**

³⁸ Tene chosthimsla khaspa taŋ pharushipa khaciggi Yeshua zers, "Lobbonle, ŋazhaa nyeraŋgi kane namkhe stagsshig stanyinrag, kaboe nyeraŋga Konchoggi waŋcha salkhanbo tantan coin."

³⁹ Khoŋgi khoŋgunla lansals, "Mirabs ŋanpa taŋ Konchogga idshes medkhangunni namkhe stags ston zerranog. Innaŋ lujstonpa yone stagspo mane khoŋgunla yaŋstagsshig mistan. ⁴⁰ Kazuggi lujstonpa Yona nyima sum taŋ tshan sum chui semscan ma chenmozhiggi dɔdpe naŋga luskhan tsogsla mirigssibuan nyima sum taŋ tshan sum se naŋga lusin."

⁴¹ "Konchoggi thimscaddi zhagga laŋs zane ninewapagunni i Mirabspoa chadpa phogces ospa innog zerin ciazerna khoŋgunni yone chosshadkhanbo nyante, gyodpa cos, ltossan Yona saŋ taggazhig dagsa ika yod. ⁴² Thimscaddi zhagga laŋs zane lo chogssi gyalmoie i Mirabspoa chadpa phogces ospa innog zerin ciazerna kho gyalpo Solomonni shesrabssi speragun nyannala sacha ma thagriŋne yoŋs, ltossan Solomonni saŋ taggazhig dagsa ika yod."

⁴³ "Mizhiggi naŋne goŋpo biŋte stiŋne, goŋpoe chu medsa ristoŋgi naŋga khorin ŋaltshosse nassa tsaltear mathob pasar, ⁴⁴ khoe khoranŋa zerranog, 'Da biŋte yoŋkhanni tenna mii naŋga logste chen.' Teru lebbacig, te nassabo stoŋpa taŋ lagmo lduste citshanma raŋraŋgi malla borte thoŋ. ⁴⁵ Tene kho soŋte khoranŋi saŋ maŋga ŋanpa zhan goŋpo rdun khoran nyampo thidte khyoŋs yaŋ tenna nasse naŋga dugs, tene te miboe naslugpo sŋunni saŋ thua soŋ.

I Mirabs ŋanpagunlaŋ tenna tsogs jigsnaŋcanni naslug sharin.

Tsoo Yeshui ama taŋ no gun.**12:46 ne 50**

⁴⁶ Tsoo Yeshui mitshogsla zhailta salin yod zane khoŋgi ama taŋ nogun yoŋste, khoŋga spera taŋcesla khoŋgun khaŋpe philogga ŋuŋste dugs. ⁴⁷ Mizhiggi khoŋga zers, "Nyeraŋgi ama taŋ nogun nyeraŋga spera taŋcesla philogga ŋuŋte dug."

⁴⁸ Yeshui khoa lansals, "Su innog ŋe ama taŋ nogun." ⁴⁹ Lobtugsgun chogsla dzigu tsugste, "Igun ŋe ama taŋ nogun in. ⁵⁰ De yab Konchog namkhe naŋga zhugste yodkhanni thuggoŋs naŋzhin cokhangun ŋe ama taŋ miŋsiŋ gun in."

Zhiŋbadpe saon tabkhanni ruŋs.**13:1 ne 23**

13 ¹ Tenna zhagga Tsoo Yeshu khaŋpane biŋga dzadte tshoe thama zhugs. ² Khoŋ yodsa mitshogs maŋsteaŋ maŋpo dzompa khoŋ tuziŋgi naŋga zhonte zhugs, yaŋ mi tshaŋma tshoe thama dugs.

³ Tene khoŋgi migunla ruŋs gyudte labzha maŋpo salla dzadte mols, "Nyonshig, zhiŋbadpazhig saon tabbala soŋ. ⁴ Zhiŋga saon tab zane khacig lammika bud, cipa yoŋste tegun zos. ⁵ Saon khacig sa maŋpo medse daggika bud, sa maŋpo

medcespoe saonbo gyogspa skyes. ⁶ Innaŋ nyime tshaddi zhaste zhiŋ skyekhanbo tshig, yaŋ paŋag tiŋcan med pasaŋ, tebo skamste shi. ⁷ Saon khacig tshermanŋi ŋoa bud, yaŋ tshermanŋ skyeste nanpa, zhiŋbo ldan mathub. ⁸ Zhan saongun sa gyalla yodse zhiŋŋika budpa, stonthog smin, kabo saon tabkhanni saŋ 30, 60, yaŋ 100 gyur smin. ⁹ Namcog yodkhangunni ŋe zerkhanla nyonshig."

¹⁰ Lobŋugsgun yonŋte khonŋa ŋis, "Nyeranŋi migunla ruŋs gyudte labzha cia salla dzaddad."

¹¹ Yeshui lansals, "Namkhe gyaŋŋiddi saŋwagun hagogessi skabs khyozhagunla salla dzadte innog, innaŋ khonŋunla masals. ¹² De labzha nyankhangunla maŋŋa hagogugga dzadin, matshad khonŋi naŋne ludte chen innaŋ manyankhangunni naŋne hagote yodkhanboan khyerra dzadin. ¹³ De ruŋs gyudte shadcessi tonbo ni ibo in",

"Khonŋunni stadug innaŋ khonŋunla denba thonŋa midug,
Nyandug innaŋ khonŋunla tshorra ya hago thubba midug.

¹⁴ Teboe Yeshya luŋstonpe maon luŋstanbo ŋubte innog, kabo Khonŋunni ŋe shadkhangun tshoranŋ hagothubba midug,
Khonŋunni ŋe cokhangun thonŋan ŋa su inkhanbo ŋoshessa midug.

¹⁵ Ciazerna khonŋunni snyiŋ skyonŋo gyurte dug.

Namcoggun gagste miggun tsumste dug

Te mane khonŋunni namcogne tshorte miggunne thonŋe,
Khonŋunni snyiŋne ŋa su inkhanbo hagote ŋa chogsla sems gyurte,
De khonŋun phancugste yodŋo^w."

¹⁶ "Innaŋ khyozhe mig tarŋ namcog gun cinlabscan in ciazerna khyozhe miggi thonŋanog yaŋ namcoggi tshorranog. ¹⁷ De khyozhaa denba zerrad, khyozhagunla thonŋkhan tarŋ tshorkhan gun, sŋunme luŋstonpa tarŋ mi taŋŋo maŋpozhiggi thonŋces tarŋ tshorcessi dodpa yodnaŋ mathonŋa yaŋ matshorra inpin."

¹⁸ "Ta zhiŋbadpe saon tabkhanni ruŋssi tonbo nyon. ¹⁹ Lamma saon budkhangun ni namkhe gyaŋŋiddi ka tshorteaŋ hamagokhangun innog ciazerna shetan yonŋte khonŋunni snyiŋŋi naŋŋa tabkhanbo kogste khyerranog. ²⁰ ŋaggika saon budkhanbo ni namkhe gyaŋŋiddi ka tshorracig thadpo nyampo tadpa cokhangun innog. ²¹ Innaŋ teboa paŋag tiŋcan med pasaŋ tusyurriŋ milus. Khonŋunni ke naŋŋa tadpa cocespoe nags tarŋ bardo thonŋacig tadpa phaŋin. ²² Tshermanŋssi ŋoa saon budkhanbo ni Konchoggi ka tshorkhangun innog, innaŋ mitshee tsherkha yaŋ norri dodpa gunni nancespoe teboa ŋasbu sminna manog. ²³ Innaŋ sa zaŋpoeka saon budkhanbo ni Konchoggi ka nyante hagogkhangun innog yaŋ khonŋunla ŋasbu, saon tabkhanboe saŋ 30, 60, yaŋ 100 gyur sminnanog."

Zhiŋŋi naŋŋa tsaŋanni ruŋs.

13:24 ne 30

²⁴ Tsoo Yeshui yaŋ ruŋsshig shadda dzads, "Namkhe gyaŋŋid ni zhiŋbadpe khoranŋi zhiŋŋa saon zaŋŋo tabkhan tsogs in. ²⁵ Tshanla tshaŋma nyidlogste

^w13:15 yeshaye speche 6:9,10

yodtus, khoe dao yonste to tabkhanni foa tsanjanni saon tabs yar soj. ²⁶ Zhir Idante snyema binjacig tsanjannar tefoa skyekhanbo thoj."

²⁷ "Lasmigun yonste sponboa zers, 'Nyeranji zhihja saon zanpo tabba madzadpinna? Tene tsanan kazuggi skyeste inhe?' "

²⁸ "Sponboe zers, 'Daoe tabste innog.' Lasmigunni khoa zers, 'Dazhaa sonje tsananpagun phudte phanja?'

²⁹ "Khoe lantans, 'Macha, tsananpa nyampo doan budte yonshides innog.

³⁰ Rjabsa tanjar tshagpa nyisko nyampo skyecug, tetusla ne rjakhangunla zerin, snunla tsananpa tuste mea saggala Idom, tene togun banje nanja khyer.' "

Nyuŋskarri saonni ruŋs.

13:31 ne 35

³¹ Tsoo Yeshui yar ruŋsshig shadda dzads, "Namkhe gyalšid ni nyuŋskarri saon tsogs innog kabo mizhiggi khoranji zhihja tabbala khyers. ³² Saogunni tone tebo tshanmesar chunjun innar, Idan tsharracig tshassi nanja tshanmesar chenmo lcanma gyur, yar namkhe cagun yonste teboe yalgeka tshanš cos."

³³ Khonji yar ruŋsshig shadda dzads, "Namkhe gyalšid ni skyur tsogs in, kabo bumoe, phe manpoe nanja ŋeste ruspa skyurbo pagpe ganpoe nanja khyed."

³⁴ Yeshui mitshogsla labzha sal zane tusgyun ruŋs kolla dzaddadpin. Khonji ruŋs gyudte mastogs ci labzhazhiggar salla medpin. ³⁵ Teboe lunstonpa gyudte snunla molkhangun danda dubte in,

"De migunla ruŋs gyudte spera tanjin.

Yar jigsten chagspane pharla

Sanste yodkhangun shadin.^x

Tsananni ruŋssi ton.

13:36 ne 43

³⁶ Tene Tsoo Yeshu mitshogsपो philogga borte khanpe nanja skyods. Khonji lobjugsgun yonste khonja zers, "Tsananni ruŋssi tonbo njazhaa hagocugga dzaddar."

³⁷ Khonji mols, "Saon zanpo tabkhanbo, mirigssibu in. ³⁸ Zhirbo jigsten, saon zanpo namkhe gyalšiddi migun, yar tsananbo nanpa shetanni migun innog.

³⁹ Tsanan tabkhanni dao ni rdudgunni goba, rjabsa ni thame tus yar rjakhangun ni phonyagun innog."

⁴⁰ "Thame tusla tsanan tuste mea ŋagkhan tsogs curjin. ⁴¹ Mirigssibui khoranji phonyagun kalin, yar khongunni khoe gyalšiddi nanje sdigpe gyu tshanma tar nanpa cokhan tshanma phinjin. ⁴² Yar phonyagunni khon tshanma nyalwe mee nanja phanjin, teru nags ŋante zhaste njuces tar so ŋigces yonjin. ⁴³ Tene mi tanpogun khongunni namkhe yabbi gyalšiddi nanja nyima tsogsla Idanšhan barin. Namcog yodkhangunni ne zerkhanla nyonshig."

^x13:35 sungurri speche 78:2

Gyunor rincan vaste yodkhanni ruņs.**13:44 ne 46**

⁴⁴ "Namkhe gyałsid ni zhiņņi naņņa vaste yodkhanni gyunor rincan tsogs in. Mizhigga tebo thobbcag thadte tenna zhiņņi naņņa yaņskyar vas, tene kho soņte yodkhanni nor tshaņma tsoņs yaņ te zhiņbo nyos."

⁴⁵ "Namkhe gyałsid ni tshoņpe tsalkhanni mutig lagmo rincangun tsogs in.

⁴⁶ Mutig rincan thobbcag kho soņte khorañņi gyunor tshaņma tsoņste, tebo nyos."

Nyadolli ruņs.**13:47 ne 52**

⁴⁷ Tsoo Yeshui mols, "Namkhe gyałsid ni gyatshoe naņņa nyarigs snatshogs zummala phaņkhanni nyadol tsogs in. ⁴⁸ Nyadolbo gaņņacig tshoe thama đudte khyerin, seka dugste nya gyallagun pagtse naņņa gyaņs yaņ gyalla medkhangun phaņs. ⁴⁹ Tenna tsogs thame tusla cuņin, phonyagun skyodte mi taņpogunni țone ņaņpagun phea dzadte, ⁵⁰ khoņgun nyalwe mee naņņa phaņin, teru nags șaņte zhaste ņuces taņ so șigces yoņin. ⁵¹ Yeshui khoņņi lobțugsgunla ția dzads, "I tshaņma khyozhe hagoa?" Khoņgunni lantaņs, "Hagole."

⁵² Yeshui khoņgunla mols, "Chosthims labkhan, namkhe gyałsiddi lobțugs gyurkhan tshaņma khaņpe khaņdag tsogs in, kaboe baņdzoddi naņne rincan nor soma taņ snyiņpa nyisko phiņste khyoņņanog.

Luņstonpaa stsiwa mithob.**13:53 ne 58**

⁵³ Tsoo Yeshui ruņsgun shad tsharracig khoņ tekane skyods. ⁵⁴ Khoņraņņi đoņkhyerla skyodte dukhaņņi naņņa migunla labzha salces gozugs. Migun halaste țis, "I miboa shesrabs taņ dzadpagun stancesi khyud kane thobkyag? ⁵⁵ Kho shiņkhanboe butsha manogga? Khoe ama Miryam yaņ Yakob, Yoseb, Shimon taņ Yuda gun khoe no manogga? ⁵⁶ Khoe șiņmo tshaņma ņadaņgun nyampo medda? Tene i miboa te khyudgun kane thobkyag? ⁵⁷ Khoņgun tshigcespoe khoņņika tadpa macos.

Yeshui khoņgunla mols, "Luņstonpazhigga khorañņi yul yaņ khorañņi naņtshaņssi naņņa mane, zhan karuņsa stsiwa corug." ⁵⁸ Khoņgunni tadpa micocespoe zhaste, Yeshui teru halasshessi dzadpa maņpo stanna madzads.

Yohanan țoņskhanni skor.**14:1 ne 12**

14 ¹ Tenna tusla kalon herodla Tsoo Yeshui chaglasgunni skorla tshorte ² khoe, khoa khadda taņkhangunla zers, "I mibo țhussalkhan Yohanan innog, khoņ shikhangunni țone sontea laņņa dzad pasaņ khoņņa dzadpa stancesi khyud yodte innog."

³ Heroddi Yohanan zumste lcağthagga tagste tsonkharŋa kagcugste inpin. Khoe tebo khoranŋi aco Philibbi nama herodissi phia cos, ⁴ ciazerna Yohananni herodla molladpin, "Khyoranŋi acoe nama nyampo nama cocespo Konchoggi thimssi gyabgal innog." ⁵ Herodla Yohanan sadnyin yodpin, innaŋ mitshogsla jigssadpin ciazerna khonŋgunni Yohanana luŋstonpa stsiadpin.

⁶ Innaŋ heroddi skyezhaggi zhagga, donpogunni dunla herodissi bumoe stsestante herod ŝante thad cugspa, ⁷ khoe bumoa ci gosnaŋ taŋin zerte naa khurs. ⁸ Bumoe ame zerkhan naŋzhin, "Daa thussalkhan Yohananni go thallizhiggika sal" zers. ⁹ Gyalpo tsher innaŋ donpogunni dunla naa khurkhanboe zhaste bumoa goskhanbo toŋ zerte ka taŋs. ¹⁰ Tene tsonkharŋi naŋŋa Yohananni go cadte ¹¹ thallika khyoŋste herodissi bumoa taŋs. Bumoe tebo khoranŋi ama yodsa khyoŋs. ¹² Yohananni lobtugsgun yoŋste khonŋi spurbo khyerte subs. Tene khonŋun soŋte Yeshua shads.

Mi stonŝŋa đanŝshugga dzads.

14:13 ne 21

¹³ Tsoo Yeshui te curkhanbo sannacig khonraŋŋi lobtugsgun nyampo tuziŋzhiggi naŋŋa zhonte suaŋ medse nassazhigga skyods. Mitshogssi tebo tshorracig đonkhyergunne biŋte Yeshu skyodse nassa đulte soŋ. ¹⁴ Tuziŋne babste Yeshui mitshogs chenmo zigssacig, khonŋa khonŋunnika snyiŋrje skyea dzadte nadpagun gyalcugga dzads.

¹⁵ Nyima skyoddacig lobtugsgun khon yodsa yoŋste zers, "Gamyulgunla soŋte khoranŋunni phia zan nyocesla mitshogspo lamcugga dzadana ciazerna ñadangun caŋ medse ristonŋi naŋŋa innog yaŋ muncuan rubkyis dug."

¹⁶ Yeshui lansals, "Kxonŋun chagos med. Khyozhe khonŋunla zaces toŋ."

¹⁷ Khonŋunni zers, "Dazhe lagga tagi ŝŋa taŋ nya nyis mane med."

¹⁸ Yeshui mols "Tegun ñeka khyoŋ." ¹⁹ Tene mitshogspo stsika dugcesla mols. Tagi ŝŋa taŋ nya nyispo chagga nams yaŋ namkhaa zigste Konchogga thugrjeche zhus, tagi cagste mitshogsla gocessi phia lobtugsgunla salla dzads. ²⁰ Khon tshaŋma đanđan zos yaŋ lobtugsgunni laglusgun lduŝpa pagtse rcugnyis gaŋ. ²¹ Bumo taŋ tuŋugun mathea stonŝŋa zamshig teru zan zakhan yodpin.

Yeshui tshoeka zhabđul dzads.

14:22 ne 36

²² Tennamalla Tsoo Yeshui mitshogspo logste lamcugga dzad zane khonŋi lobtugsgun khonraŋŋi saŋ sŋunla tuziŋŋi naŋŋa tshoe aŋo chogsla lamcugga dzads. ²³ Mitshogs logte lamcug tsharracig Yeshu cigpo rika moslam zhua skyods. Khon teru cigpo yoddi tus muncurub.

²⁴ Tenna tusla tuziŋbo sakyadne thagriŋŋa lebste yod zane, dunne luŋspo tagpo yoŋspa chulbag tuziŋŋa gyabs. ²⁵ Halam ñatog chutshod sumpazhiggika Yeshu tshoe kane đulin lobtugsgun yodsa skyods. ²⁶ Lobtugsgunni Yeshu tshoe kane zhabđulla skyodin thonŋacig maŝante jigste, kuco taŋin, "Shinđe innog" zers.

²⁷ Innaŋ tennamalla Yeshui khorŋunla mols, "Jigs majigs ŋa in. Hampa cos."

²⁸ Piŋarri lantaŋs, "Tsoo nyeraŋ inna ŋaa chuika ɗulte nyeraŋ yodsa yoŋ mollaŋ."

²⁹ Yeshui, "Yoŋ" mols.

Piŋar ɗuziŋne babste chuika ɗulin Yeshu yodsa soŋ. ³⁰ Innaŋ luŋspo ɗante taŋ chulbag thoŋŋaciŋ kho jigs yaŋ nubces gozugpa kuco taŋste zers, "Tsoole, ŋa skyobba dzad."

³¹ Tennamalla Yeshui chag ɗkyanŋa dzadte kho zums, "Tadpa chuŋun yodkhan khyoraŋŋi thetshoms cia coad" mols.

³² Khoŋ nyisko ɗuziŋŋi naŋŋa zhonnaciŋ luŋspobo chad. ³³ ɗuziŋŋi naŋŋa yodkhangunni khorŋŋa colin zers, "Denba, nyeraŋ Konchoggi ɗas innog."

³⁴ Khoŋgun tshoe aŋo chogsla skyods yaŋ chui thama Genesareddi ɗoŋkhyerla leb. ³⁵ Te ɗoŋkhyerpagunni Yeshu inkhanbo ŋoshespa nyekhorri nassa tshaŋmala Yeshu skyodte dug zerte lon kals. Migunni zumo yodkhan tshaŋma khorŋ yodsa khyoŋs. ³⁶ Khoŋgunni zumo yodkhangunla Yeshui namze ɗuzhigga lagpa stse cugga dzadcesla juju zerin zhuwa phuls, yaŋ khorŋŋi namzaa lagpa stsekhan tshaŋma phan.

Stsaŋma taŋ tshitu.

15:1 ne 20

15 ¹ Tene pharushipa taŋ chosthimsa khaspa khaciŋ Yerushalemmi gyalsane Tsoo Yeshu yodsa yoŋste ɗis, ² "Nyeraŋŋi lobɗugsgunni ŋadaŋŋi phamespoe lugɗol cia cagganog? Khoŋgunni zan ze saŋ sŋunla lagpa ɗhua midug."

³ Yeshui khorŋunla lansals, "Khyozhe khyozharaŋŋi lamlugɗol ɗuŋcesla Konchoggi ka cia caggad? ⁴ Sperna Konchoggi molte innog, 'Raŋŋi aba taŋ amaa stsiwa cos,' yaŋ 'Raŋŋi aba ya amaa ŋan tabkhangun sadgos.'⁵ Innaŋ khyozhe migunla khoranŋi aba ya amaa, 'De nyeraŋŋa rogs cogoshespo Konchogga phulin zerte zhalchad coste in zerces labdug.'⁶ Tezug cocesne khyozhagunni khorŋunla raŋŋi aba ya amaa stsiwa co macugga innog, tennaboephia khyozharaŋŋi lamlugɗol ɗuŋcessi naŋŋa khyozhe Konchoggi ka cagste innog. ⁷ Khachospa khyozhe skorla Konchoggi Yeshya gyudte luŋstan salkhanbo denba innog, kaboe naŋŋa,

⁸ 'I migunni khane ŋaa stsiwa conaŋ

Khoŋgunni snyingun ŋane thagriŋ dug.

⁹ Khoŋgunni ŋaa colcespo phanmithogs innog,

Ciazerna khorŋgunni Konchoggi kathimssi tshabsla

Khoŋraŋgunni cokhanni ɗhimsgun labdug.^a "

¹⁰ Yeshui mitshogsla bodda dzadte mols, "De zerkhanbo nyante hagogessi stsonɗus cos. ¹¹ Khe naŋŋa chakhangunni mi tshitu gyurcugga manog, innaŋ khe naŋne spera ŋanpa biŋkhanboe tshitu gyur cugganog."

^Y15:4 biŋte chakhanni speche 20:12

^Z15:4 biŋte chakhanni speche 21:17

^a15:9 yeshaye speche 29:13

¹² Tene lobtugsgun khonj yodsa yonste zers, "Nyeranji molkhanboe pharushipagun maşante thelba chacugkhanbo nyeranji khyenna?"

¹³ Yeshui lansals, "De namkhe yabbi matsugkhanni lcanmagun patagne phudda dzadin. ¹⁴ Tsherkhaa maco, te pharushipagun zharaa lamstankhanni zharagun innog, kaltes zharazhiggi zharazhigga lamstanna nyisko sadoñji nanja budin."

¹⁵ Pitarri zers, "Dazhagunla te ruņspo hagocugga dzaddaņ."

¹⁶ Yeshui khongunla ĩa dzads, "Tarunjañ khyozhaa hamagoa? ¹⁷ Thonja midugga, khane zakhanni zanbo đodpe nanja lebeste zugspone philogga binjanog? ¹⁸ Innañ khane binjhan spera semssi nanje binje migun tshitu gyur cugganog. ¹⁹ Ciazerna samba njanpa, mi sadces, ranji zhidmad manpa zhanma nyampo lusđel, lusđel njanpa, şkuces, thimskhuñña zunba spaņpo tañces tañ zhanme scodpe skorla njanpa zerces gun semssi nanje binjanog. ²⁰ Te tshanje migun tshitu gyur cugganog, innañ lagpa mathua zan zacespoe mi tshitu gyurcugga manog."

Kenanmazhiggi tadpa.

15:21 ne 28

²¹ Tekane binje Tsoo Yeshu tayir tañ Sidonni gyalsagunla skyods. ²² Te yuljoñssi Kenanma bumozhig khonj yodsa yonste kuco tañin zers, "Gyalpo Dabiddi purgyud Tsoole, ñeka snyinje dzad. De bumoe nanja rdud zhugste nags şante standug."

²³ Yeshui can mamols. Lobtugsgun Yeshu yodsa yonste zers, "Juju i bumobo logste lamcugga dzaddaņ ciazerna kho kuco tañin ñadañgunni gyabne yonđug."

²⁴ Yeshui te bumoboa lansals, "Da Konchoggi lug storkhan Israelpagun cigpoe phia kalla dzadte in."

²⁵ Kho khonji dunla yonste pigdoñ tsugste zers, "Tsoole, ñaa rogs coa dzaddaņ."

²⁶ Yeshui mols, "Tugui tagibo lente khyia phañña mađigga innog."

²⁷ Khoe lantañs, "Denba innog Tsoole, innañ khañdaggi cogtse kane kharji budkhangun khyi chungungunnañ zadug."

²⁸ Yeshui lansals, "Bumo, khyorañña tadpa tagpo dug. Khyorañji dodpa cokhanbo đubshig." Tenna tustshodpoe ka rdud binje soñ yañ khoe bumo phan.

Yeshui mi maņpo phancugga dzads.

15:29 ne 31

²⁹ Tsoo Yeshu tekane zhanje Galillii tshoe thama gyudte kenla rizhiggika skyodte zhugssa dzads. ³⁰ Teru zhao, zhara, hañan, lusskyonba tañ zhan maņpo thidte mitshogs chenmozhiğ Yeshui dunla dzoms, yañ khonji khongun phancugga dzads. ³¹ Hañangunni spera tañces, khonşkhangun thañspo soñte, zhaogun dulces yañ zharagunla thonjes migunni thonjacig khongun halaste Israelli Konchogga stodpa phuls.

Yeshui mi stonjhi đanjsshugga dzads.**15:32 ne 39**

³² Tsoo Yeshui lobtugsgun bodda dzadte mols, "I migun ɲa nyampo dugste zhagma sum soɲ yaɲ zacesla caɲ med pasarɲ, ɲa snyiɲrjea skyearag. De khongun stogria lamcugnyin merag ciazerna khongun lamma goyoɲ khorthe gyel ōidces innog."

³³ Khoɲɲi lobtugsgunni lantaɲs, "Đadaɲɲa i mitshogs chenmoa taɲcessi tagi i ristoyɲi naɲɲa kane thobin?"

³⁴ Yeshui khongunla ɲia dzads, "Đadaɲɲi lagga tagi tsam yod." Khongunni lantaɲs, "Tagi rdun yaɲ nya chuɲun khacig yodle."

³⁵ Yeshui mitshogs poa seka dugcesla mols. ³⁶ Khoɲɲi tagi rdun taɲ nyagun namssa dzadte Konchogga thugrjeche zhus, yaɲ tegun cagste lobtugsgunla sals, yaɲ khongunni mitshogsla goste taɲs.

³⁷ Khoɲ tshanme tshimstshims zos. Stiɲne lobtugsgunni lagma luskhanni tagigun dumspa pagtse chenmo rdun gaɲ. ³⁸ Bumo taɲ ōugugun mathea kharji zakhanni mi stonjhi yodpin. ³⁹ Mitshogs logste lamcugga dzadte Yeshu lobtugsgun nyampo ōuziɲɲi naɲɲa zhonte Magadanni yuljoɲsla skyods.

Halasshessi stags stancesla zers.**16:1 ne 4**

16 ¹ Pharushipagun taɲ saddukipagun yoɲste Tsoo Yeshua tshodltaste khoɲɲa Konchoggi waɲcha salkhanbo tantan cocesla namkhane stagsshig ston zers.

² Khoɲɲi lansals, "Phitog nam marpo yodda thonje khyozhe thore namla gyalla yoɲɲanog zerdug, ³ yaɲ ɲatog ōinnag gaɲste namtshubste thonja, diriɲ luɲrag taɲ charpa taɲɲanog zerdug. Khyozhagunni namkhe naɲɲa cuɲkhanni namle stagsgun shadnyandug, innarɲ khyozhagunni itussi stagsgun cia shadnyanna merag. ⁴ Mirabs ɲanpa taɲ Konchogga idshes medkhangunni namkhane stags ston zerranog. Innarɲ luɲstonpa yone stagspo mane yaɲstagsshig mistan." Tene khoɲ khoɲraɲɲi lobtugsgun nyampo tekane skyods.

Zusme labzhagunni kane shaɲ skuls.**16:5 ne 12**

⁵ Tshoe pharkaa lebbacig lobtugsgunla tagi khurrala rjedkhanbo idtu yoɲs. ⁶ Tsoo Yeshui khongunla mols, "Pharushipa taɲ saddukipe skyurne shaɲ cos."

⁷ Khongunni cig taɲ cigga zers, "Đadaɲɲi tagi khurte medpa khoɲɲi tebo molte innogga?" ⁸ Yeshui tebo khyente ɲia dzads, "Khyozhaa tadpa chuɲungun, tagi medkhanni skorla khyozhagunni cia spera taɲɲad?" ⁹ Taruɲɲarɲ khyozhagunla hamagoa? Idtu meragga tagi ōɲane mi stonjɲa đanjscugste luskhanni tagi khyozhe lduspa pagtse tsam gaɲ, ¹⁰ ya tagi rdunne mi stonjhi đanjscugste luskhanni tagi khyozhe lduspa pagtse tsam gaɲ? ¹¹ De tagi skorla spera taɲste mankhanbo

khyozhe cia hagoa merak? Innar pharushipa tar saddukipe skyurri kane shar cos."

¹²Tene khongunla tagi cocesla kolkhanni skyurri skor manpa, pharushipa tar saddukipe labzhagunne shar cocesla zhukhanbo hago.

Pitarri Yeshu su inkhanbo shads.

16:13 ne 20

¹³Tsoo Yeshu Kesarria Philipi yuljonsla lebbacig, khonji khonranji lobtugsgunla tia dzads, "Migunni mirigssibu su innog zerdug?"

¹⁴Khongunni lantaŋs, "Khaciggi thussalkhan Yohanan, khaciggi lunstonpa Eliya yar zhanmagunni lunstonpa Yeremya ya lunstonpagunni ŋone cigcig zhugste innog zerdug."

¹⁵"Innar khyozhe ci sammarag?" Yeshui tia dzads, "Da su innog?"

¹⁶Shimon Pitarri lantaŋs, "Nyerar Konchoggi Idamma dzadkhanni Mashika, sonpo Konchoggi ŋas innog."

¹⁷Yeshui mols, "Yone butsha Shimon khyorar cinlabscan innog. Tebo khyoraŋa mii chogsne manpa ne namkhe yabbi ŋonocugga dzadte in. ¹⁸De khyoraŋa zerrad, khyorar Pitar^b innog, yar i daggika ne naraŋji chostshogs stsigin. Shetanni warŋi ne chostshogsla phamkal mane minyan^c. ¹⁹Namkhe gyalŋiddi kuliggun ne khyoraŋa tarŋin. Jigstennika khyoraŋji goŋspa matarŋkhanboa namkhe Konchoggian goŋspa salla midzad, yar jigstennika khyoraŋji goŋspa tarŋkhanboa namkhe Konchoggian goŋspa salla dzadin.

²⁰Tene khonranji lobtugsgunla khonj Mashika inkhanbo suar mashad molte ka sals.

Yeshui khonranj tonshessi skorla lunstan dzads.

16:21 ne 28

²¹Teneparla Tsoo Yeshui khonranji lobtugsgunla, khonj Yerushalemma sonje Yahudape uskyongun, lama uskyongun tar chosthimsla khaspagunni rdugnal marpo stante sadces yar zhag sumpe zhagga sonpo larcessi skorgun hagocugces gozug dzads.

²²Pitarri khonj sosoa khyerte khaskyes yar zers, "Tsoole, tezug Konchoggi chacugga midzad. Nyeranra itsogs mane chaa magos."

²³Yeshui Pitar chogsla zigste mols, "Shetan, nane thagriraŋa sonj. Khyoraŋji naa ghaggyab cugganog. Khyoraŋji samtshul Konchoggi chogsne manpa, mii chogsne innog."

²⁴Tene Yeshui khonranji lobtugsgunla mols, "De stinranne yonra thadkhangun, ranjod pharste ranji rdugnalli ŋkyaŋshin khurte naa darŋsgos. ²⁵Ranŋog skyobnyin yodkhangunni denbe mitshe skyalin, innar ne phia khoraŋji ŋog

^b16:18 rissi skaddi narŋa Pitarri tonni dag innog.

^c16:18 rissi skaddi narŋa "Nyalwe gyasghogunni ne chostshogspoa phamkal minyan" zerte Griiste dug.

skyalkhangunla denbe mitshebo thobin. ²⁶ Mizhigga jigsten ganpo thobtear ranji thamedpe mitshe skyalna ci phanhogs, ya teboe tshabsla mizhiggi ci tarjnyanin? ²⁷ Mirigssibu namkhe yabbi zirrijdi nanja khonji phonya nyampo yonste, mi reera ranranji las nanzhin solras tanin. ²⁸ De khyozhaa denba zerrad, ika yodkhan khaciggi mirigssibu khoranji gyalšiddi nanja skyodcespo thonje mane mishi."

Yeshui zirrijid jal.

17:1 ne 13

17 ¹ Zhag duggi stiŋne, Tsoo Yeshui Piŋar, Yakob tarj khoe no Yohanan thidte suaŋ medsa ri thonpozhiiggika skyods. ² Teru khonggunni dunla Yeshui skuzugs ganpo gyurte, khonji zhaldon nyime zer tsogs yar khonji namza karmo Idanshan gyur. ³ Hunmedla khonggunni luŋstonpa Mozes tarj eliyu Yeshu nyampo zhalta salin jal.

⁴ Piŋarri Yeshua zers, "Tsoole, ŋazhaa ika yodcespo magyalla soŋ. Kaltes nyeraŋ thugsthadna ŋe zhugssa sum stsigin, nyeraŋŋi phia cig, Mozessi phia cig, yar eliyu phia cig."

⁵ Khoe tegun zerin yod zane, ŋin Idanshanzhiggi khonggun kabs yar ŋinni narŋe suŋskadciggi mols, "lbo ŋe cespe butsha in, kho nyampo ŋa maŋante thadpo in, khoe zerkhangunla nyon." ⁶ Tebo tshorracig lobtugsgun maŋante jigste khalbugga gyel.

⁷ Innaŋ Yeshu skyodte khonggunla chagthugga dzadte mols, "Lonshig jigs majigs." ⁸ Khonggunni go stagste Itacig Yeshu cigpo mane mathon.

⁹ Rine babste skyodin yod zane, Yeshui khongunla ka sals, "Mirigssibu shikhangunni ŋone sontea lanja dzadte mane, khyozhaa thonkhanbo suaŋ mashad."

¹⁰ Lobtugsgunni khonja ŋis, "Tene chosthimsla khaspagunni Mashika skyoddi saŋ ŋunla luŋstonpa Eliya skyodgos cia zerte innog."

¹¹ Yeshui lansals, "Tantanla, citshaŋma daŋdig cocesla Eliya ŋunla yongos. ¹² De khyozhaa zerrad, Eliya yon tsharte in, innaŋ khonggunni kho ŋomashes yar kho nyampo coin samkhan tshaŋma cos. Tenna tsogsla mirigssibuan khonggunni lagne rdugŋal nyongosin." ¹³ Tene Yeshui thussalkhan Yohananni skorla molte inkhanbo lobtugsgunla hago.

Yeshui rdud zhugskhanni ŋuguzhig phancugga dzads.

17:14 ne 20

¹⁴ Khonggun rine babste mitshogs yodsa skyoddacig, mizhig Yeshui dunla yonste pigdon tsugste ¹⁵ zhus, "Tsoole, ŋe butsheka snyinŋe dzaddan juju. Kho gylte zugspo ganpo darin nags ŋante thonjug. Lan maŋpo kho me yar chui nanja gyel.

¹⁶ Nyeraŋŋi lobtugsgun yodsa khyonspin innaŋ khonggunni khoa phancug manyan."

¹⁷ Yeshui mols, "Tadpa medkhan tarj Mirabs ŋanpa, namtshogpa ŋa khyozhagun nyampo dug? Namtshogpa ŋe khyorangunla ŋangos? Butshabo ika ŋa yodsa

khyoŋ." ¹⁸ Yeshui rdudpoa khaskyeya dzadpa kho ŋugui naŋne biŋte soŋ yaŋ tennamalla ŋugubo gyal.

¹⁹ Tene lobŋugsgun Yeshu yodsa yoŋste suaŋ tshor macugga ŋis, "Dazhagunla rdudpo cia phiŋ manyanna innog?"

²⁰ Khoŋŋi lansals, "Ciazerna khyozhaa Konchoggi naŋŋa tadpa maŋsteaŋ chuŋun yodte innog. De khyozhaa denba zerrad, kaltes khyozhaa nyuŋskarri saon chuŋun zamshiggi tadpa yodna i ribo ikane aka soŋ zerna chen, yaŋ khyozhagunla co minyances caŋ miyoŋ."

Yeshui khoŋraŋ ŋoŋshessi skorla yaŋskyar mols.

17:21 ne 23

^{21 d22} Lobŋugs rcugnyispo Galilii yuljoŋssi naŋŋa dzomte yodtus, khoŋgunla Yeshui mols, "Mirigssibua ŋolog coste ŋaogunni lagga stadin ²³ khoŋgunni kho sadin yaŋ zhag sumpe zhagga sonte laŋsshugga dzadin." Lobŋugsgunni sems tsherkhe gaŋs.

Chodkhaŋŋi phia thalshalces.

17:24 ne 27

²⁴ Tsoo Yeshu taŋ khoŋŋi lobŋugsgun Kapharnahummi gyalsa lebbacig, chodkhaŋŋi thal ldukanbo Piŋar yodsa yoŋste ŋis, "Khyoraŋŋi lobbongi chodkhaŋŋi phia thal shalla manogga?"

²⁵ Piŋarri zers, "Shalla dzaddanog." Piŋar naŋŋa yoŋŋacig khoe zerri saŋ sŋunla Yeshui ŋia dzads, "Shimon, ci sammarag? Jigstenni gyalpogunni thal sui kane lendug, khoranŋi ŋugu kane lendugga ya zhanme kane?"

²⁶ Piŋarri lantaŋs, "Zhanmagunni kane." Yeshui mols, "Tene ŋugugunni thal shal magos. ²⁷ Innaŋ khoŋgunla ŋatika ŋo miyoŋcessi phia tshoa soŋte nyakug toŋ, yaŋ nya goma zumkhanboe khaa phes, tenaŋŋa khyoraŋŋa mulli penezhig thobin. Tebo khyerte ŋadaŋ nyiskoe thal khoŋgunla shol."

Namkhe gyałšiddi naŋŋa ŋagshog.

18:1 ne 10

18 ¹ Tetus lobŋugsgun Tsoo Yeshuika yoŋste ŋis, "Namkhe gyałšiddi naŋŋa ŋagshog su innog?"

² Yeshui ŋugu chuŋunzhigga bodte khoŋgunni skyilla laŋcugga dzads. ³ Khoŋŋi mols, "De khyozhaa denba zerrad, gyodpa coste khyozhe sems ŋugu chuŋun tsogs gyurte mane khyozha namkhe gyałšiddi naŋŋa mane zhugs minyan. ⁴ Teboephia ŋugu tsogsla pasmo gyurkhangun namkhe gyałšiddi naŋŋa cheshogpo in."

⁵ "De miŋŋi naŋŋa suzhiggi i ŋugu tsogsshigga gasus cona ŋaa gasus coste in, ⁶ innaŋ ŋa tadpa cokhan i chuŋungunni naŋŋe cigga sdigpa cocuggi saŋ khoranŋi skyeya ranthaggi rdoa chenmo tagste, gyatshoe naŋŋa nubste shina gyal."

^d17:21 sŋunme rissi speche naŋŋa 17:21 bo Griiste medte innog. Innaŋ stiŋmagunni naŋŋa "Innaŋ itsogssi rdudgun moslam taŋ nyenasla dugces gyudte mastogs phiŋ nyanna manog" thudte innog.

⁷"Sdigpe nanja gyelcugkhan jigstenpagunla tsamshiggi jigspa miyoŋ. Tebo tantan cunjin, innan tebo cuŋcugkhanboa tsamshiggi jigspa miyoŋ. ⁸Kaltes khyoraŋji lagpa ya kaŋpe sdigpa cocuggadna, cadte phaŋston, lagpa nyis taŋ kaŋpa nyis yodte nyalwe nanja phaŋcuggi saŋ, lagpa cig taŋ kaŋpa cig nyampo thamedpe mitshee nanja chana gyal. ⁹Yaŋ kaltes khyoraŋji miggi sdigpa cocugna, tebo duste phaŋston. Mig nyis yodte nyalwe nanja phaŋcuggi saŋ, mig cig nyampo thamedpe mitshee nanja chana gyal."

¹⁰"I tuŋu chuŋgun ciggaŋ rinmeddi mig nyampo mastaa. De khyozhaa zerrad, khoŋgun skyobkhanni phonyaa ŋe namkhe yabbi dunla tusgyun zhugste khoŋji nastshul shaddanog."

Lug storkhanni ruŋs.

18:11 ne 14

¹¹^{e12}Tsoo Yeshui mols, "Ci sammarag? Mizhigga lug gya yodkhanboe nanje lug cig storna, zhan gubcu gorgubo ria borte storkhanni lug cigpo mitsalla? ¹³De khyozhaa denba zerrad kaltes lug storkhanbo thobna, mastorkhanni lug gubcu gorgui saŋ i storte thobkhanni lug cigpoe phia kho maŋja thadpo chen. ¹⁴Tenna tsogsla khyozhe namkhe yab, tadpa yodkhan i chuŋgunni nanje ciggaŋ storcesla thugsthadda manog."

Spun sdigcanzhig taŋpoe lammika khyoŋces.

18:15 ne 20

¹⁵"Kaltes tadpacan spunzhiggi khyoraŋji gyabgalla sdigpa cona, kho yodsa cigpo soŋte khoe skyonbo ston. Kaltes khoe khyoraŋji zerkhanbo nyante gyodpa cona, khyoraŋja khyoraŋji sponbo yaŋskyar logste thobte innog. ¹⁶Innan kaltes khoe khyoraŋji zerkhangun manyanna 'Zerkhangun mi nyis ya summi spaŋpo taŋste tantan cocesla^f khyoraŋji tadpacan spun cig ya nyis thidte khyer. ¹⁷Kaltes khoe te spaŋpogunla manyanna, tene chostshogsla shod, yaŋ kaltes khoe chostshogslaŋ manyanna, tene khoa thalnenkhan taŋ zhan tadpa medkhangun tsogs stsishig."

¹⁸"De khyozhaa denba zerrad jigstennika khyozhe goŋspa matarkhanboa namkhe Konchoggiaŋ goŋspa salla midzad, yaŋ jigstennika khyozhe goŋspa tarŋkhanboa namkhe Konchoggiaŋ goŋspa salla dzadin."

¹⁹"Yaŋskyar ŋe khyozhagunla zerrad, kaltes jigstennika tadpacan nyis zhuwa phulcesla cizhiggika khachamsna, tebo ŋe namkhe yabbi khyozhe phia coa dzadin. ²⁰Ciazerna karu ŋe mirj khurkhan nyis ya sum dzommad ŋa teru khoŋgun nyampo yod."

^e18:11 sŋunme rissi speche nanja 18:11 "Mirigssibu storte yodkhangun skyobbala yoŋs" Griiste medte innog.

^f18:16 thimssi specha nyispe 19:15

Snyinjre medkhanni yogpoe runjs.**18:21 ne 35**

²¹ Tene Pitar Tsoo Yeshu yodsa yonjste țis, "Tsoole, kaltes ne spunzhiggi ne gyabgalla sdigpa cona, tene lan tsam ne khoa shagspa tangos? Lan rdun⁹ tanja digga le?"

²² Yeshui lansals, "De khyoraŋja zerrad, lan rdun manpa rduncupa lan rdun toj."

²³ "Sperna namkhe gyalșid ni, khoranji yogpogunni kane stsirug lencesla thagcadkhanni gyalpo tsogs in. ²⁴ Stsirug lences gozuggacig, gyalpoe dunla karor manpoe pene bulon yodkhanni mizhig khyonjs. ²⁵ Bulon shalgyu med pasan gyalpoe te mibo, khoe nama tan țugugun yan nor yodkhan tshanjma tsonjste, bulon shalcesla ka tanjs."

²⁶ "Yogpo gyalpoe dunla gyelte juju, 'Daa nyampo zodpa dzad, gyagspa ne bulon ganpo logste phulin', zerte zhuwa phuls. ²⁷ Gyalpoa snyinjre skyes, yan khoe bulonbo medkhan coste kho chacugs."

²⁸ "Innanj yogpo philogga sonje stinje pene nyunjun ston khacig bulonla tanjkhanni khoe țopa yogpoeka sonj, yan kho zumste skye Idamste, 'De bulon logste toj' zers"

²⁹ "Khoe țopa yogpoe seka gyelte juju, 'Daa nyampo zodpa dzad gyagspa ne bulon logste phulin' zerte zhuwa phuls. ³⁰ Innanj khoe zhuwabo manyans matshad bulon shalshal tshogpa kho tsonkhanja kagcugs."

³¹ "Zhan yogpo țopagunla tebo thonje șo șante yonjs, yan gyalpo yodsa sonje cunghan tshanjma shads. ³² Tene gyalpoe yogpo snyinjre medkhanbo bodte khyonjs yan khoa zers, 'Yogpo ŋanpa khyod, khyoraŋji ŋa juju zhuspa snyinjre skyeste, ne khyoraŋji bulon tshanjma medkhan cospin. ³³ Daa khyoraŋjika snyinjre skyea tsogsla, khyoraŋjanj khyoraŋji țopeka snyinjre skye magossa?' ³⁴ Gyalpoa șo yonjste, bulon ganpo shalshal tshogpa kho tsonkhanja kagste nags stannala ka tanjs."

³⁵ "Kaltes khyozhe khyozharanji spunla snyinje shagspa mataŋja ne namkhe yabbianj khyozha rere nyampo tenna tsogs coin."

Zhidmad cadces tanj nama cocessi labzha.**19:1 ne 12**

19 ¹ Labzha sal tsharte stinje, Tsoo Yeshu Galilline Yordan Itsanjspoe pharka Yahuda yuljonsla skyods. ² Mitshogs chenmo khonji stinjanje yonjs yan khonji zumo yodkhangun phancugga dzads.

³ Tshoditacesla pharushipa khacig khonj yodsa yonjste țis, "Gyuntshan chunjun yoddo ya chenmo, butshazhigga țhims nanzhin khoranji nama cad chogganogga?"

⁹**18:21** Yeshui tusla Yahudape labzha nanzhin suzhiggi khyozhe gyabgalla sdigpa cona khoa lan sum shagspa tangos. Pitari 'Lan rdun shagspa tanja' zer zane khoe ghosdommi sanj manja tanjste in sam.

⁴ Yeshui lansals, "Khyozhe dampe sunrabssi nanne masilpinna? 'Gozuggika Konchoggi jigsten dzad zane butsha tanj bumoz dzadte,^h ⁵ mols, 'Tenna gyuntshanboe phia butsha khoranji aba tanj amane bete khoranji nama nyampo dzomste khonj nyisko zugspo cig gyurranog.'" ⁶ Ta khonjgun nyis manpa cig innog. Teboephia Konchoggi cig dzadkhanbo suzhiggan phe macug."

⁷ Tene pharushipagunni khonja jis, "Tebo inna, nama cadna, namaa cadkhanni lagkhyer khoa tanj zerte ciphia Mozessi ka salte innog?"

⁸ Yeshui lansals, "Khyozhe phamespogunni snyinj skyonjo yodcespoe Mozessi khyozhaa nama cadcesla gonjsa tanjs, innanj gozuggika tezug medpin. ⁹ De khyozhagunla zerrad, ranji zhidmad mankhan nyampo lusdel cocessi naslug mastogs, suzhiggi khoranji nama cadte zhan bumozhig nyampo nama cona khoe logyem coste innog."

¹⁰ Lobtugsgunni Yeshua zers, "Kaltas nama tanj magpe nanja tezug naslug chana nama macona gyalces rag."

¹¹ Yeshui mols, "Konchoggi bagma macoa dugcessi khyud salla dzadkhangun mastogs, tshanjala khyozhe zerkhanni mitshe phudnyanna manog. ¹² Sperna butsha khacig, skyespane pharla aba gyurcessi khyud medkhan, yanj khacigga migunni aba gyurcessi khyudpo medkhan cospa, yanj khaciggi namkhe gyaljidla zhabstog zhucessi phia nama coa manog. Suzhigga i tsogssi mitshe phudnyanna phudshig."

Yeshu tanj tugu chungun.

19:13 ne 15

¹³ Tene phamagunni tugu chungun Tsoo Yeshui chag borra dzadte moslam zhucsesla khonj yodsa khyonjs. Innanj khonji lobtugsgunni phamagunla Yeshua obgyal stan pasanj khaskyes.

¹⁴ Yeshui mols, "Tugu chungun ghag maghagga na yodsa yonjug itsogsgunni phia namkhe gyaljido in." ¹⁵ Khonjgunnika chag borra dzadte cinlabs salla dzads, tene Yeshu tekane skyods.

Zhonnu chugpozhib.

19:16 ne 30

¹⁶ Mizhib Tsoo Yeshu yodsa yonjste zers, "Lobbonle, thamedpe mitshe thobcessi phia ne zanjo las ci cogos?"

¹⁷ Khonji khoa mols, "Zanjo ci in zerte naa cia tiad. Konchog cigpo mastog suanj zanjo man. Kaltas khyoranja thamedpe mitshe gosin yodna, tene Konchoggi kagyagun sunj."

¹⁸ Khoe Yeshua jis, "Kagun? Yeshui lansals, " 'Mi masad, ranji zhidmad manpa zhanma nyampo lusdel maco, skumašku, spanjo zunba matanj, ¹⁹ ranji aba tanj

^h19:4 gozuggi speche 1:27

ⁱ19:5 gozuggi speche 2:24

amaa stsiwa cos,^j yaŋ 'Raŋŋa camspa cokhan tsogs khyoraŋŋi khyimtsheSPA camspa cos.^k "

²⁰ Zhonnui Yeshua zers, "Te tshaŋma ŋe coadle, teka theba ŋe ci cogos?"

²¹ Yeshui mols, "Kaltēs khyoraŋ phunsumtshogspazhig gyurnyin yodna, soŋ yaŋ khyoraŋŋi gyunorgun tsoŋste penebo nyalbacangunla toŋ, namkhe naŋŋa khyoraŋŋa baŋdzod thobin. Tene yoŋste ŋe gyabne doŋs."

²² Tebo tshorracig, khoa tsherkhaa yoŋste soŋ ciazerna kho machugpo yodpin.

²³ Tene Yeshui lobtugsgunla mols, "De denba zerrad, mi chugpo namkhe gyałšiddi naŋŋa lebcēs ma kagspo innog. ²⁴ Yaŋskyar ŋe khyozhaa zerrad mi chugpo Konchoggi gyałšiddi naŋŋa lebcēs saŋ khabbi migne rjaborj biŋcespo lamo chen."

²⁵ Tebo tshorracig lobtugsgun mahalaste ŋis, "Tene sua tharpa thobin?"

²⁶ Yeshui khongunla zigste mols, "Ibo mia co mane minyan, innaŋ Konchogga citshaŋma dzad nyannanog."

²⁷ Piŋarri Yeshua zers, "Dazhe citshaŋma phaŋste, nyeraŋŋa ɔaŋspin. Dazhaa solras ci thobin?"

²⁸ Yeshui khongunla mols, "De khyozhaa denba zerrad, Konchoggi citshaŋma yaŋskyar soma coa dzadces yaŋ mirigssibu zirridcanni thissika dug zane ŋe stiŋraŋŋe ɔaŋskhan khyozhagunnaŋ Israelli sde rcugnyissika waŋsulcesla this rcugnyissika dugin. ²⁹ De tonla khaŋpa ya acono ya ace nomo ya aba ya ama ya ŋugu ya zhiŋ phaŋskhan tshaŋmala tegunni gyałdab matshad thamedpe mitshean thobin. ³⁰ Innaŋ dagsa goa yodkhan maŋpo stiŋjugga lusin yaŋ dagsa stiŋjuggika yodkhan maŋpo goa lebin."

Rguntshassi lapagunni ruŋs.

20:1 ne 16

20¹ Tsoo Yeshui mols, "Namkhe gyałšid ni rguntshassi dagpo ŋamone rguntshassi naŋŋa las cocesla lapa tsalla biŋkhan tsogs in. ² Lapagunla nyimaciggi la taŋces khachamste rguntshassi naŋŋa las coa lamcugs."

³ "Halām chutshod rgupazhiggika dagpo philogga biŋte soŋ, yaŋ thomssi naŋŋa las mathobkhanni zhan lapagun thoŋte ⁴ khongunla zers, 'Khyozhagunnaŋ ŋe rguntshassi naŋŋa las coa soŋ, ospa inkhanni lacha ŋe taŋin.' ⁵ Tene khongun las coala soŋ. Chutshod rcugnyis taŋ sumpeka dagpo yaŋskyar philogga soŋte, tenna tsogs cos."

⁶ "Phitog chutshod ŋŋapeka dagpo yaŋskyar philogga biŋte soŋ, teru las mathobkhanni lapagun dugste yodda thoŋte khongunla ŋis, 'Khyozhaa nyima tshere las macoa ika dugste ci coste in?' "

⁷ "Khongunni lantaŋ, 'Dazhaa las coala suiŋ makhyers.' "

"Rguntshassi dagpoe zers, 'Khyozhagunnaŋ soŋte ŋe rguntshassi naŋŋa las cos.' "

^j19:19 biŋte chakhanni speche 20:12-16

^k19:19 thimssi specha taŋpoe 19:18

⁸"Phitog rguntshassi dagpoe chagzodla zers, 'Lapagunla bodte stinjugga khyonkhangunne gozugste goma khyonkhangun tsugspa lacha tonj.' ⁹Chutshod snapeka las coala khyonkhangunla nyima ciggi lacha thob pasan ¹⁰gozuggika las coa khyonkhangun lachaa lenna lebbacig zhangunni sanj manja thobbanog sam. Innarj khongunlarj nyima ciggi nyinla mane mathob. ¹¹Lachaa thobpacig khongunni mabebs coste dagpoa zers, ¹²'Chutshod cig mane las macokhangunlarj nyerarjji njazhaa, nyime tshaddi narjja nags thonjin nyima tshere las cokhangun tsogs lachaa tarj.' "

¹³"Innarj dagpoe lantarjste khonj cigga zers, 'Dzaole, ne khyorarj nyampo miospa macospin. Khyorarjji nyinla, las cocessi khachad macospinna? ¹⁴Rarjji pene khurte sonj. Stinjuggi lasmigunlarj khyorarj danja lacha tarjces narjarjji dodpa inpin. ¹⁵De narjarjji penea ci conarj nararj mithadda? Ya ne snyirj pheste tarj pasan tshigces yorjja ragga?' "

¹⁶"Tennaboephia dagsa goa yodkhangun stinjugga lusin yarj dagsa stinjuggika yodkhangun goa lebin."

Yeshui khonjarj tonjshessi skor shadda dzads.

20:17 ne 19

¹⁷Tsoo Yeshu kenla Yerushalemma skyodin yodtus lobtugs rcugnyispo soso khyerte mols. ¹⁸"Nyonshig, njadarjgun kenla Yerushalemma chaces innog, mirigssibu lama uskyon tarj chosthimsa khaspagunni lagga stadin, yarj khongunni khoa shicessi chadpa cadte ¹⁹Yahudapa mankhangunni lagga stadin. Tene khongunni khoa thelba stante, stallcag gyabste shkjarjshinjika shkjarjthe sadin, yarj zhag sumpe zhagga sontea larjsshugga dzadin."

Zhanmagunla zhabstog zhuces.

20:20 ne 28

²⁰Tene zebeddii nama, Yakob tarj Yohananni ama, khongun nyampo Tsoo Yeshui skudunla yonj yarj pigdonj tsugste khoeka katin dzadcesla zers.

²¹Yeshui khoa mols, "Nyerarjja ci gossad?"

Khoe zers, "Nyerarjji gyalshiddi narjja ne butsha nyisko nyerarjji chag yaspa tarj yome stsiwacan Koseka dug cugga dzadle."

²²Yeshui khongunla lansals, "Khyozhe zhuwa phulkhanbo khyozhaa hamagoa innog, na thunjescanni rdugnalli korebo khyozhe thunjnyances ragga?"

Khongunni zers, "Nyancesragle."

²³Yeshui khongunla mols, "Khyozhagunni tantanla ne rdugnalli kore narjthe thunjin, innarj ne yaspa tarj yomeka dugcugcessi warjcha njaa med. De yabbi te nassagun khonjji ldamma dzadkhangunni phia daldig dzadte in.

²⁴Tebo tshorracig, zhan lobtugs rcuboa khonj nyiskoeka so yonj. ²⁵Yeshui khonj tshanmaa bodda dzadte mols, "Khyozhaa gyusmedda? Yahudapa mankhan warjshulpagunni khorarjji yulmigunnika snyirjre medpa warjshullanog, yarj khongunni lonpogunnarj migunla sanjthe nags stanin warjshullanog. ²⁶Khyozhe narjja tetsogs

yoŋ magos. Khyozhe ʃone tagpo gyurnyin yodkhanbo zhanmagunni yogpo gyurgos, ²⁷ yaŋ khyozhe ʃone goa lebnyin yodkhanbo zhangunni tsheyog gyurgos. ²⁸ Kazug mirigssibu zhabstog zhucugcesla manpa zhabstog zhuala yoŋspin, yaŋ mi maŋpoe ʃogrin shalcesla khoŋraŋŋi ʃog taŋin."

Yeshui zhara nyisla thoŋ cugga dzads.

20:29 ne 34

²⁹ Yeriko doŋkhyerne Tsoo Yeshu taŋ khoŋŋi lobʃugsgun biŋte skyod zane, mitshogs chenmozhiŋ khoŋŋi stiŋraŋne yoŋs. ³⁰ Lammi thameka yodkhanni zhara nyissi Yeshu tekane skyoddug zerte tshorracig kuco taŋin zers, "Tsoo, gyalpo Dabiddi purgyud, ŋazheka snyiŋrje dzad."

³¹ Mitshogssi zhara nyiskoa khaskyeste cubcod zers.

Innaŋ khoŋgunni maŋŋa kuco taŋste zers, "Gyalpo Dabiddi purgyud, ŋazheka snyiŋrje dzaddaŋ."

³² Yeshu ʃuŋŋa dzads yaŋ khoŋgunla bodte ʃia dzads, "De khyozhe phia ci co?"

³³ Khoŋgunni zers, "Tsoole, ŋazhaa thoŋcessi khyudpo sallaŋ." ³⁴ Yeshua khoŋŋika snyiŋrje skyeste khoŋgunni miggika chag stsea dzads, tennamalla khoŋgunla thoŋthub yaŋ khoŋgun Yeshua daŋste soŋ.

Yeshua gyalpoe tshulla gasus zhus.

21:1 ne 11

21 ¹ Yerushalemmi gyalse nyemoa oliwwi rika¹ yodkhan Bedphagee doŋsebba lebkyis yoddacig, Tsoo Yeshui lobʃugs nyis sŋunla lamcugga dzadte ² mols, "A doŋsebbi naŋŋa soŋ, teru lebbacig buŋbuzhiŋ khoranŋi buŋsar nyampo tagste thoŋcen. Tegun ʃolte ŋa yodsa khyoŋ. ³ Kaltes suzhiggi ci coad zerte ʃina, 'Tsooa ghosdom dug' zer. Tennamalla khoe khyozhaa tegun khyer cugganog."

⁴ Luŋstonpa gyudte Konchoggi molkhanbo daŋda duŋcessi phia, tebo cuŋste innog,

⁵ "Yerushalempagunla^m zer,

'Ltossaŋ, khyozhe gyalpo khyozhaa yodsa yoŋdug,

Khoŋ ni nyamshuŋ, buŋsarrika zhonte yoŋdug.ⁿ "

⁶ Lobʃugsgun soŋte Yeshui ka salkhan naŋzhin cos. ⁷ Tene khoŋgunni buŋbu taŋ buŋsarbo khyoŋste khoŋraŋgunni Kos tegunnika sdads yaŋ Yeshu buŋsarrika zhonna dzads.

⁸ Mitshogssi naŋne maŋcheaboe raŋraŋŋi Kos Yeshu skyodse lammika tiŋs yaŋ zhangunni lcaŋme yalga cadte tiŋs. ⁹ Yeshui dunne duŋkhan yaŋ gyabne yoŋkhanni mitshogssi kuco taŋin zers,

"Gyalpo Dabiddi purgyuddi phia Konchogga stodpa phul,

Tsoo Konchoggi waŋche naŋŋa skyodkhanbo cinlabscan.

¹21:1 i riboika oliwwi lcaŋma maŋpo skyeste yodpa iboa oliwwi ri zerradpin.

^m21:5 rissi skaddi naŋŋa i tshigspo "Ri Ziyonni bumoa zer" Griiste dug.

ⁿ21:5 zakarye speche 9:9

Namkhaa zhugskhanni Konchogga stodpa phul."

¹⁰ Yerushalemmi nanjugga lebbacig, gyalsa ganpoe nanja hilijs shor yan migunni cig tar cigga tis, "I mibo su innog."

¹¹ Yeshu nyampo yodkhanni mitshogssi lantañs, "Khoñ ni luñstonpa Yeshu Galillii yuljoñs Natsaredne innog."

Tshonpagun chodkhanji nanje phiñja dzads.

21:12 ne 17

¹² Tsoo Yeshu, chodkhanja skyodte sogchodla phulcessi semscan tsonkhan tar nyokhan gun phiñja dzads. Pene zhebkhanni cogtsegun tar phurgon tsonkhanni phosstaggun logga dzads. ¹³ Yeshui khongunla mols, "Dampe surrabssi nanja Konchoggi molla dzadte dug, 'De kharjaa moslam zhusse kharjaa zerin,'^o innar 'Khyozhagunni tebo cagpagunni bo coste dug.'^p "

¹⁴ Chodkhanji nanja Yeshu yodsa zhara tar zhao gun yonspa khonji khongun phancugga dzads. ¹⁵ Innar lama uskyongun tar chosthimsa khaspagunni Yeshui halassi dzadpa dzadkhan yar tugugunni chodkhanji nanja, "Gyalpo Dabiddi purgyuddi phia Konchogga stodpa phul" zerin kuco tarja thonpa, khongunla mañante so yonj.

¹⁶ Khongunni Yeshua tis, "Khyoranja tshorra, i tugugunni ci zerrarag?"

Yeshui lansals, "Tshor. Dampe surrabssi nanja 'Konchoggi khoranja stodpa tarcesla omthur tar zhan tugugun daldig dzads' dia dzadkhanbo khyozhe masilpinna?" ¹⁷ Te stinje Yeshu Bedhani donsebba skyods yar tshanla teru zhugs.

Phig khazassi lcanma skams.

21:18 ne 22

¹⁸ Datognamone gyalsa logste skyodin yod zane lamma Yeshu stogssa dzads.

¹⁹ Lammi thama khonji phig khazassi lcanmazhig zigs, khon te lcanma yodsa skyods innar teka loma mane khazas medkhanbo zigspa khonji lcanmaa mols, "Khyoranja yan skyar khazas mane michags." Tennamalla lcanmabo skams.

²⁰ Phiggi khazassi lcanma skamssala thonje lobtugsgun halas yar Yeshua tis, "Izam gyogspa phiggi lcanmabo kazuggi skamste innog?"

²¹ Yeshui mols, "De khyozhaa denba zerrad, kaltes thetshoms medpa Konchogga tadpa cona, khyozhe, ñe phiggi lcanmaa cokhanbo matshad i riboan, 'Soñ, khyoran gyatshoe nanja phon' zerna tebo coa dzadin. ²² Kaltes tadpa coste khyozhe moslammi nanja cizhig zhunan khyozhagunla thobin."

^o21:13 yeshaye speche 56:7

^p21:13 yeremyi speche 7:11

Yeshua waŋche skorla ŋiwa ŋis.**21:23 ne 27**

²³ Tsoo Yeshu chodkhanŋi nanŋa skyods yaŋ labzha salin yodtus lama uskyongun taŋ Yahudape uskyongun yoŋste ŋis, "Ka waŋcha nyampo khyoraŋŋi igun coad yaŋ khyoraŋŋa i waŋcha sui taŋs?"

²⁴ Yeshui khongunla mols, "Deraŋ khyozhagunla ŋiwazhig ŋiin, kaltes khyozhe lantaŋna, tene neaŋ ka waŋcha gyudte igun coad khyozhaa shadin." ²⁵ "Yohananla thussalcessi waŋcha Konchoggi chogsne thobte innogga ya mi chogsne?"

Khongunni khoraŋgunni ŋoa spera taŋste zers, "Kaltes Konchoggi chogsne innog zerna khoe nɔadaŋna, khyozhe khoeka idshes cia macospin zerin. ²⁶ Innaŋ kaltes mii chogsne innog zerna, mitshogsla ŋo yoŋin, ciazerna khongunni Yohananla luŋstonpa stsiadpin." ²⁷ Teboephia khongunni Yeshua lantaŋs, "Dazhaa gyusmed."

Tene Yeshui khongunla mols, "Deraŋ mishad, sui waŋche nanŋa ne igun coad."

Butsha nyissi skorla ruŋs.**21:28 ne 32**

²⁸ Tsoo Yeshui mols, "Khyozhe ci sammarag? Mizhigga butsha nyis yodpin. Kho butsha chenmo yodsa soŋte zers, 'Butsha, khyoraŋ diriŋ rguntshassi nanŋa las coala soŋ.' ²⁹ Khoe zers, 'Da chamed' innaŋ stiŋne semba gyurte las coa soŋ.

³⁰ Tene aba butsha chuŋun yodsa soŋte tenna tsogs zerspa khoe, 'O abale nɔa chen' zers innaŋ masonŋ."

³¹ "Khorŋ nyiskoe naŋne abe khaa sui nyans?"

Khongunni zers, "Butsha chenmoe."

Yeshui mols, "De khyozhaa denba zerrad, thalnenkhangun taŋ zugstsoŋmagun khyozhe saŋ sɔunla namkhe gyaŋsiddi nanŋa lebin innog. ³² Faŋpo mitshe phudcessi lamstannala Yohanan khyozhaa yodsa yoŋsteaŋ, khyozhagunni tadpa macos, innaŋ thalnenkhangun taŋ zugstsoŋmagunni tadpa cos. Khyozhe tegun thoŋteaŋ khoe lonboe nanŋa tadpa coste gyodpa macos."

Rguntshas shasla taŋkhanni ruŋs.**21:33 ne 46**

³³ Tsoo Yeshui mols, "Yaŋ ruŋsshig nyon, zhiŋŋi dagpoe khoraŋŋi zhiŋŋa rgun lcaŋma tsugste gyaŋskor taŋs. Rgun tsirse nassa ŋus, yaŋ rguntshasla ltaçessi phia piu stsig. Tene rguntshaspo zhan zhiŋbadpagunla shasla taŋte khoraŋ zhanylzhigga dugga soŋ. ³⁴ Stonthoggi tuspo nyemoa lebbacig, dagpoe shiŋtoggi skalla lennala khoraŋŋi yogpogun shasla taŋkhangunnika lamcugs. ³⁵ Shaspagunni yogpogun zumste, cigga rdunŋ, cig sads, yaŋ cigga rdoa gyabs. ³⁶ Tene dagpoe sɔunni saŋ maŋna yogpo lamcugs, innaŋ khongunni khongunlaŋ tenna tsogs nana cos."

³⁷ "Stiŋjugpoeka khoe khoraŋŋi butsha lamcugste, 'Khongunni tantanla ne butshaa stsiwa coanog' sam."

³⁸"Innaṅ shaspagunni butsha thoṅṅacig, khoṅgunni cig taṅ cigga zers, 'I zhiṅ norskalla thobcescanbo yoṅṅala, yoṅshig, kho sadte ṅadaṅṅi khoe norskalbo kogin.' ³⁹Teboephia khoṅgunni kho zumste rguntshasne philogga phiṅṅste sads."

⁴⁰Yeshui Yahudape sponbogunla ṅia dzads, "Ta rguntshassi dagpo yoṅṅacig, khoe shaspagunla ci coin?"

⁴¹Khoṅgunni lantaṅs, "Khoe te miṅṅangunla nags ṣaṅṅe stante sadin yaṅ rguntshaspo khoa stonthoggi skala taṅkhanni zhan zhiṅṅbadpa rigga shasla taṅṅin."

⁴²Yeshui khoṅgunla mols, "Dampe suṅṅrabssi naṅṅa Griiste yodkhanbo khyozhe masilpinna?"

Ka rdoabo khaṅpa stsigkhangunni phanmithogs thes,

Tenna rdoabo khaṅpe ṅurdoabo gyur

Kabo tshaṅmesaṅ khagcan rdoabo innog.

Ibo Tsooe coa dzadte innog,

Tebo thoṅṅe ṅadaṅ ma halasin⁹.

⁴³"Teboephia ṅe khyoraṅgunla zerrad, ta namkhe gyaṅṅiddi naṅṅa lebcessi skabs khyozhagunni kane khyerra dzadte namkhe gyaṅṅiddi ḍasbu zaṅṅpo skyekhan migunla salla dzadin. ⁴⁴Te rdoeka ghaggyabkhangun tumpatumpe naṅṅa chagin, innaṅ te rdoabo khoṅgunnika budna, khoṅgun medkhan chen^r."

⁴⁵Lama uskyoṅṅun taṅ pharushipagunni ruṅṅspo tshorracig, Yeshui khoṅgunni skorla molkhanbo hago. ⁴⁶Khoṅgunla Yeshu zumcessi dodpa yodpin, innaṅ khoṅgun migunla jigs ciazerna migunni Yeshua luṅṅstonpa stsiadpin.

Bagstonni ruṅṅs.

22:1 ne 14

22¹ Tsoo Yeshui chossi uskyoṅṅunla yaṅṅskyar ruṅṅs gyudte labzha sals, ²"Namkhe gyaṅṅid ni gyalpoe khoranṅṅi butshe bagstonni phia dontaṅ ḍaldṅig cokhan tsogs in. ³Bagstonla bodte yodkhangunla yoṅ zerte boddala gyalpoe khoranṅṅi yogpogun lamcugs, innaṅ khoṅgun yoṅṅala mathad."

⁴"Gyalpoe yaṅṅskyar zhan yogpogun boddala lamcugste zers, 'Bagstonla bodkhangunla, ṅe dontaṅ ḍaldṅig co tshar, laṅṅto taṅ Baalaṅ gyagspa gun sadte citshaṅma ḍub tshar, bagstonni dontaṅṅa yoṅshig zer.' ⁵Innaṅ khoṅgunni teboa naṅṅstag mataṅṅa, khacig zhiṅṅa soṅ, khacig tshoṅṅa soṅ. ⁶Zhan luskhangunni yogpogun zumste khonṅ nyampo ṅanpa coste sad."

⁷"Gyalpoa ṣo maṣaṅṅe yoṅṅs, yaṅ khoranṅṅi magmi lamcugste, te mi sadgun medkhan cos yaṅ khoṅgunni gyaṅṅa mea ṣags. ⁸Tene khoranṅṅi yogpogunla zers, 'Bagstonni dontaṅ ḍaldṅig cotshar, innaṅ ṅe bodkhangun tenaṅṅa thushes ospa midug. ⁹Soṅṅe lamgunnika yodkhan tshaṅma bagstonni ḍonla yoṅ zerte bod.'

¹⁰Gyalpoe yogpogun lamgunla soṅṅe teka yodkhan zaṅṅpo taṅ ṅanpa mitshaṅma Idumste khyoṅṅspa, bagstonni khaṅpa ḍonpoe gaṅṅ."

⁹21:42 suṅṅurri speche 118:22,23

^r21:44 sṅunme rissi specha khaciggi naṅṅa i 21:44 Griiste medte innog.

¹¹ "Innar gyalpo donpogunla thuggala yonjacig, bagstonnar zobspe Koslag magonkhanzhig thonje, ¹² khoe zers, 'Dzaole, khyoran zab mazabba bagstonla kazuggi yonspin?' Khoa can lantar manyan. ¹³ Tene gyalpoe khoranji yatogunla zers, 'I miboe kanlaggun Idamste, philogga mundiggi nanja phon, teru nags sanje zhaste nuces tar so sigces yonjin'."

¹⁴ Yeshui mols, "Namkhe gyaliddi nanja manpoa bodda dzads, innar nyunzhig mane Idamma madzads."

Rompe gyalpoa thalshalces.

22:15 ne 22

¹⁵ Tene pharushipagun tekane son yar khongunni Tsoo Yeshui molkhanni sperarig gyudte khon khadcugcesla dabbs coste ¹⁶ khorangunni lobtugsgun gyalpo heroddi chogspagun nyampo Yeshuika izug zercesla lamcugs, "Lobbonle, nyeran tanpo dzadkhanbo nashaa gyusyod, yar nyeranji tanpo nyampo Konchoggi lammika dulces labba dzaddanog. Nyeranji mi nanja yaphes dzadda manog ciazerna nyeranji khongun su inkhanboeka nanja dzadda manog. ¹⁷ Molla dzaddan nyeranji thugssam ci in? Rommi gyalpoa thal shalcespo ospa innogga ya manog?"

¹⁸ Innar Yeshui khongunni cusnan khyente mols, "Khachospagun cia na spere nanja skarcessi stsonjus coad? ¹⁹ Fhalla tankhanni penezhig naa stonnan." Khongunni Yeshua Rompe mulli penezhig stans. ²⁰ Yeshui khongunla mols, "I peneka yodkhanni par tar mi sui innog?"

²¹ Khongunni lantarj, "Rommi gyalpoe."

Tene khonji khongunla mols, "Gyalpoe inkhanbo gyalpoa ton yar Konchoggi inkhanbo Konchogga phul."

²² Khongunni tebo tshorracig, halaste Yeshu borte tekane son.

Sontea lancessi skorla tiwa.

22:23 ne 33

²³ Tenna zhagga, shikhangun sontea lanja manog zerkhanni saddukipagun Yeshu yodsa tiwazhig tiala yonste zers ²⁴ "Lobbonle Mozessi molte inpin, 'Kaltess butshazhig tugu medpa shina, aco ya noe khoe mirgyud lusshessi phia shikhanni nama nyampo bagston coste tugu jorcug gos.' ²⁵ Ta acono rdun yodpin, tanpoboe nama cos, yar tugu medpa shi, khoe noe te bumoa nama cos ²⁶ tenna tsogs nyispa tar sumpa tar rdunpaa tshagpa son. ²⁷ Stinjugga bumoban shi. ²⁸ Bumoboe khon tshanja nyampo nama cospa, shikhangun sontea lanji tusla kho khongunni nanje sui nama gyurin?"

²⁹ Yeshui mols, "Khyozhe northulbo ni khyozhagunla Konchoggi stobs ya dampe sunrabspo hamagoa innog. ³⁰ Konchoggi shikhangun sontea lanja dzad zane, khongunni nama mico ya bagma mitan, khongun namkhe phonya tsogs gyurin."

³¹ "Innar shikhangun sontea lanja dzadcessi skorla dampe sunrabssi nanja Konchoggi molkhanbo khyozhe masilpinna? ³² Tebo ni,

'Da ni Abrahammi Konchog,

Isakgi Konchog tarj Yakobbi Konchog in.[§]

Khoŋ ni shikhangunni Konchog manpa, sonpogunni Konchog innog."

³³ Tegun tshorracig mitshogs khoŋji labzhagunnika halas.

Kagya tshanmesar khagcan.

22:34 ne 40

³⁴ Saddukipagunni Tsoo Yeshui molkhanboa lantarj manyanpa pharushipagun dzoms. ³⁵ Khoŋgunni narjne chosthimsla khaspazhiggi Yeshua tshodltacesla i tiwabo ŋis. ³⁶ "Lobbonle, kathimssi narjne ka kagyabo tshanmesar khagcan innog?"

³⁷ Yeshui mols, " 'Tsoo khyozhe Konchogga snyirj garjpo, sems garjpo, tarj samba garjpone cespas cos.^t ³⁸ Tebo ni kagya ma khagcan tarj tagshogpo in.

³⁹ Tenna tsogsla kagya khagcan nyispabo ni, 'Rarjŋa camspa cokhan tsogs khyoraŋji khyimtshepa camspa cos.^u ⁴⁰ Mozessi kathims tarj luŋstonpagunni speche narjŋa Griiskhangun te kagya nyiskoe narjŋa tshanŋe innog."

Mashika sui purgyud in.

22:41 ne 46

⁴¹ Pharushipagun dzomste yodtus, Yeshui khoŋgunla ŋia dzads, ⁴² "Konchoggi Idamma dzadkhanni mashike skorla khyozhe ci sammarag? Kho sui purgyud innog?" Khoŋgunni lantarj, "Gyalpo Dabiddi purgyud innog."

⁴³ Yeshui khoŋgunla mols, "Dabiddi Mashikaa, dampe thugnyid gyudte Tsoo ciphia zerte innog? Dabiddi zers,

⁴⁴ 'Konchoggi ŋe Tsooa mols,

De khyoraŋji ŋao tshanma,

Khyoraŋji kanpe phosstag coco tshagpa,

Khyoraŋ ŋe lagpa yaspe thissika dug.^v

⁴⁵ "Kaltas Dabiddi Mashikaa 'Tsoo' zerradna, tene kazuggi Mashika khoe purgyud innog?"

⁴⁶ Suzhiggarj lantarj manyan, matshad te zhagne pharla suzhiggarj khoŋŋa ŋiwa ŋicessi hampa macos.

Yeshui chossi uskyoŋgunla skyonrjod dzads.

23:1 ne 36

23 ¹ Tsoo Yeshui mitshogs tarj khoŋji lobŋugsgunla mols, ² "Chosthimsla khaspa tarj pharushipa gunla, Mozessi thimsgun Yahudapagunla hagocugcessi warjcha yodte innog. ³ Teboephia khoŋgunni khyozhaa labkhangun khanyante coshig. Innarj khoŋgunni cokhan tsogspos khyozhagunni macoshig

[§]22:32 binŋe chakhanni speche 3:6

^t22:37 thimssi specha nyispe 6:5

^u22:39 thimssi specha tarjpo 19:18

^v22:44 sunŋurri speche 110:1

ciazerna khongunni labkhanbo khorangunni laglen coa manog. ⁴ Chosthimssi khuru lcinthe zhanme gyabba kalcesla khongun thaddanog, innar yato cocesla khorangunni dzigu skular thadda manog."

⁵ "Khongunni las cokhan tshanma migunla stancesi phia coanog, sperna khongunni thodpa tar lagpeka Idamskhan chos Griiskhangun zhanan tar shantabbi rugun rinmo coanog. ⁶ Donni narja dalgo yar dukharji narja stsiwacanni nassa tsallanog. ⁷ Thomssi narja migunni kane stsiwa thobces tar lobbon zerte boddala thaddanog."

⁸ "Innar khyozhagunla rabbi^w zer macug ciazerna khyozhaa lobbon cigcig mane med, yar khyozhaa tshanma spun innog. ⁹ Yar jigstennika suar yar mazer, ciazerna namkhaa zhugskhanbo ni khyozhagunni yab cigpo in. ¹⁰ Ya khyozhagunla lobbon zer macug ciazerna Idamma dzadkhan Mashika cigpo ni khyozhagunni lobbon in. ¹¹ Khyozhagunni tone tagshog gyurnyin yodkhanbo zhangunni yogpo gyurgos. ¹² Tagpo stankhangunla pasmo coa dzadin yar khoran pasmo borkhangunla stsiwa salla dzadin."

¹³ "Chosthimsla khaspa tar pharushipa khachospagun, khyozhaa tsamshiggi jigspa miyor. Khyozhe migunla namkhe gyalshiddi gho cugdug, khyozharangun tenarja cha midug matshad tenarja chacesi stsonqus cokhangunlar chacugga midug."

^{14 x15} "Khyozhaa chosthimsla khaspa tar pharushipa gunla tsamshiggi jigspa miyor. Mi cig lobtugs cocesla khyozhaa sakyad tar tsho narpo ghalte chadug. Lobtugs gyur tsharracig, khongun khyozhararji sar nyildab thua gyurcugdug."

¹⁶ "Lamstanpa zhara khyozhaa tsamshiggi jigspa miyor. Khyozhagunni zerdug, chodkharji naa skyalkhangunla car misto, innar chodkharji narja yodkhanni serri naa skyalkhangunla te naa skyalkhanbo cogosin. ¹⁷ Zhara, samba medkhangun serbo tagga innogga ya chodkhar kaboe te serpo dampa coad?

¹⁸ Khyozhagunni zerdug, chodthi naa skyalkhangunla car misto, innar chodthika yodkhanni chodpe naa skyalkhangunla te naa skyalkhanbo cogosin. ¹⁹ Zharagun, chodpa tagga innogga ya chodthi kaboe chodpabo dampa coad? ²⁰ Tene chodthi naa skyalkhangunni chodthi tar chodthika yodkhan tshanme naa skyalte innog. ²¹ Yar chodkharji naa skyalkhangunni chodkhar tar chodkharji narja nassa dzadkhanboe naa skyalte innog. ²² Yar namkhe naa skyalkhangunni Konchoggi zhugsthis tar teka zhugste yodkhanni Konchoggi naa skyalte innog."

²³ "Chosthimsla khaspa tar pharushipa khachospagun, khyozhaa tsamshiggi jigspa miyor. Khyozhagunni masale tshassi kane yongu chunshoggi narnean rcukhagbo phuldugpa, innar Mozessi ma khagcan kathimsgunla narmed corug sperna ospe thimscad, snyinrje tar idshescanni mitshe phudces. Khyozhe te

^w23:8 ibripe skaddi narja rabbi tonni lobbon innog.

^x23:14 snanme rissi speche 23:14 Griiste medte innog, innar stinmagunni narja "Chosthimsla khaspa tar pharushipa, khyozhagunla tsamshiggi jigspa miyor. Khachospa khyozhagunni anemaranmogunla gobskorte khongun kharpagun khyerces, yar migunla stancesi phia moslam rinmo zhudug. Tennaboephia khyozhagunla chadpa santhe tarjin" thudte innog.

kathimsgunla nanja coces matshad yongoe ruckhagpoan Konchogga phulgos.
²⁴ Chossi lamstankhan zharagun, khyozhe chu thunji san snjunla tenagne tshitu
 cokhanni butsig chuñunbo phindug innan snaborbo smidandug."

²⁵ "Chosthimsla khaspa tan pharushipa khachospa gun, khyozhaa tsamshiggi
 jigspa miyon. Kore tan thalli philogpo lagmo corug, innan khyozhe nanjugpo
 nabsems tan ranjoddi ganste dug. ²⁶ Pharushipa zharagun, goma kore tan thalli
 nanjugpo lagmo cossan, tene philogpoan lagmo chen."

²⁷ "Chosthimsla khaspa tan pharushipa khachospa gun, khyozhaa tsamshiggi
 jigspa miyon. Khyozhagun kartsi skuskhanni Romkhan tsogs innog, kabo philogne
 Idemo thonnan nanjugpo roe ruspa tan tshitu rigs tshanma ganste yodte innog.

²⁸ Tenna tsogsla khyozhaa philogne migunla tanpo thonnan khyozhe nanjugpo
 khachos tan nanpa gunni ganste yodte innog."

²⁹ "Chosthimsla khaspa tan pharushipa khachospagun, khyozhaa tsamshiggi
 jigspa miyon. Khyozhe lunstonpagunni spurkhan stsigdug, yan mi tanpogunni
 spurkhanja stsiulte Idemo corug. ³⁰ Yan khyozhe zerdug, kaltes njazhaa njazhe
 phamespogunni tusla yodpinna, lunstonpagun sadcessi nanja njazhaa dste
 meddo."

³¹ "Khyozhe zerkhanboe khyozhaa lunstonpagun sadkhanni purgyud inkhanboe
 sanpo tanjanog. ³² Ta sanje khyozhe phamespogunni gozug cokhanni lasnanbo
 ducug. ³³ Rulgun, khyozhaa tugrulli gyudgun, nyalwe chadpane kazuggi khyozhaa
 tharthubin?"

³⁴ "Teboephia khyozheka ne lunstonpagun, shesrabschangun tan lobbongun kalin.
 Yan khongun tsalla donkhyerne donkhyerla sanje khyozhe khacig skyanshinja
 skyanste sadin, khacigga dukhanja nanja stallcag gyabin. ³⁵ Teboe zhaste jigsten
 chagspane phala mi tanpo tshanme sog lenkhanni nyadgalbo khyozhagunnika
 phogin, Abel mi tanpo sadkhan ne tanje chodkhan tan chodthii parla sadkhanni
 Baragi butsha zakarye tshagpa. ³⁶ De denba zerrad, te cunghan tshanme
 chadpabo i Mirabspeoka phogin."

Yeshui Yerushalempagunnika thugstsher dzads.

23:37 ne 39

³⁷ Tsoo Yeshui mols, "Yerushalempa, Yerushalempa, lunstonpagun sadkhan yan
 khyozheka lamcugga dzadkhangunla rdoa gyabste sadkhangun, camoe ranji
 cabtuggun skyobcesla shogpe yogga ldua tsogsla, nean khyozhaa lan manpo
 lduessi dodpa cospin, innan khyozhe nja co macugs. ³⁸ Ta Itos, naste yodkhanbo
 binje skyodpa khyozhe chodkhan stanpa innog. ³⁹ De khyozhaa denba zerrad,
 khyozhaa na yanškyar mithon, namtshogpa khyozhe "Tsoo Konchoggi wanje
 nanja skyodkhanbo cinlabscan in" mizer."

Thame tussi stagsgun.

24:1 ne 51

24¹ Tsoo Yeshu chodkhanje biñte skyodin yod zane khonj yodsa lobtugsgun yonjste chodkhanj halasshes stsigste yodkhanbo Yeshua stanna dzads.

² Yeshui khongunla mols, "I tshanjma khyozhaa thonjugga? De khyozhaa denba zerrad, i rdoe cigganj ciggika stsagste milus, tshanjma shigin."

³ Oliwwi rika Yeshu zhugste yod zane, lobtugsgun khonj cigpo yodsa yonjste tis, "Dazhaa shadda dzaddanj tebo nam cunjin. Nyeranj jigstennika logste skyodces yanj tussi thame stagspo kazug rig yonjin.

⁴ Yeshui lansals, "Suzhiggianj khyozhaa gobskor tanjmicugcesla sharj cos, ⁵ ciazerna ñe miñ khurte ña Idamma dzadkhanni Mashika in zerkhan manjpozhiñ yonjste mi manjpoa gobskor tanjin. ⁶ Yanj khyozhagunni mag tanj maggi skorla uyagun tshorracig, jigs majjigshig; tegun cungos, innanj thame tus taruj mileb.

⁷ Gyalkhams cig tanj ciggi yanj gyalšid cig tanj ciggi gyabgalla mag tanjin. Nassa manjpoe nanjña muge tanj sangul yonjin. ⁸ Innanj te tshanjma ni tugu skyecessi gozuggi zugzerbo tsogs in."

⁹ "Tene khyozhaa rdugñal stancesla stadte sadin. Khyozhe ñe nanjña tadpa cocespoe gyalkhams tshanjme migunni khyozhagunla naphrad coin. ¹⁰ Tetusla mi manjpoe ñe nanjña tadpa cokhanbo phanjñ yanj khoranj cig tanj cigga naphrad coste ðaoe lagga stadin. ¹¹ Zusme luñstonpa manjpo yonjste mi manjpoa gobskor tanjin. ¹² Jigstenni nanjña ñansems gyasshespoe manjpozhiñgi Konchog tanj migunni phia yashabo nyamsin. ¹³ Innanj thama tshogpa ñeka tadpa stanpo borkhangun tharin. ¹⁴ Gyalkhams tshanjme migunni tshorcessi phia jigsten ganjpoe nanjña namkhe gyalšiddi gamoe nastshulbo shadin, tene tussi thama lebin."

¹⁵ "Khyozhe, luñstonpa Danielli dampe suñrabssi nanjña ðia dzadkhan 'Khamlog tshitu cokhanbo'² dampe chodkhanjñi nanjña thonjñacig, (Silkhangunni ñe zercescangunnika nanjña tonj) ¹⁶ yahude yuljonjssi nanjña dugkhangun rigunla shorgos. ¹⁷ Khanje khethogga yodkhangun yogga babste khanje nanjña norgun lennala macha. ¹⁸ Zhiñjñika las coin yodkhangun logste khanjpa Kos khyonjñala macha. ¹⁹ Tetusla skyecesma tanj tuga pibi tanjkhanni amagunla tsamshiggi jigsnanj manog. ²⁰ Khyozhaa shorcessi tuspo ghuntus ya shabbaddi ñaltshoe zhagga micunjesla moslam zhush. ²¹ Tetusla izam rdugñal tagpo cunjin, kabo jigsten dzadpane pharla dagsa tshagpa macunjña innog yanj stinzhinnanj micunj. ²² Kaltes tetuspo nyunjun madzadpinna suzhigganj sontea luste medðo, innanj Idamma dzadkhangunni tonla tetuspo nyunjun coa dzads."

²³ "Tetusla kaltes suzhiggi khyozhaa, 'Ltosshig Mashika ikane ya akane zhugste dug' zerna idshes maco. ²⁴ Ciazerna Mashika zusma tanj luñstonpa zusma gun yonjste halassi dzadpa tanj ltagun stante Konchoggi Idamma dzadkhangunlanj gobskor tanjcessi stonjñus coin innanj tanj minyan. ²⁵ Sharj cos, tuspo lebbi sanj snunla ñe khyozhaa shadte in."

²24:15 Danielli speche 9:27; 11:31; 12:11

²⁶ "Kaltessuzhiggi 'Mashika a ristonji nanja dug' zerna macha, ya 'Khoj a nanje dug' zerna idshes maco. ²⁷ Skamlaggi od namkhe nanja sharne nub tshagpa khyebssa tsogs, mirigssibu logste yonj zaneanj chen. ²⁸ Ro yodsa sha zakhanni cagun khorrangog. (Khyozhe te stagsgun cuñja thonjagig thame tus lebcespo khyozhaa hagogos)."

²⁹ "Tetussi rdugñalli cab stiñne,

'Nyima mundig gyurin,

Lzawe od mitanj

Namne skarmagun budin

Yanj namkhe wanjgun şugga dzadin^a."

³⁰ "Tene mirigssibu yonjcessi stags nammi nanja cuñspa jigstenni gyalkhams tshanme migunni nyanan coin. Tene khojgunni mirigssibu wanj tanj zirrijid tagpo nyampo şinnika dugste yonja thonj. ³¹ Tunjskad chenmo phuacig khoe, phonyagun jigsten ganpoe nanje khonranji ldamkhangun lducesla kalin."

³² "Phig khazassi lcanjme kane labzha lennanj; teboe yalga ñonpo sonje loma soma binjagig, yar nyemo lebkanbo shessanog. ³³ Tenna tsogsla khyozhagunni te stags tshanma thonjagig, ña logste yonjcessi tus nyemo, ghoedunla lebste yodkanbo khyozhagunni shesin. ³⁴ De khyozhaa denba zerrad, i Mirabspo medkhan che sanj şunla te tshanma cuñjin. ³⁵ Namkhaa tanj jigsten nyisko medkhan chen, innanj ñe zerckhangun medkhan mane micha."

³⁶ "Te tshanma cuñcessi zhag ya tustshodpo Konchog yab cigpoa mane yanj suanj gyusmed, namkhe phonya ya butshanj. ³⁷ Mi tanpo Noae tusla cuñkhan tsogs mirigssibu yonji tuslanj cuñjin. ³⁸ Jigstennika chulog yonji sanj şunla, Noa űuzinji nanja chacha tshagpa migun zen tanj thunjin, nama coin tanj bagma tanjin dug. ³⁹ Chulog yonjste khoj tshanma khyerte shishi tshogpa khojgunla te cuñcespo gyus canj medpin, tenna tsogs mirigssibu yonj zaneanj cuñjin."

⁴⁰ "Zhiñjika yodkhan mi nyissi nanje cigpo namkhaa khyerra dzadin yanj cigpo borin. ⁴¹ Ranthagika to thagin yodkhan bumo nyissi nanje cigpo namkhaa khyerra dzadin yanj cigpo borin."

⁴² "Teboephia sharj cos, ciazerna khyozhagunla khyozhe Tsoo yonjcessi zhagpo gyusmedte innog. ⁴³ Innanj ibo hagoshig, kaltesshanla şkunma yonjcessi tustshodpo kharjadagga gyusyodpinna, kho şunje dugste khoe khoranji kharje nanja şkunma zhugs micug. ⁴⁴ Tennaboephia khyozhaa tusgyun ðaldig duggos ciazerna khyozhagunni rewa meddi tusla mirigssibu yonjşidces innog."

⁴⁵ "Sponboe khoranji kharje stastog tanj zhan yogpogunla tussika zhagtanji kharji tanjcessi phia skoskhan idshescan tanj shesrabscanni yogpo su innog?

⁴⁶ Sponbo logste yonjagig yogpoboe khoe skoskhanni laspo coin thonja khoa solras tanjin. ⁴⁷ De khyozhaa denba zerrad, sponboe, khoranji nor tshanma stastog cocessi khagpo khoa tanjin. ⁴⁸ Innanj yogpobo ñanpa inna khoe, 'De sponbo tusyunrij logste miyonj' samste ⁴⁹ khoranji űopa yogpogunla rdunjes gozug coste, raroskhangun nyampo zen chanj thunjin dugin. ⁵⁰ Khoe rewa micoe zhagga yanj

^a24:29 yeshaye speche 13:10, 34:4

khoa gyusmeddi tustshodpoeka sponbo yonste ⁵¹ kho tumpatumpe nanja stubste khachospagun nyampo borin, teru nags şante zhaste njuces tanj so şigces yonjin.

Nachuj rcui ruş.

25:1 ne 13

25 ¹ Tsoo Yeshui mols, "Namkhe gyaşid ni skyontse khurte magpaa suste chakhanni nachuj rcu tsogs in. ² Khoşgunni nanja sammel şja tanj sambacan şja yodpin. ³ Sammed şjakoe skyontseta khurs, innanj skyontse nanja nancesi phia theba marnag khurrala rjed. ⁴ Sambacangunni skyontse nyampo skyontse nanja nancesi phia theba marnaggar khurs. ⁵ Magpa lebbala tus manjo gorpa khonj tşanjma njalte nyidla soş."

⁶ "Tşanphedşigga 'Magpa lebdug, thuggala yonşig' zerte skad tşor."

⁷ "Nachuj tşanjma lanste odgun salpo cos. ⁸ Sammed şjakoe sambacan şjakoa zer, 'Dazhe odpo şhirugpa juju njazhaa marnag tsapig tonjan.' ⁹ Khoşgunni zers, 'Tanjamed. Dazhe khyozhaa tanja njadanj tşanjmala nyunjen chen, tesanj marnag tşonkhannika soşte khyozharanji phia nyos.' ¹⁰ Khoşgun marnag nyoala soşte med zane magpa leb. Đaldig yodkhan nachujgun magpa nyampo bagstonni đonla soş yanj ghobo cugs."

¹¹ "Ştişne zhan şjakoaş yonste magpaa zers, 'Acole, acole, njazhe phia gho pheadzaddar' ¹² Innanj khoe lantaş, 'Đe denba zerrad, nj khyozhaa şessamed.' "

¹³ Yeshui mols, "Mirigşsibu kazhag tanj tustshoddika logste yonşespo, khyozhaa gyusmedpa şanj cos."

Yogpo summi ruş.

25:14 ne 30

¹⁴ Tsoo Yeshui mols, "Namkhe gyaşid ni besla che şanj şjunla mizhiggi khoranji yogpogun bodte nor stadkhan tsogs in. ¹⁵ Khoe yogpo reera khyud nanjzin mulli pene şkanşkhanni gigu, tanjpoşoa şja, nyispaboşa nyis, yanj şumpaboşa cig tanjste khoranj besla soş."

¹⁶ "Mulli pene gigu şja thobkhanboe tennamalla soşte, penebo lassi nanja tanşpa theba gigu şja jor. ¹⁷ Tenna tsogs gigu nyis thobkhanboşanj theba gigu nyis jor. ¹⁸ Innanj gigu cig thobkhanboe saa đuste sponboe pene tanşkhanbo vaste bors."

¹⁹ "Tus manjoe ştişne sponbo logste yonş yanj yogpo şumkoe kane şsirug lens. ²⁰ Gigu şja şkanşte mul thobkhanboe yanj theba gigu şja khyonşte zers, 'Sponbole nyeranji njaa gigu şja sals, zigşşanj nj theba şja jor.' "

²¹ "Sponboe zers, 'Gyalla cos, yogpo zanjo tanj idşhescan, khyoranj nyunjunzhiggi nanja idşhescan luspaa, nj khyoranja nor manjpoeka wanja tanjin, yon nj nyampo gamo cos.' "

²² "Gigu nyis şkanşte mul thobkhanboe zers, 'Sponbole nyeranji njaa gigu nyis sals, zigşşanj njaa theba gigu nyis jor.' "

²³ "Sponboe zers, 'Ma gyalla soj, yogpo zanjo tar idshescan, khyoranji nyunzhipgi narja tarjo cospa, ne khyoranja nor manpoeka warja tarin, yorja nyampo gamo cos.' "

²⁴ "Tene gigu cig skante mul thobkhanboe zers, 'Sponbole, nyerañ snyinrje medkhan, khoranji matabkhanni sakyaddi kane rakhan tar saon mayogkhanni sakyaddi kane ldukhan inkhanbo ne gyusyod pasar ²⁵ ne nyerañja jigste, nyerañji mulli pene gigu se yogga vaste borpin, nyerañji penebo logste nams.' "

²⁶ "Sponboe zers, 'Yogpo ranpa, lasmilam. Da raranji matabkhanni sakyaddi kane rakhan tar ne saon mayogkhanni sakyaddi kane ldukhan inkhanbo khyoranja gyusyodtear, ²⁷ khyoranji ne penebo muldzodkhanji narja cipha matarspin? Kaltes tarspinna, ne yorste pharyampo rari pene lente yoddo.' "

²⁸ "Sponboe zers, 'Khoe kane gigu skankhanni penebo lente gigu rcu yodkhanboa tar ²⁹ tarskhanbo gyalla coste kolkhangunla narja tarces matshad khonji narne ludte chen, innar makolkhangunni kane nyun yodkhanboar khyerin. ³⁰ I phanmithogssi yogpo philogga mundiggi narja phor, teru nags sanje zhaste nuce tar so sigces yorin' "

Stinjuggi thimscad.

25:31 ne 46

³¹ Tsoo Yeshui mols, "Mirigssibu zirjiddi narja phonya tsharja nyampo yorji tus, kho gyalpoe tshulla khoranji zirjiddi thissika dugin. ³² Gyalkhams tsharje migun khoe dunla lduzin, lugsdzi Rame tone luggun phea tsogsla khoe migun soso phein. ³³ Khoe yaspa chogsla lug tar yoma chogsla Rama gun borin."

³⁴ "Tene gyalpoe yasla yodkhangunla zerin ne yabbi cinlabs salkhangun, khyozhe norskal namkhe gyalpidpo lennala yor, kabo khyozhe phia jigsten dzadpane pharla daldig dzadte in. ³⁵ Da stogs zane khyozhe zan tar yar ne skoms zane khyozhe thurces tar, nomashesnar nea khyozhe kharpe narja gasus zhus. ³⁶ Da ljernyalla yod zane Koslag skons, ne zumo yor zane stastog cos, yar ne tsonkharja yod zane thuggala yors."

³⁷ "Tene te mi tarjogunni zerin, 'Tsoole, nam nyerañ stogria thonje narje kharji tar ya skomsa thonje thurces tar? ³⁸ Nam nyerañ narje thonje nomashesnar kharpe narja gasus zhus, ya ljernyalla thonje Koslag skons? ³⁹ Yar zumo ya tsonkharja yodda thonje nam thuggala yors?' "

⁴⁰ "Tene gyalpoe zerin, 'De khyozhaa denba zerrad khyozhe ne spun uthugs chunshog cigga coskhangun nea coste in.' "

⁴¹ "Tene yoma chogsla yodkhangunla zerin, 'Ran phogkhan, khyozhagun ne thagrin ne mane mishicessi mee narja soj kabo shetan tar khoe phonya ranpagunni phia coa dzadte in. ⁴² Da stogs zane khyozhe zacesla can matar, ne skoms zane thurcesla can matar. ⁴³ Khyozhe ne nomashes zane kharpe narja gasus mazhus, ljernyal yod zane Koslag maskons, zumo ya tsonkharja yod zane ne stastog macos.' "

⁴⁴ "Khoḡgunni lantaḡin, 'Tsoole, nam ḡazhaa nyeraḡ stogria, skomsria, ḡomashessa, ya lḡernyalla, ya zumo, ya tsonkhaḡḡa yodda thoḡte nyeraḡḡa roḡs macos?' "

⁴⁵ "Tene gyalpoe zerin, 'De khyozhaa denba zerrad, ḡe spun uthugs chuḡshoḡ cigga yato macospa, ḡaa macoain.' "

⁴⁶ "Khoḡgun thamedpe chadpe naḡḡa khyerin innaḡ mi taḡpogun thamedpe mitshe naḡḡa chen."

Yeshu sadcessi cusḡan ldiḡs.

26:1 ne 5

26 ¹ Tsoo Yeshui te tshaḡma mol tsharte stiḡne khoḡḡi lobḡugsgunla mols, ² "Zhagma nyissi stiḡne pesaggi tuschen inkhanbo khyozhagunla gyusinnog, yaḡ te zhagga mirigssibu ḡaaoe lagga ḡkyaḡshinḡḡika ḡkyaḡḡala stadin."

³ Tene lama uskyoḡgun taḡ Yahudape uskyoḡgun, lama chenmo Kayaphas zerkhanni phoḡaḡḡi naḡḡa dzomste ⁴ saḡwe naḡḡa Yeshu zumste sadcessi cusḡan ldiḡs. ⁵ Innaḡ khoḡgunni zers, "Pesaggi tuschenni tusla mizum ciazerna mitshoḡsla ḡo yoḡste hiliḡs phiḡsidces innog."

Yeshui ua ḡizhimcanni mar lugs.

26:6 ne 13

⁶ Tsoo Yeshu Bedthani ḡoḡsebba dzenadne phankhan Shimonni khaḡpe naḡḡa ⁷ cogtseka stente yodtus, kayolli nod ḡizhimmi mar kuspo skaḡste khurkhanni bumozhig yoḡs yaḡ ḡizhimbo khoḡḡi uika lugs.

⁸ Tebo thoḡḡaciḡ lobḡugsgunla ḡo yoḡste, cig taḡ cigga zers, "Cia tebo godla taḡste innog? ⁹ I ḡizhimmi marbo rin chenmozhigga tsoḡste penebo nyalbacangunla taḡshigpiaḡ."

¹⁰ Yeshui tebo khyente khoḡgunla mols, "Khyozhe i bumoe semsla cia nags stannad? Khoe ḡe phia las zaḡpo coste innog. ¹¹ Nyalbacangun tusgyun khyozhaa nyampo lusin, innaḡ ḡa khyozhaa nyampo tusgyun milus. ¹² Khoe ḡe zugspoa ḡizhim lugste ḡe zugspo spurkhaḡḡa khyercessi phia ḡaldig coste innog. ¹³ De khyozhaa denba zerrad, jigsten gaḡpoe naḡḡa karu gamoe nastshul shadnaḡ i bumoboe ḡaa coskhanboḡḡ shadte kho idtu coin."

Karyodpa yude Yeshua ḡolog cos.

26:14 ne 16

¹⁴ Tene lobḡugs rcuḡnyissi naḡḡe karyodpa Yuda zerkhanbo lama uskyoḡgun yodsa soḡte ¹⁵ ḡis, "Kaltse ḡe Yeshu khyozhagunla stadna, ḡaa ci taḡḡin?" Khoḡgunni khoa mulli pene sumcu taḡs. ¹⁶ Tenna tusne pharla yude Yeshu stadcessi skabs tsalces gozugs.

Yeshui lobtugsgun nyampo pesaggi dontañ dons.**26:17 ne 30**

¹⁷ Skyur medkhanni tagi tuschenni gome zhagga, lobtugsgun Tsoo Yeshuika yonste tis, "Dazhe nyerañ doncessi phia pesaggi dontañ karu ðaldig cole."

¹⁸ Khoñji mols, "Yerushalemmi gyalse nañña ñe zerkhanni miboeka sonje khoa zer, 'Lobbonni zerdug ñe phia Idamma dzadkhanni tuspo nyemo dug. Darañji lobtugsgun nyampo khyorañji khañpe nañña ñaa pesaggi dontañ zen.' "¹⁹ Tene lobtugsgunni Yeshui molkhan nañzhin pesaggi dontañji ðaldig cos.

²⁰ Phitog chacig lobtugs rcugnyis nyampo Yeshu cogtseka stente ²¹ dontañ donin yodtus, khoñji lobtugsgunla mols, "De khyozhaa denba zerrad khyozhe nañne cigciggi ñaa ñolog coin."

²² Khoñgun maşante tsherte khoñña ciggi stiñne ciggi tis, "Tsoole, tantan ñata mañdo?" ²³ Yeshui lansals, "Da nyampo daben ciggi nañne zakhanboe ñaa ðaoe lagga stadin. ²⁴ Dampe suñrabssi nañña ðiadzadte yodkhan nañzhin mirigssibu shigos, innañ mirigssibu ðaoe lagga stadkhanni miboa tsamshiggi jigspa miyony. Te sañta kho maskyespinna khoe phia gyalla yoddo."

²⁵ Tene Yeshu ðaoe lagga stadcescanni yude zers, "Lobbonle tantan ñata mañdo."

Yeshui mols, "Ona khyorañ in."

²⁶ Khoñgun dontañ donin yodtus, Yeshui tagi namste Konchogga thugrjeche zhuste cagga dzads yañ lobtugsgunla salin mols, "Ibo ñe zugspo in, lente zo."

²⁷ Tene donskyogpo nams yañ Konchogga thugrjeche zhuste khoñgunla salin mols, "Khyozhaa tshañme i nañne thuy ²⁸ ibo ñe thag in kaboe Konchog tañ khoñji migunni parla chaddonbo tantan dzaddanog, yañ mi mañpoe sdigpe phia şogchoddi tshulla phos. ²⁹ De khyozhaa zerrad, i rgunchañbo khyozhagun nyampo ñe yañskyar mithuy namtshogpa ñarañji yabbi gyaşiddi nañña iboa soma tontag misal."

³⁰ Khoñgunni Konchogga stodpe lu phul tsharracig, khoñgun oliwwi ria skyods.

Pitarri Yeshua misheszun tañcespo luñstan dzads.**26:31 ne 35**

³¹ Tene Tsoo Yeshui lobtugsgunla mols, "Diriñ tshanla khyozhaa tshañme ñaa phañste chen ciazerna Konchoggi molla dzadte dug,

'De lugsdzibo sadcugin,

Yañ lugkhyui luggun yante chen.^b

³² "Innañ sontea lañña dzadte stiñne ña khyozhe sañ sñunla Galillii yuljoñsla chen."

³³ Pitarri lantañs, "Tshañme nyerañ phañnañ, ñe nyerañ mane miphañ."

³⁴ Yeshui mols, "De khyorañña denba zerrad inna tshanla capoe caskad tañji sañ sñunla, khyorañji ñaa lan sum misheszun tañin."

^b26:31 zakarye speche 13:7

³⁵ Pitarri utsug tarjste zers, "Daa nyeraŋ nyampo shigosnaŋ, ɲe nyeraŋ misheszun mane mitaŋ." Tenna tsogs zhan lobtuŋs tshaŋmear zers.

Gedshemane tshassi naŋŋa Yeshui moslam zhus.

26:36 ne 46

³⁶ Tene Tsoo Yeshu lobtuŋsgun nyampo Gedshemane zerse nassa skyods yaŋ khorŋji khorŋgunla mols, "Khyozhagun ika dug, ɲa aka moslam zhua chad"

³⁷ Khorŋji Pitar yaŋ zebeddii butsha Yakob tarj Yohanan nyisko, khorŋraŋ nyampo khyerra dzads, Yeshua thugstsher skyodte khorj tshabssa dzads. ³⁸ Yeshui khorŋgunla mols, "De semsla tsherkha maŋaŋte shices tsogs rag. Da nyampo shaŋ coste ika dug."

³⁹ Yeshu khorŋgunni saŋ tsapig thagriŋŋa skyodte, gylte zhaldorj saa phabste, moslam zhuin mols, "De yable, zhan thabsshig yodna i rdugŋalli korebo ɲe kane thenna dzaddaŋ, innaŋ ɲe dodpa naŋzhiŋ manpa, nyeraŋŋi thuggoŋs naŋzhiŋ coa dzad."

⁴⁰ Tene Yeshu logste skyods yaŋ khorj tshaŋko nyidla soŋte zigs. Khorŋji Pitarla mols, "Chutshod ciggaŋ ɲa nyampo nyid mataŋŋa dugmanyanna? ⁴¹ Khyozhaa sdigpe naŋŋa migyelcessi phia nyid mataŋŋa moslam zhus. Semsnyiddi dodpa sdigpe naŋŋa migyelces yodnaŋ zugspo uthugs yodte innog."

⁴² Lan nyispa khorj tsapig thagriŋŋa skyodte moslam zhua dzads, "De yable, kaltes i rdugŋalli korebo ɲe thuŋste mane then nyances medna, nyeraŋŋi thuggoŋs naŋzhiŋ dʊbshig." ⁴³ Khorj logste skyoddacig, yaŋskyar lobtuŋs tshaŋko nyidla soŋte zigs ciazerna khorŋgun ŋaŋte ɲalte yodpin.

⁴⁴ Lobtuŋsgun yaŋskyar borte khorj tsapig thagriŋŋa skyodte lan sumpa sɲunma tsogsla moslam zhua dzads. ⁴⁵ Tene khorj lobtuŋsgun yodsa logste skyodte mols, "Tarunŋaŋ khyozhaa nyid tarjŋ ɲaltshoada? Ltos, mirigssibua ɲolog coste sdigcangunni lagga stadcessi tustshodpo leb tshar. ⁴⁶ Lonŋs, ɲadaŋgun chen. Ltos, ɲaa ɲolog cokhanbo yorŋŋala."

Yeshu zums.

26:47 ne 56

⁴⁷ Tsoo Yeshui zhalta salin yod zane lobtuŋs rcugnyispoe naŋŋe Yuda teka leb, kho nyampo lama uskyoŋgun tarj Yahudape uskyoŋgunni kalkhanni mi maŋpo rai tarj berka khurte yoŋs. ⁴⁸ Dolog cokhanboe khorŋgunla Yeshu zummala rdazhig tarjŋ, "De pug taŋkhanni mibo khyozhe zum" zers. ⁴⁹ Tennamalla Yuda Yeshu yodsa yoŋste, "Lobbonle, jule" zerte pug taŋs.

⁵⁰ Yeshui khoa mols, "Dzao, khyoraŋ coala yoŋskhanbo cos." Tene khorŋgun yoŋste Yeshu zums yaŋ lcaŋthag nyampo tags. ⁵¹ Hunmedla lobtuŋs ciggi khoranŋi rai phiŋste lama chenmoe yogpoa gyabste khoe namcogpo cadtaŋs.

⁵² Yeshui khoa mols, "Rai shubssi naŋŋa gyorj ciazerna rai kolkhan tshaŋma rai kane shiin. ⁵³ Khyoraŋŋi ci sam, kaltes ɲe ɲaraŋŋi yabba zhuna tennamalla phonye

magmi taṅs medshig ṅaa skyobba kalla midzadda? ⁵⁴ Innaṅ kaltes tebo ṅe cona, tene dampe sunṅrabssi naṅṅa igun ṅeka cuṅgos molkhanbo kazuggi ḍaṅḍa ḍubin."

⁵⁵ Tene Yeshui khoṅ zumkhangunla mols, "Rai taṅ berka khurte ṅa zumma yoṅste ci ṅa cagpa innogga? Chodkhaṅṅi naṅṅa zhagtaṅ ṅe labzha taṅ zane khyozhe ṅa cia mazumspin? ⁵⁶ Innaṅ dampe sunṅrabssi naṅṅa luṅstonpe Griiskhangun ḍubcessi phia i tshaṅma cuṅgos." Tene khoṅ phaṅste lobṅugs tshaṅma shor.

Yeshu Yahudape tshogsdui dunla khyers.

26:57 ne 68

⁵⁷ Tsoo Yeshu zumkhangunni, khoṅ lama chenmo Kayaphassika khyers, karu chosthimsla khaspagun taṅ Yahudape uskyoṅgun dzomste yodpin. ⁵⁸ Innaṅ Pitar lama chenmoe phoḍaṅṅi gyaṅskor tshogpa thagraṅzhigne khoṅṅi gyabne soṅ yaṅ naṅkugga soṅte Yeshua ci corug stala ṅuṅkhangun nyampo seka dugṅ.

⁵⁹ Lama chenmo taṅ Yahudape tshogsdui thusmi tshaṅme Yeshu sadnyancessi zunni spaṅpo tsals. ⁶⁰ Mi maṅpoe zunni spaṅpo taṅnaṅ khoṅ sadnyancessi spaṅpozhiḡ mathob. Stiṅjugga mi nyis yoṅste ⁶¹ zers, "I miboe zerraragpin, 'De Konchoggi chodkhaṅ shigste, zhag summi naṅṅa yaṅskyar stisṅnyanin'."

⁶² Tene lama chenmo laṅste Yeshua zers, "Khyoraṅṅi gyabgalla spaṅpo taṅkhangunla lantaṅṅa medda? Raṅ skyobcessi phia khyoraṅṅa zerces medda?"

⁶³ Innaṅ Yeshu cubcadte zhugs. Tene lama chenmoe zers, "De khyoraṅṅa Konchog sonpoe naa kallad, ṅazhaa shoddaṅ khyoraṅ Idamma dzadkhanni Mashikaa, Konchoggi ṅas inna?"

⁶⁴ Yeshui mols, "Ona nyeraṅṅi zerkhanbo in, innaṅ ṅe khyozhaa zerrad, maṅspe tussi naṅṅa mirigssibu kunwaṅ Konchoggi chag yaspe thissika dugste, yaṅ namkhe ṅinnika zhonte yoṅṅa khyozhe thoṅin."

⁶⁵ Tene lama chenmo khoranṅi Kospo shags yaṅ zers, "Khoe Konchogga dadlog coste innog. Dadaṅṅa i saṅ maṅṅa spaṅpo ci gosin? Khoe dadlog cokhanbo dagsaraṅ khyozhe tshorte innog. ⁶⁶ Khyozhe ci thagcaddad?" Khoṅgunni lantaṅs, "Kho sadgoshessi ospa innog."

⁶⁷ Tene khoṅgunni khoṅṅi zhaldonṅika thu gyabste mulṅhug coste rduṅs yaṅ zhangunni khoṅṅa ḍamlcags taṅ ⁶⁸ habgod taṅin zers, "Ldamma dzadkhanni Mashika ṅazhaa luṅstan sallaṅ, khyoraṅṅa rdunṅkhanbo su innog?"

Pitarri Yeshu misheszun taṅs.

26:69 ne 75

⁶⁹ Pitar philogga phoḍaṅṅi tshomssi naṅṅa dugste yod zane, yogmozhiḡ kho yodsa yoṅste zers, "Galillipa Yeshu nyampo khyoraṅṅaṅ medpinna?"

⁷⁰ Innaṅ khoe khoṅ tshaṅme dunla zun taṅste zers, "Khyoraṅṅi ci zerte in ṅaa hagoa merag."

⁷¹ Tene kho gyaṅghoeka soṅ, teru zhan yogmozhiḡgi kho thoṅte nyekhorla yodkhangunla zers, "I mibo Natsaredpa Yeshu nyampo dugpin."

⁷² Khoe yaŋskyar misheszun taŋin naa skyalte zers, "Te mibo ŋe shessamed."

⁷³ Tsapigshiggi stiŋne teka laŋste yodkhangun Pitar yodsa soŋte zers, "Tantan khyoraŋ khoe ŋopagunni naŋne cig innog ciazerna khyoraŋŋi spera taŋtshulbo Galillipa tsogs rag."

⁷⁴ Piŋarri kho ŋan phogshig zerin naa skyalte zers, "De te mibo shessamed." Tennamalla capoe skad taŋs.

⁷⁵ Tene Piŋarla Yeshui, "Capoe cascad taŋŋi saŋ sŋunla, khyoraŋŋi ŋaa lan sum misheszun taŋin" molkhanbo idtu yoŋs, yaŋ kho philogga soŋte maŋante ŋus.

Yeshu Pilatuika khyers.

27:1 ne 2

27 ¹ Datog ŋamone, lama uskyoŋ tshaŋma taŋ Yahudape uskyoŋgunni Tsoo Yeshu sadgos zerte thagcads. ² Khoŋgunni khoŋŋi chag Idamste kalon Pilatui lagga stadda khyers.

Yuda ogskyelliga zhugs.

27:3 ne 10

³ Dolog cokhanni yude Tsoo Yeshua sadcessi chadpa phogga thoŋte khoe cokhanboeka tsherkhaa yoŋste mulli pene sumcubo lama uskyoŋgun taŋ Yahudape uskyoŋgunla logste khyers, ⁴ yaŋ khoe zers, "De noŋsmedkhanzhigga ŋolog coste sdigpa costog."

Khoŋgunni zers, "Dazhe cia tsherkhaa coin. Teboa tsherkhaa khoranŋi cos"

⁵ Tene yude chodkhaŋŋi naŋŋa mulli penegun phaŋs yaŋ philogga soŋte ogskyelliga zhugs.

⁶ Lama uskyoŋgunni mulli penegun tuste zers, "I pene thaŋrin in pasaŋ, chodkhaŋŋi baŋdzoddi naŋŋa borcespo thims naŋzhin galte innog" ⁷ Khoŋgunni te peneboa zama cokhanni zhiŋbo nyoste zhanyulli migun shina subcessi phia nassa cocesla thagcads. ⁸ Tenna gyuntshanboe phia dagsaŋ te zhiŋboa thaggi zhiŋ zerranog. ⁹ Sŋunme luŋstonpa yeremyi molkhanbo daŋda dubte innog, khoŋŋi mols,

" Israelpagunni ŋog rin cadkhanni

Mulli pene sumcu khurte

¹⁰ Zama cokhanni zhiŋbo nyos.

Kazug Tsoo Konchoggi ŋaa ka salla dzads.^c "

Pilatui Yeshua ŋiwa ŋis.

27:11 ne 26

¹¹ Tsoo Yeshu Pilatui dunla zhaŋste yod tus khoe khoŋŋa ŋis, "Khyoraŋ Yahudape gyalpo inna?"

Yeshui lansals, "In, nyeraŋŋi zerkhanbo in."

^c27:10 zakarye speche 11:12,13

¹² Lama uskyonḡun taḡ Yahudape uskyonḡunni khonḡa nyad kal zane khonḡi caḡ lansalla madzads. ¹³ Tene Pilatui khonḡa ḡis, "Kxonḡunni skyon maḡpo kalkhanbo khyoraḡa tshorra meragga?" ¹⁴ Khonḡi skyon kalkhan ciggaḡ lan masalpa, kalon maḡaḡte halas.

¹⁵ Lugḡol naḡzhin pesaggi tuschenni tusla, kalonni mitshogssi Idamkhanni tsonpa cig phuddadpin. ¹⁶ Tetusla lasḡan coste miḡcan gyurkhan Barabas tsonpazhig yodpin. ¹⁷ Mitshogs dzommacig, Pilatui khonḡunla ḡis, "Barabas ya Yeshu kaboa Idamma dzadkhanni Mashika zerrad, khonḡ nyiskoe naḡne phuddala khyozhe kabo Idammad?" ¹⁸ (Lama uskyonḡun Yeshuika tshigcespoe khonḡ khoe lagga stadkhanbo Pilatua gyusson).

¹⁹ Pilatu thimspenni ḡissika dugste yod zane, khoe name i lonbo kals, "Te mi noḡsmedpoa thimscadcessi naḡa ḡes maḡes ciazerna taḡḡi tshanla khoe skorla jigsnaḡcan nyilam thoḡcespoe ḡaa rdugḡal chenmo thoḡ."

²⁰ Innaḡ lama uskyonḡun taḡ Yahudape uskyonḡunni Barabas phudces taḡ Yeshu sadcugcessi phia mitshogsla kalonla zhuwa phulcugcessi phia Ice kolte khachams cugs. ²¹ Kalonni yaḡskyar mitshogsla ḡis, "Kxonḡ nyiskoe naḡne ḡe khyozhe phia su phud?"

Mitshogssi lantaḡs, "Barabas phudda dzad."

²² Pilatui ḡis, "Tene Idamma dzadkhanni Mashika, Yeshua ḡe ci co?"

Mitshogssi lantaḡs, "Kho ḡkyaḡshirḡa ḡkyonḡ."

²³ Pilatui ḡis, "Ciphia, khoe thimssi gyabgal ci costog?" Innaḡ mitshogssi kuco ḡaḡte taḡḡin zers, "ḡkyaḡshirḡika ḡkyonḡ."

²⁴ Pilatui mitshogssi naḡa gyurja khyonḡ minyannog sam matshad khonḡunla ḡo yoḡste hiliḡs phiḡces gozugspa khoe mitshogssi dunla chu khyonḡste khoranḡi lagpa thus yaḡ zers, "I mibo sadcessi naḡa ḡa noḡsmed in, iboe phia khyozhaa noḡscan innog"

²⁵ Mitshogssi zers, "Kho sadcessi nyadgalbo ḡazhaa taḡ ḡazhe ḡugugunla phogshig"

²⁶ Tene khonḡunni phia Pilatui Barabas tsonkhaḡne phudcugs yaḡ Yeshua stallcag gyabte ḡkyaḡshirḡika ḡkyaḡcesla magmigunla stads.

Magmigunni Yeshua tshigpa ḡags.

27:27 ne 31

²⁷ Tene kalonni magmigunni, kalonni kharri magmi dzomsse nasse naḡa Tsoo Yeshu khyerte magtshogs gaḡpo khonḡa khorte dugs. ²⁸ Khonḡunni khonḡi namzaa phudte, gyalpo gonkhan tsogssi namzaa marpozhiḡ skons, ²⁹ yaḡ tsherme thorshog laste khonḡi ua skons. Khonḡi chag yaspe naḡa snyugberzhig kals yaḡ khonḡi dunla pigdonḡ tsugste khonḡa tshigpa ḡagin zers, "Yahudape gyalpoa chagtshal." ³⁰ Thu gyab, snyugberbo khurte khonḡi ua lan maḡpo gyabs. ³¹ Tshigpa ḡagste stiḡne khonḡunni namzaa marpobo phudte, Yeshua khonḡraḡḡi namzabo skons. Tene khonḡ ḡkyaḡshirḡika ḡkyaḡcesla khyers.

Yeshu şkyarşhiŋŋa şkyarş.

27:32 ne 44

³² Khoŋgunni Tsoo Yeshu Yerushalemmi gyalsane phiŋste thidte khyer zane Kirinpa Shimon thug, yar magmigunni khoa war tanŋte Yeshui şkyarşhiŋ khurcugs. ³³ Khoŋgun golgotha (Kaboe tongtago goi ruspe sakyad) zerkhanni nasseka leb. ³⁴ Teru khoŋgunni Yeshua gal^d şeskhanni rgunchar doncesla phuls, innar khoŋŋi tebo nyanŋste donna madzads.

³⁵ Yeshu şkyarşhiŋŋika şkyarş tsharracig, khoŋŋi namzaa goste sua thobdug ltacesla cholo rils. ³⁶ Yar magmigun seka dugste Yeshu şuŋs. ³⁷ Khoŋŋi ui stagga nyadgal kalkhanni stagspoeka ibo Yeshu Yahudape gyalpo in Griiste yodpin. ³⁸ Cagpa nyis khoŋ nyampo şkyarşhiŋŋika şkyarş, cigpo khoŋŋi yaspa yar cigpo yomaa.

³⁹ Te nassa gyudte dulxhangunni go yugte smadra tarin zers, ⁴⁰ "Chodkhar shigste zhag summi narŋa stigin zerkhan khyod, kaltes Konchoggi şas inna şkyarşhiŋŋi kane yogga babste rar skyobbarŋ."

⁴¹ Tenna tsogsla lama uskyoŋgun, chosthimsa khaspagun tar Yahudape uskyoŋgunnar khoŋŋa tshigpa şagin zers, ⁴² "Khoe zhanmagun skyobs, innar khorar skyobnyanna midug. Israelpa gyalpo şkyarşhiŋŋi kane dagsa babste yorŋa, ŋazhe tadpa coin. ⁴³ Konchogga idshes coste khoe zerradpin, 'Da Konchoggi şas in', ta stenba Konchoggi kho skyobbadzad dugga?" ⁴⁴ Tenna tsogsla khoŋ nyampo şkyarşhiŋŋika şkyarşkhan cagpagunnar khoŋŋa tshig tarş.

Tsoo Yeshu tarş.

27:45 ne 56

⁴⁵ Nyingunne chutshod sumpa tshagpa yul garpo mundig sor. ⁴⁶ Chutshod sumpa zodshigga Yeshui ibripe skaddi narŋa kuco şante salin mols, "Eloi eloi lema sabacthani" kaboe tongtago, "De Konchog, ŋe Konchog, nyerarŋi ŋaa cia pharŋa dzadte in?"

⁴⁷ Teka yodkhangunni narŋe khaciggi tebo tshorracig zers, "Khoe luŋstonpa Eliya boddarag." ⁴⁸ Tennamalla khoŋgunni ŋone cig barŋarŋte rasbalzhig rgunchar skyurmoe narŋa cugs yar berkeka skyonte Yeshua doncesla tarş. ⁴⁹ Zhangunni zers, "Dugcugar. Luŋstonpa Eliyaa kho skyobbala skyoddugga stenba."

⁵⁰ Yeshui yarşkyar skad chenmo nyampo kuco salte rarŋi skuşogpo sals. ⁵¹ Tenna zane chodkharŋi yola gone jug tshogpa khagnyissi narŋa chad. ⁵² Romkhangun bete shikhanni mi dampa marpo sontea larŋa dzads. ⁵³ Yeshu sontea larŋa dzadte stiŋne Romkharŋe biŋste yorŋkhangun dampe Yerushalemmi gyalpa sor yar mi marpozhiŋga thor.

^d27:34 gal zerkhanbo şkyarşhiŋŋika şkyarşkhanni migunla zumo nyurŋun tshorressi phia thurŋa tarŋanog

⁵⁴ Yeshu şunte yodkhan magmigye sponbo taŋ zhan magmigunni, saŋgul taŋ cuŋkhan tshaŋma thoŋte maşante jigs yaŋ zers, "I mi Konchoggi şas inkhanbo tantan innog."

⁵⁵ Thagriŋzhigne bumo maŋpoe Yeshu toŋşespo lten yodpin, khonggunni Yeshui ghosdomgun rigste zhabshi zhuin khoŋ nyampo Galilline parla yoŋste inpin.

⁵⁶ Khonggunni ŋoa Miryam magdallama, Yoseb taŋ khoe no Yakobbi ama Miryam taŋ zebeddii butshaa gunni ama yodpin.

Yeshui spur spurkhaŋŋi naŋŋa borra dzads.

27:57 ne 61

⁵⁷ Muncurubkyis yod zane Yoseb zerkhan Arimathapa mi chugpozhiŋ teru yoŋş, khoŋ Yeshui lobtuŋszhiŋ inpin. ⁵⁸ Kho Pilatuika soŋte, khoa Yeshui spur sal zerte zhuwa phuls, tene Pilatui tebo khoa toŋ zerte ka taŋş. ⁵⁹ Yosebbi Yeshui spur khyerte ras lagmo kuspoe naŋŋa tumste ⁶⁰ đaggi naŋŋa khoranŋi phia skoste yodkhanni soma spurkhaŋboe naŋŋa Yeshui spur bors yaŋ spurkhaŋŋi kheka kharrdo chenmozhiŋ rilte kho soŋ. ⁶¹ Magdallama Miryam taŋ zhan Miryam gun spurkhaŋŋi aŋo chogsla dugste yodpin.

Magmigunni Yeshui spurkhaŋ şuŋş.

27:62 ne 66

⁶² Thorezugpo shabbaddi zhagga, lama uskyoŋgun taŋ pharushipagun Pilatu yodsa soŋ. ⁶³ Khonggunni zers, "Sponbole, te gobskorkhanboe sotea yodtus khoe, 'Zhaŋ summi stiŋne ŋa sotea laŋin' zerkhanbo ŋazhaa idturag. ⁶⁴ Teboephia zhaŋ sum tshaŋpaa khoe Romkhaŋŋa şuŋkhan rig borra dzad, te mane khoe lobtuŋsgun yoŋste robo skuste khyerte migunla kho shikhangunni ŋone laŋş zersidces innog. Tene ŋadangunni phia stiŋjuggi gobskorbo şunme saŋ maŋŋa thua yoŋin."

⁶⁵ Pilatui zers, "Magmigun khyerte tsamthub nyannaŋ stanpo coste şuŋcug."

⁶⁶ Tene khonggun soŋte spurkhaŋbo stanpo coste ghoeka thetse gyabs, yaŋ magmigun şuŋŋa bors.

Yeshu sotea laŋŋa dzads.

28:1 ne 10

28 ¹ Shabbad, ŋaltshoe zhaggi stiŋne zanyime zhagga ŋatog nyima sharkisla, magdallama Miryam taŋ zhan Miryamzhiŋ spurkhaŋŋa stala soŋ.

² Hunmedla saŋgul ma chenmozhiŋ yoŋş ciazerna Konchoggi phonya namkhane babste spurkhaŋŋi ghoie kane kharrdo rilte, teka zhugs. ³ Khoŋŋi zhaldoŋ skamlag tsogsla ldanşhan yaŋ namzaa khaa tsogs karmo yodpin. ⁴ Khoŋ thoŋte şuŋin yodkhan magmigun maşante jigste darin seka gyelte shikhan tsogs gyur.

⁵ Phonye bumo nyiskoa mols, "Jigs majigs, khyozhe şkyanşhiŋŋika şkyanşkhan Yeshua tsalkhanbo ŋa gyusyod. ⁶ Khoŋ ika med; khoŋŋi molkhan naŋzhiŋ khoŋ sotea zhaŋste in. Yoŋste khoŋŋi spur borse nassa ltos. ⁷ Tene gyogspa soŋte khoŋŋi lobtuŋsgunla shod, 'Khoŋ shikhangunni ŋone sotea zhaŋste, khyozhe

saŋ sŋunla Galillii yuljoŋssi naŋŋa skyodin. Teru khyozhagunla khoŋ jalin.' De shadkhangun idtu bor."

⁸ Tene bumogun jigsnaŋ thadte gamo nyampo spurkhaŋne baŋtaŋin khoŋŋi lobŋugsgunla shaddala soŋ. ⁹ Khoŋ nyisko chen yod zane hunmedla Yeshu khoŋgunni dunla jalte, "Jule" mols. Khoŋgun Yeshui dunla soŋ yaŋ khoŋŋi zhabsla thamste chagphuls. ¹⁰ Yeshui khoŋgunla mols, "Jigs majigs. Soŋte ŋe spungunla, Galillia soŋ zer yaŋ khoŋgunni ŋaa teru thoŋin."

Spurkhaŋ ŋuŋkhangunni nastshul shads.

28:11 ne 15

¹¹ Bumo nyisko chen yod zane, magmi ŋuŋkhan khacig Yerushalemmi gyalsaa yoŋste cuŋkhan tshaŋma lama uskyoŋgunla shads. ¹² Lama uskyoŋgun taŋ Yahudape uskyoŋgun dzomste magmigunla pene maŋpo taŋste zun taŋcugcessi thabldiŋs. ¹³ Khoŋgunni magmigunla zers, "Khyozhe, 'Tshanla ŋazhaa nyidla soŋte yod zane khoe lobŋugsgun yoŋste ro ŋkuste khyertog' zergos. ¹⁴ Kaltes tebo kalonni tshorna, ŋazhe skyobste khyozhaa chadpa phog micug." ¹⁵ Tene magmigunni pene lente khoŋgunni zerkhan naŋzhiŋ cos pasaŋ, Yahudape ŋoa diriŋ tshogpaŋ te sperabo khyebsin innog.

Yeshui stinjuggi labzha sals.

28:16 ne 20

¹⁶ Tene Galillii naŋŋa Yeshui soŋ molkhanni rika lobŋugs cugshigpo soŋ. ¹⁷ Khoŋgunni Yeshu jallacig chagphuls, innar khaciggi (Khoŋ Yeshu innahe samste) thetshoms cos.

¹⁸ Yeshu khoŋgun yodsa skyodte mols, "Namkhaa taŋ jigstenni naŋŋa yodkhan tshaŋmeka waŋcha gaŋpo ŋa salla dzadte in. ¹⁹ Teboephia gyalkhams tshaŋme naŋŋa soŋte migun ŋe lobŋugs gyurcugesla stsonŋus coste khoŋgunla yab, ŋas taŋ dampe thugnyiddi tshanni naŋŋa thus toŋ. ²⁰ Yaŋ ŋe khyozhaa taŋkhanni ka tshaŋma khanyancesla khoŋgunla labzha toŋ, yaŋ ŋa tussi thama tshogpaŋ khyozhaa nyampo tusgyun dugcespo idtu bor..